



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1053/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1053/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1053/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1053/A

ANTONII

MVSÆ BRASÆ

uoli Ferrariensis, Examen om-
nium Syruporum, quo-
rum publicus
usus est.

Omnia ab autore recognita.
GV M INDICE.



*V*enetijs *A*pud Cominum de *T*ridino
*M*ontisferrati, *A*nno

M . D . XLV .

ANOTIA

W. J. W. W. W.

W. J. W. W. W.
W. J. W. W. W.
W. J. W. W. W.
W. J. W. W. W.

W. J. W. W. W.
W. J. W. W. W.



W. J. W. W. W.
W. J. W. W. W.
W. J. W. W. W.

AD ILLUSTRISS.³

vnà & pudicissimam virginem

ELLEONORAM ESTEN.

SEM, Antonius Musa

Brasauolus be-

ne age-

re.



ANTIQVORVM
mos fuit, et hoc etiam tēpore
seruatur, si quis opus ali-
quod egregium parasset, ali-
cui principi, aut nobilissimo
Heroi nuncupare: ne in vul-
gus absque patrono, et tutore prodiret. Res
profecto à nemine qui mentis compos
sit, detrectanda, sed tamen quæ nos ab
incepto repellat, ne videamur partus no-
stros egregios putare: quos potius ab-
ortiuos, & prociduos arbitramur. Ta-
men quicquid sit, quum præcedentibus
mensibus de Syrupis inter nos sermo in-
cidisset, & tu de hac materia doctè &
abundè disseruisses, visum est mihi, nul-
li magis conuenire, quàm tibi, quæ non
modo Magdalenam imitata es, huius

A ii

mundi illecebris & deliramentis spretis ;
rerum , diuinarum contemplationi va-
cas , sed plerunque etiam Marthæ fata-
gentis officio fungeris , vt triplici coro-
na digna sis . Prima , quia sponte nullo
monitore , nec infantia dissuadente , imò
illustrissimo patre primis motibus ob-
uiante & reluctante , sacratissimam hanc
religiosarum frequentiam ingredi cura-
sti , frequentiam inquam pudicissima-
rum virginum & sanctarum , matronam
beatam Claram imitantium , quam cor-
poris CHRISTI VIRGINIVM vo-
cant , & quam nullus alter Vestalium Vir-
ginum coetus in tota Italia sanctitate ac mi-
raculis superat . Hic tu spiritui & ora-
tionibus vacas , & statutis horis te totam
contemplationi præstas . Secunda coro-
na est , quia illis horis , quibus vel aliæ
dormiunt , vel mechanico operi incum-
bunt , tu apparandis & concinandis phar-
macis diligentem operam præstas . Quod
opus , utpote plenum charitatis dignum
est vt à te fiat , nempe sic consorores alias
aegras iuuare potes , & ita veluti altera
Martha sollicita es circa frequens mini-

sterium. Tertia corona, quia Diui AL-
PHONSI. Ferrariae Ducis filia, quum
maritum principem, ex summis, Italiae
proceribus sperare posses, tu potius pue-
rum IESVM. dulcem Mariae natum,
pulcherrimū, deliciosissimum, qui eadem
semper virenti aetate, eadem pulcherri-
ma pulchritudine, eisdem semper pro-
bisimis moribus in sponsum, elegisti,
quem cognoscere totis viribus studes il-
lustrissima Virgo, cognitum laudare,
laudatum amare, amatum venerari, ve-
neratum exprimere, expressum imitari,
vt denique cum eo immortalī felicitate
perfruaris. Hic est ille praeducis, & prae-
potens sponsus, qui te non oppidi do-
minam, non vrbis Ducissam, non pro-
uinciae reginam, non Christianorum im-
peratricem, sed totius coeli, & paradisi
deliciarum participem faciet. Igitur illu-
strissima hunc sequi studeas, hunc imi-
tari, hunc totis viribus amare, vt vna sis
ex prudentibus quinque virginibus, quae
oleum sibi statuto tempore compara-
runt, vt aduenienti sponso IESV sine
mora possis occurrere, & in eius amore

A iii

semper donquiescere , Vt cum Phocylide concludam , vnà cum sanctis Sororibus ΣΩΤΗΝ ΕΚΤΕΛΕΟΙ ΤΑ ΑΓΘΩΝ ΜΕΧΡΙ ΓΗΡΑΟΣ *bv d'oo* , id est, Vitam perficite malorum immunem vsque ad senectutis limen .

Sed cur Noctuas Athenas porto ? aut Angelos bene agere instruo ? Accipe igitur Elleonora illustrissima, de Syrupis libellum, vt, quum Marchæ officio fungeris , in his componendis aliorum errores corrigas .

Vale Virgini-
num pu-
di-
cissima .

I N E X A M E N

O M N I V M S Y R V

porum eximij Philosophi &

Medici Antonij Muse

Brasauoli, Franci-

sci Bouij Fer-

rariens

fis.

E P I G R A M M A.

Qui prius exactè Medicamina quæq; recenset

Simplicia, ac vires, sint quibus illa, docet.

M V S A, Syruporum totam hic ANTONIVS

Explicat, & priscos æquat honore viros.

Hanc sacra Atestinæ Virgo noua gloria gentis

Luminibus placidis Elleonora legit.

Doctior hinc Medicus, magne Pharmacopola peritus

Hinc componendi pharmaca, abire potest.

Hinc necis humanæ, Medicinæ inscitia turpis

Causa aberit. Vitam lux patefacta feret.

Haud necis humanæ causa inuidiosa feretur.

Iam Medicina, quod est, ipsa salubris erit.

Arte sine ingenium cæcum est, ars ipsa remoto

Officio, manca est, hoc sine penè nihil.

Non sat Aristotelis, magniq; arcana Platonis

Nosse, licet uiuo singula fonte petas:

Socratico hic sophiam uoluit deducere ritu

Cœlitus, atq; hominum consuluisse bonis.

EXAMEN

OMNIUM SY.

RVPORVM QVORVM

in publicis officinis vsus

est, Antonio Mu-

sa Brasauolo

Ferrarien-

si auto-

re.

BRASAVOLVS, SENEX

PHARMACOPOLA.



EV S HEVS. Quorsum tam SENEX?

rapide, tamq; celericursu properas?
qui testudineo gradu alioqui tuo huic
antiquissimo mulo insidens incedere
soleas? BRASAVOLVS. Ad coenā
uocor: hāc enim diem hucusq; ieiunus

transiui. SENEX. Qur tu quem medice uiuere oportet,
uentriculū tam longo spatio inanē esse permisisti? For
tē heri uestperi pleniori coena usus es, quæ ad hanc us
que horam te saturum fecerit. B R A S A. Non equi
dem: sed in Diui Ioannis uenerationem, pro qua omnes
Christiani hodie ieiunant, id est semel in die comedunt,
et ego eundem morem seruare institui. S E N. Ad pran
dium igitur uocaris, non ad coenam. B R A. Vtrunq; si

mul expediam. SEN. Quur in meridie pransus non es, ut est omniū ferē communissimus mos? BRA. Vt uxore culae meae, & alijs domesticis mulierculis satisfacerem, atq; morem geram. SEN. O' te miserum atq; infortunatum. Igitur mulierculis pares? BRA. Et pareo, & parent. SE. De me actum esset, si in re uel tantilli momenti uxori meae aures porrigerem, & annuerē. BRA. Tamen difficile est foeminam cogere. SEN. Difficillimum. BRA. Quomodo igitur continuo domi non certas? SE. Imò nulli sunt dies, uel nulla saltē hebdomas, quae rixis, clamoribus, & contumelijs coniugalibus careat. BRA. Ego potius e contrario dicā, O' te miserrimum, atq; infelicissimum, qui continuam rixarum & contumeliarum pestem domi alas. SE. Quis ille est adeò temperans, & modestia peditus, qui uxorem ducens ab his temperare possit? BRA. Ego is sum, licet parum modestus, & parum temperans, tamen septimus agitur annus postquam uxore duxi. Nunquam uerò eam uel iratus turpi nomine aut contumelioso appellauī, & ad hoc usq; tempus adeò tranquillē unā uiuimus, ut nullus uel religiosarum coetus pacatior inueniri possit. SEN. At ego primis protinus diebus institui, nunquam suo nomine uxorem meam uocare. sed continuo aut belluam, aut mendicam, aut scortum, aut alio simili nomine, quoties opus est uocare eā, appello. BRAS. Ego autem meam non solum suo nomine, sed etiam honestiori eam appello, quae mihi mitissima effecta est. SE. Aut mulier non est tua uxor, aut diuino loco nata. BRA. Ferrariae orta est, & mulier quae biliosissimam temperaturā nacta est, si qua altera. SE. Quo-

modo igitur tam diu absque bello, iurgiis, et uerberibus uiuere potuisti? BRA. Quomodo tu in tam magno incommodo in bello magis quàm hostili tanto tempore uitam duxisti? SE. audies (si aures accommodare non pigeat. Ab initio cùm uxorem duxi, statui & fixa mente reposui: quicquid uellem, quicquid dicerem, uel sanum, uel insanū, ut ipsa id ageret, & annueret. BRA. O' dementia non modò mira, sed plusquàm feralis, Hoc est, hoc est, quod uxores multas (pauperculas quidem illas quæ his nebulonibus iunguntur) in exitium perducit. Quippe nulla est mulier, quæ suā bilem, & suam indignationem non habeat. Multi uerò fatui putāt leonem uerberibus cicurare, quod boni cicuratores nō faciūt: sed canes in cōspectu leonis cædentes, cicures leones reddunt. Quid autem de uxore egeris, prosequaris. SEN. EX his quæ dicebam, illa quædam annuebat, alia negabat quibus assentire uolebam: & quia negabat, uerbis atq; uerberibus afficiebatur. Imò prima nocte qua domum meam accessit, muliebria femoralia paraueram, & duos baculos: quando hora cubandi in cubiculo soli clausi fuimus, femoralia in terram proieci, et sumpto baculo alterum illi dedi, inquit: Volo nunc pugnemus, uter nostrum femoralia ferre debet. & quia nec baculum sumere uoluit, nec pugnare, grauitèr fustuario prima illa nocte uapulauit. BRA. O' fatuissimè uirorū, pulchra matrimonij cōsumatio illa fuit. Vtinam sumpto baculo te pro merito multasset. Dic autem, illa quæ negabat, & quibus te inuito annuebat, erant ne alicuius momenti? SEN. Minimi quandoq; & plerunq; nullius: sed expe-

riundi gratia quædam uana & absurda proponebam, ut ad mea uota annuere & negare condisceret. BRA. O^mniū quos adhuc nouerim uirorum fatuissimū. Vxo- rem igitur assentatricem & propè parasiticam habere cupiebas, quæ in rebus falsis te laudaret, et manifestè ue- ra inficiaretur? SEN. Non assentatricem cupiebam, sed mihi obsequentem. BRA. Dic (ni pigeat) fuit ne unquam obsequens? SEN. Nunquam potui iurgiis, minis, aut uerberibus adeò efficere, ut præceptis meis obsecunda- ret. BRAS. Igitur tam longæuam ætatem pugnas, & quali bello? Magis quàm intestino miseram uitam du- cere potuisti? SE. Plus certè fuit quàm intestinum bel- lum quod inter nos factum est: nunquam enim tam hor- rendum & ingens monstrum domari potuit, quod Her- culeam clauam etiam retundit. BRA. Nescio an tu po- tius, uel illa monstrum sit. Quippe tu nunquam domitus es: sed continuè furiali incessu, & non humano proces- sisti. SEN. Non licet uirum ab uxore domari, & dor- so muliebres clitellas gestare. BRA. Hoc est illud quod perpetua bella inter uos facit. De te autē plurimum mi- ror, quem plerunq; uiderim famulum tuum, & pueros quos instituis, benignè, & piè admonere, & labores multos ut eos rectè instituas pateris, tamen quando & quoties lubet expellere potes, & illi sponte abire: non potes autem pusillum tolerare, ut uxorem propriā edo- ceas, quæ uelis nolis tua est. Eadem domo uiuitis, eadem mense accumbitis, eodem cubiculo acquiescitis, eodem toro cubatis, communes filiorum parentes estis bonæ & malæ fortunæ participes, quam et si uolueris, expellere

non potes, nec ipsa sponte discedere, sed te ad cineres usq; comitabitur. SEN. Libenter scirem quomodo uxorem tuam mitiorem reddideris: nam discens forte imitabor, & quod superest mihi uitæ, quietius transigam. BRA. Rem (ut arbitror) difficillimam aggredieris. nam psitaci rostrum nactus es: tamen non grauabor meum et uerum has feras cicuradi modum edocere. Principio, Antiquum morē considerare cœpi, quo uxor maritum, & maritus uxorem emebat. id interpretatur Plutarchus, ex hoc significari, inter uirum & uxorem æqualitatem quandam esse debere, ut uterque alteri sponte obtemperet. Cuius rei erant illa uerba solennia: Si fueris mihi Caius, ero tibi Caia. Deinde mihi ex instituto proposui, hoc momentaneum uitæ spatium in perpetua animi pace, quiete, & tranquillitate percurrendū esse: propterea primis illis diebus à nuptijs omnia agere cœpi quæ uxori meæ placere preuidebam, explorabamq; ab ancillis, à sorore, & alijs, an quicquā nosceret quod uxori meæ placeret, quod illi gratum foret & iocundum, & nihil intentatum omittabam, quin efficerem, tu in omnibus illi satisfacere, & sua uota implere. Illa uicissim ita me amare cœpit, ut quicquid cogitat, quicquid agit, in meū solatium sint, et nihi! aliud animo habet, quàm mihi grata parare. Quippe in dies nouas dapes, nouos intinctus & scitamēta, noua obsonia quæ meo palato sapiant, perquirat. Si quandoq; in habitu corporis, & uestium genere mihi displicuerit, non arguo, nō reprehendo, non exclamo, iubens ut hanc uel illam uestem dimittat, ut manicas aut torale mutet, ut uittas, in-

fulasue alio more gestet. Sed mihi fabellam quandam
fingo: in templo mulierem uidisse tali habitu, taliq; mi-
tra redimitam, quæ mihi adeò placuerit, ut oculis meis
nihil unquã gratius occurrerit. Sequenti die aliam mu-
lierem me uidisse refero, quæ ob uestium lacinias, ob ui-
tarum uarietatem adeò mihi displicuerit, ut eam magis
quàm Tisiphonem abhorrerem, & quam nullo pretio
matrimonio mihi iunctam esse uelim. Hæc audiens uxor
mea uestes me inscio mutabat, uitasq; ut mihi gratum
erat, aptabat. Ita q; pacificè, summo cum amore & be-
neuolentia ad frugem redibat. SEN. Vir sum ego qui
hæc pati non possem, & cui has feras emperiose potius
quàm blandè uincendas esse uidetur. BRA. Tuam ta-
men ad hanc usq; tam longæuam ætatem uincere non po-
tuissti. SEN. Nec (ut arbitror) posthac uincam, nisi in-
terfecero, aut spontanea morte deccadat. BRA. Ego au-
tem meam mihi cicurem, blandam, meisq; uotis commo-
dam re minima reddidi. Nec dubito me oppositum fa-
cturum fuisse, si contumelijs, aut uerberibus illā perui-
cere uoluisssem. SEN. Nunquam in iram in tanto tem-
pore prorupistis? BRA. Nunquam. SEN. Quid age-
re si tuos nummos expenderet, tuaq; bona dilapidaret?
BRA. Imo ingenuè tibi dicam: primis illis mensibus à
nuptijs clauis cubiculorum quorundā seruabam, in qui-
bus pauca illa pecuniola quam habebam, & alia quæ-
dam domestica bona aurea & argentea condebantur,
quoad eius mores occultè expertus essem. Sed postquam
mihi filios peperit, quod statim post nonum mensem ac-
cidere nosti, uniuersis bonis meis sumptis, et tota illa pe-

cuniola quam habebam, omnia illi præsentaui, & in eius ditionem dedi, his uerbis usus: Cassandra soror, hæc tua sunt, & natorum tuorum, si placet expendas atque profundas, tibi enim filijsq; profundes. Si parca eris, tibi, filijsq; parces, nunc enim peperisti, & iterum plena es, quantum in me sit, uel parcas sis uel prodiga, nihil refert: mihi enim uel hic uel alibi nihil unquam defuturum est: sed tibi, filijsq; tuis deesse posset si immatura morte præuenirer. SEN. Expendit'ne quantum lubet, & omnes mulierum cupiditates explet? BRA. Ter aut quater occultè obseruaui. magis parca est quam optarem, qui me apte natura liberalis sum. SEN. O'te felicissimum, qui adeò secundum uota uxorem instituisti. O' dignum & sanctum consortium. BRA. Hoc est quod semper optaui, quietè, pacificè, & hilari mente uitam ducere, & cuius gratia tales mores institui, quamuis à principio ab amicis quibusdam admonitus essem, ne mihi femoralia (ut uulgari adagio fertur) ab uxore imponi sinerem, sed eam iurgijs & uerberibus subiectam redderem. Quem morem semper despexi, tanquam nebulorum & indignorum hominum improborumq; putans. Etenim ingenuum existimo, nobile, ac penè diuinum, beneficijs potius & blanditijs uxorem sibi beneuolam reddere quàm minis. SEN. Deinceps & ego experiri incipiam nunquit meam mitiorè reddere possim. BRA. Id deniq; efficies, quamuis difficillimum sit contractas rugas serico panno adimere. SE. Hæc de uxoribus satis sint. Ad id autem propter quod te uocaui descendamus. BRA. Quid est illud? SEN. Præcedenti anno promi-

sisti, & iureiurando affirmasti, post simplicia medicamenta, ea composita, quorum apud publicos pharmacopolas usus est, examinare: imò et iandiu te cœpisse enarrabas. Obsecro igitur atq; obtestor, ne promissa rescindas. BRAS, Promisi equidem, sed aliquem inuenire oportet, qui promissa obseruet. Diuersa enim sunt promittere, atque præstare. SEN. Imò apud probos integrosq; uiros, idem planè est promittere & præstare. BRA. Ita certè est, & probus uir nunquam iureiurando affirmare aut negare debet, sed simplicissimis particulis, est, & non, continuè loqui. Quum igitur composita medicamenta examinare promiserim, quando opus erit & tibi lubebit, ita efficiã, ut tu uoti compos fias, et ego promissa non rescindam. Oro autem, ne in præsentim impediatis coenam petentem, & ingenti fame oppressum. SEN. Et ego apud te coenabo, ne alia occasione data laborem subtersugias, et apprimè opto hac die notatu digna felici omine incipiamus. BRA. Quid prohibet deposita ueste, cum domi simus, iam incipere? SEN. Omnia composita medicamenta quæ in officinis habemus una scheda secundum hunc ordinem descripsi, ut omnes syruipi simul essent, omnia eclegmata simul, omnia unguenta simul, & eundem ordinem in cæteris seruo. BRA. In his disponendis ordinem ne seruas? ut syruipi frigidi uno ordine, & calidi alio disponantur? SEN. Nullum ordinem seruauì, sed ut mihi offerebantur disposita sunt. BRA. Erit igitur idem ordo qualis in simplicibus fuit. SEN. Talis planè. BRAS. Quæ autem series inter composita alias antecedit? SEN. Primam seriem

riem Syrupis dedi, & inter illos, is qui de corticibus citri nuncupatur, primum locum obtinet. B R A. De his rebus tractaturi id in primis admonere uolo, cum in his compositis de simplicibus sermo erit, ad ea recurrere oportet, quæ in examine simplicium scripta reliquimus, nisi aliqua sint, quæ incuria eo libro omiserimus, hæc enim isto loco exponemus. Nunc autem syrupi de corticibus citri compositionem enarra. S E N. Ita apud. Me- Syrupus de corticibus citri.
sues ferè legitur: Recipe corticū pomorum citri recentium libram unam, in quinque libras aquæ fontium bulliant ad consumptionem duarum partium, & cum una zuchari libra fiat syrupus, & cum quatuor musci granis condiatur. Nec desunt qui in Iuleb proiciunt ex corticibus citrorum partes cōuenientes, & propriæ quando uicinatur complexionī cōcturæ eius, & est delectabilis, & quando submergitur in aqua decoctionis citri seta tincta ex chesmes, tunc est excellentior. Hæc Mesues nunc syrupum describens. B R A. Imo & alij omnes hoc modo describunt. S E N. Reperitur ne apud antiquos hic syrupus? B R A. Nusquam inuenire licuit: Syrupis, an antiqui videntur.
imo paucissimas huius generis potiones antiqui scriptis mandarunt, & paucissimis utebantur. S E N. ergo syruporum mos antiquus non est. B R A S. Non more nostro: quoniam apud antiquos oxymel, hidromel, ptisanæ, & quedam alia non multa inueniuntur: nec in dilu- culo propinabantur, ut nunc fit, sed in februum ardoribus pro sit sedanda, & ad aperiendum qualibet hora diei, cum opus esset. S E N Mirum mihi uidetur antiquiores concoctricibus potionibus usos non esse. B R A.

B

Imò maxime usi sunt, & plerunque Galenus concoquit melicratum ex hyssopo, hydromel & oxymel tribuens.

SEN. Arbitrabar id nomen syrupus Græcum esse, & ex antiquissimis autoribus sumptum. BRA S. Græcum certe est, & à Græca lingua deflexum, & potius synopus, quàm syrupus proferendum esset: unde Græci succum ὀπὸν uocant. fiunt autem potissimum ex succis synopi, usus autem fecit, ut syrupi dicerentur: quamuis Hermolaus à Syria dictos putet, & alij à σῆμα, quod est traho, & ὀπὸς succus. SEN. Non possum aliqua ratione arbitrari antiquos Græcos non habuisse syra-

Præpotio
& Propina-
tio anti quo-
rum,

πρὸς πὸν, & προπομπὰ appellabant, nos præpotio-
nem, & propinationes Latine interpretari possumus.
longè autem à syrupis quibus nunc utimur absunt. Quip-
pe Aëtius capite CXXV. libro XIII. potiones ex melle
& uino confectas προπομπὰ peculiariter appellari
tradit. Et Alexander Trallianus libro III. capite
XLIII. (alijs locis omiſſis) propomata facit ex aniso,
apio, althæa, absinthio, malis medicis, mastiche ad colli
dolorem repellendum, pro hydrope autem capite trige-
simoprino propoma ex absinthio, cassia id est nostra uo-
cata canella, spica nardi, & apio componit. Quæ potio-
nes nostrorum syruporum naturā sapere uidentur. Sed
in uino potissimum parabant, & ex melle, quia illis no-
strum saccharum deerat. Quandoque tamen idem Tral-
lianus inflammatione iocineris, potiones ex aqua per

decoctionem tribuit, quæ recentium syruporum uice fun-
guntur, ut ex apij decoctione, quæ potionum genera
Græci ἀπὸ ζέμα uocant, est autem capite XV. tertij li- ἀπὸ ζέμα
bri, ex quibus certè habetur his potionibus humores con-
coxisse: & per potiones etiam capite XXVIII. conco-
quit? & capite XXIX. Quid autē opus est loca addu-
cere? quippe constat concoctricibus potionibus totum
Trallianum scatere, licet alterius compositionis, & mo-
di sint, quàm hic, quas nos syrupos uocamus, tamen in
eundem finem factæ pro concoquenda materia. Nec tū-
beris quòd aliàs dixerim calorem naturalem cum esse
qui materiam uerè concoquit, nunc autem hoc munus
syrupis attribuiam, quia ita esse constat solum calorem
naturalem uerè concoquere, Syrupos autem ideo conco-
quere quia naturalem calorem augent, ideo in syrupo-
rum genere præsertim recentiorum multi sunt qui tan-
tum alterant, & non digerunt, quia nec naturalem ca-
lorem augent, nec illi opem præstant, sed uel solum in-
frigidant, uel alia qualitate corpus afficiunt: ea autem
apud Galenum potissimè concoquunt quæ humores ex-
tenuant, propterea XXIIII. Aphorism. primi libri Ga-
lenus humores extenuat quos uult purgare Melicrato
ex hyssopo, uel origano, uel tragorigano, uel thymo,
uel pulegio, quæ ab eodem autore in lib. Quos oportet
purgare, quo tempore, & quibus medicamentis, re-
feruntur. SEN. Quomodo interpretari potest id uoca-
bulum ἀπὸ ζέμα? B R A. De frutum seu deferuifac-
tum ἀπὸ ζέμα ferueo. Erant autem ex herbis uel radicibus deco-
cta, quæ frequenter post catapotia exhibebant. Imò &

apud Paulum Aeginetam multæ potiones reperiuntur, quibus humores concoquebat: & apud Actium imò & ante hos Oribasius sardus, qui penè diuinus creditus est, ut illo uersiculo circumfertur, αἴτιος ὧσιν διος θεοῦ ὄριος, hoc est dignus honore Deum Dius Oribasius tertio libro potiones scribit, quæ uim concoquendi habent, & quæ a Græcis ἡδεύει & ωφέλιμα, id est suauius, & utilia nuncupantur Galenus præterea aquam hordei, mulsum oxymel, & ante ipsum Hippocrates ægris propinarunt constatq; apud Dioscoridem & Galenum plura uinorum genera fictitia quibus ægri, utebantur, quæ uim nostrorum syruporum habere certum est. Ex his igitur inferendum putamus aduersus quosdam recentes sciolos qui syruporum usus demunt, Antiquiores auctores multâ habuisse syrupis nostris proportionata, licet syrupis nostris non uterentur nec componere scirent, illis tamen materias concoquebat nam: & exstenuabant, & uias parabant ubi opus erat. Si autem uoluerim per Hippocratis, Galeni, Pauli, Actij, Sorani, (si is liber Sorani sit qui publicè circumfertur) Tralliani, Aureliani, Celsi loca edocere Antiquos potionibus concoquentibus usos esse, ex solis auctorum sententijs liber in iustum uolumen cresceret, & institutum nostrum omittere oporteret. SEN. Satiùs duco syropos trutinâ perpendere, & uno uerbo contentos esse, Antiquiores morborum materias potionibus concoxisse Dic autem, hic syrupus de corticibus citri iam citatus, cõuenit ne, an quicquam illi addi oportet? BRA. Præter ea quæ à Mesue dicuntur, ualet etiam ad cerebri, et cordis affectus frigidos, & ad

omnes pituitosas aggritudines: ad has enim intemperies hoc syrupo frequentissimè utor. Quippe mihi, institui ab initio & prodesse agris & placere. SEN. Ideo optimos poëtas imitaris, qui simul & prodesse uolunt, & delectare. BRA. Imò & optimos medicos imitari studeo, qui ea sectantur, quæ ab Hypocrate in Aphorismorum libro edocentur, ubi iubet agro paulò deteriore cibum exhibendum esse, modo suauior sit. Ventriculus enim illum amplectitur, & melius concoquit, quàm insuauiolem & meliorem. Mihi enim illi medici semper displicuere, qui adeò seuerè suos agros tractant tãquam tyranni, ubi mitioribus & suauioribus rebus sanare possunt: quanquam & nimis indulgentes etiam accusem, qui omnia concedunt, huic communi sententiæ innixi: *Quantitas nocet, non qualitas.* SEN. Si possibile esset, omnia ad exactam regulam, id est mediocritatem ducere oporteret. Sed cum fieri non possit, plerumq; agris (cum sine periculo est) indulgere conuenit. Nos autè ad prædictum syrupum reuertamur. BRA. Vt lubet, pro citricorticibus quid sumendum sit, disputatum est an citri extrema pars, id est ultimus ille cortex luteus, uel simul caro illa alba, quæ post corticem sequitur. Si cortex ille extremus sumatur, calidior est syrupus: nos autè totum id sumere consueuimus à luteo cortice usque ad succum. Ego potius laudare ut extremus cortex cum aliqua carnis parte ad quantitatem semipollicis sumeretur. Quibus citrèa poma defunt, hi ex limonũ corticibus parare possunt, quãuis nulla uirtus in his corticibus in coquendo relinquatur, uel saltem pauca: propterea limonum

cortices non condiuntur. Siquis autem condire tentet, nullus sapor uel odor aut paucissimus relinquitur, demptis paruis limonibus, qui supra citra inserti sunt. Hi enim & dulcem succum, & corticē citri corticibus affinem habēt. potest etiam hic syrupus ex aranciorum corticibus fieri, tamē insuaues sunt illi cortices, quia amaritudinem habent gustui ingratam, quæ adhæret uentriculo, tamen illi confert si potui detur. Cū hic syrupus deest, plerunq; citrorum conditura utor, quæ corticum citrorum uires maximē suscipit. Id autem quod à Mesue dicitur (& sunt qui in iuleb proijciunt ex corticibus citrorum partes conuenientes) tres sensus habere potest, Vnus est ut doceat, syrupum de corticibus citri hoc modo fieri posse, Cum iuleb sit, & prope cocturam suam peruenerit: nam (ut suo loco ostendemus) particularem cocturam exigit, in ipsum citrorum cortices pone, & ad cocturæ finem bullire sinas, Tunc syrupus de corticibus citri (præter modum iam edoctum) perfectus est. Secundus modus, qui sententiæ Mesuæ applicatur est ut ad primi syrupi modum, quando prope cocturam accedit citrorum cortices addantur, quantitati iuleb, id est iam syrupi perfectionem accipere uolentis, pro ratione tamen, ut non sit plus quàm oporteat, nec minus. Etenim in decoctione quinq; libraru aquæ libra corticū sit, & uiginti unciæ relictæ sint, & una zuchari libra addita sit, quæ ad spissitudinem facit: duæ unciæ corticum citrorum sumantur, ut syrupo uis fortior reddatur, quoniam ex longa ebullitione priores cortices uires aliquas amisisse uidentur. Itaque cor, cerebrum, & uentriculum uehementia

tius iuuabit. Nec te lateat quod hoc nomine Iuleb ipsum
 Syrupum intelligit, ut pluribus etiā locis uidere licebit.
 Tertium sensum omnes ferē pharmacopolæ sequuntur,
 ut non legant corticum citrorum, sed cidoniorum, quod
 re ipsa quidem conuenit, tamen nec ab re est, citrorum le-
 gere, & non cidoniorum, quandoquidem ex citris quo-
 cunq; anni tempore fieri possit, ex cotoneis, nō nisi statu-
 tis, nisi quis sicos cortices seruet, tunc autē uires amit-
 tunt. Imò et annis superioribus citra sola hyeme ad nos
 ferebantur, nunc nullū est anni tempus, quo citra desint,
 imò & incorrupta seruantur, & Italia nunc citreta ha-
 bet amoenissima pluribus locis opere topiario disposita,
 fundis mirē consita sunt. Et apud Anxures & formias.
 Anxur, quæ à uiarum asperitate nomen sortita est secun-
 dum recentes, tamē secundū antiquos Anxur dictum est,
 quod ibi Iuppiter imberbis coleretur: quasi *ἄνεργος*,
 id est sine nouacula, nunc uulgo dicitur Terracina. For-
 miæ autē molla prope Caietā in uia Appia spatio tri-
 bus millibus passuū plus minus. SEN. Multi sunt phar-
 macopolæ q̄ cidoniorū cortices in ultima coctura acci-
 piunt, alij citrorū. Quibus inheres tu? BRA. Hoc nihil
 refert, quoniā hic syrupus à Mesue sine his paratur: De-
 niq; addit aliquos esse, qui prædictos cortices addere uo-
 luerūt, propterea quoscunq; cortices sumere, non magni
 facerē. Id tamē summe optarē, ut duo syrupi ex cortici-
 bus citri pararētur: Vnus, qui hos cortices reciperet p̄
 aliquot dies ex aqua maceratos pro effoeminatis et deli-
 cationibus uiris. Alius ex cortice nō macerato, pro his q̄
 amara potare nō uerētur: Nam si hic cortex sine macea

B iiii

ratione ebulliat, extremam quandam amarulentiam in decoctione relinquit, quæ tamen huic syrupo efficaciores vires præstat, uel primum ex maceratis corticibus dimittas, & citrorum conditorum condimento, illius loco utaris. Hic etiã syrupus delectabilior efficietur, si in Auleb ferè decoctum, cortices ponuntur: Nam Zucharum ita densatum amaritudinem in ipsum imprimi non sinit, & ita delectabilior efficietur, sed minus efficax. S E N. In his tuis prædictis, non aderit muscus, nec seta tincta in chermes. B R A. Imò ut plurimum ex mosco componunt. An uerò seta illa in chermes tincta poni debeat, non magnifacio: quia nec Mesue dicit eam setam necessariò in huius syrupi decoctionem ingredi: imò inquit perfectiorem esse. Quod an uerum sit ambigimus. S E N.

Muscus,

Quid sit muscus abs te discere cupio: de eo cum in simplicium examine tractare obliti sumus. B R A. Quæ de nostro uocato mosco his oculis hausi, ea audacter enarrare tentabimus. Antiqui, hoc est Hippocrates, Dioscorides, Galenus, & Plinius Galeno antiquior, & fortè in his perquirendis accuratior, nusquam de mosco locuti sunt: intelligo autem de nostro uocato mosco odorato, quia muscum herbam & marinum muscum ad unguem pertractarunt. De mosco autem uel moscato nihil unquam apud hos inuenire licuit. Græci autem posteriores ut Aëtius, & Paulus, musci quidem uel mosci meminerunt, quid autem sit non exponunt, sed apud ipsos in compositionibus quibusdam mixtus inuenitur, ut apud Aëtium legere potes libro XVI cap. CXVI. & deinceps in omnibus compositionibus quas moscatas appellat, quia

moscum recipiunt, in ipsis mixtum inuenies. SE. Quomodo proferendum est muscus uel moschus? BRA. Nos muscum & muscatum dicimus, et apud Plinium muscus herba in Cyrenaica prouincia odorata nascitur. Græci posteriores moscum appellant, Mauritani Misch. Non est mihi curæ quomodocunq; nuncupatur, uel cum aspiratione, uel sine aspiratione scribatur, quoniā nulli sunt probati autores qui de eo loquantur: Suaderem tamen quod posteriores Græcos imitemur, Moschum dicentes. Quod nomen hinc nonnulli dictum putāt, quia Græci animal hoc ex quo moschus colligitur, uitulorum colorem habere iudicarunt, quos $\mu\omicron\chi\omicron\varsigma$ $\delta\varsigma$ $\mu\omicron\chi\omicron\varsigma\epsilon\iota\alpha$ appellant: Alij inquiunt ita appellari, quia Græci primos stolones $\mu\omicron\chi$ $\delta\varsigma$ uocant. Moschus autē odoratus, est tanquā in eo animāte stolo. Quicquid tamen sit, cum Misch Afrum nomen esse nouerim, & in Africa potissimū hæc animalia nascentur, arbitror à Misch moschum recenses Græcos deflexisse, sit autem hoc modo: Animal est (quod Alphonsus illustris. Ferrariæ Dux quandoq; in delicijs habuit in sua Padana insula quæ Alcinoi hortos æquat) in Aegypto, & pluribus Africa locis in colore ceruo simile, dorcade aut capreolo paulò maius, & non nunquā æquale. in figura capreolo simile, ungues multifidos habens ut capreolus, agile ualde, & uelocissimè currens, quod incolæ gazellam appellant, Nos capream uel dorcadem peregrinam nuncupare possumus: quamuis nonnulli uoluerint, diuersum animal à gazella esse, id in quo nascitur moschus. Quicquid tamen sit, quia de incertis nominibus cura esse non debet, illis inhaeremus,

qui ex illis partibus proficiscentes gazellā appellari dicunt. Venetijs mercatores uidimus qui illustrissimo Alphonso Duci Ferrariæ gazellā uendere cupiebant, moschum in folliculo habentem: Quippe in hoc animante superfluous sanguis circa umbilici partes colligitur, qui sanguis primo foetet, deinde paulatim maturatur, quousque ad suppurationē perueniat, & magis ac magis continuo redolet: Inest autē his belluis naturalis instinctus, cum huius abscessus maturitatem persentiunt, lapidibus atque arboribus tumorem confricant, quoad duram pellem extenuantes pus exeat, quod odoratissimum est: hoc incolæ colligunt, & est moschus odoratissimus qui sponte fit, & ui ab animali non demitur: Tamē si in ea ultima maturitate ab animali sumeretur eandem ferē perfectiōnem haberet. Qui autem colligunt, folliculos ex alijs gazellis abreptos habent, quos implent hoc perfecto pure, antequam maturuerit graue olet. Venetijs Gazellæ folliculum odorare uolui cum esset animali iunctus, omnino grauem odorem habebat, quia nondum ad maturitatem puenerat. Si autem accedat ab animali auferri antequam abscessus concoctus sit, ut auferri debeat concoquitur quidem, sed ineptius olet. Ad nos perfectus in copia non affertur, sed folliculi solū ui ab animali abrepti, ex orientalibus et occidentalibus partibus ad nos cōportatur: perfectior est ex oriente allatus, præsertim ex illis partibus in quibus nardus, & odoratæ herbæ nascuntur. Si folliculus ab animali dematur, ad moschū progignendum deinceps aptum non est. At si sponte sua exeat in maturitate confricando, tunc iterū atque sepius moschum facit. Eiusmo-

Si animalia moschum quidem maturat apud nos si habuerint quando conuehantur, illa, etenim sanies ad cocturam uenit, tamen iterum non emittit pus, aut inepte emittit. Quod ratione cœli, aëris, & earum rerum quibus uiuit euenire arbitror. Nec aliud excogitare possū quam tumorem illum, præter naturam toties repetitum materiam esse, quæ naturaliter in eo animatæ per illam uiam per modum crisis expellatur. Sicut in multis alijs menstrua sunt: nec id animal diu uiuere posse nisi ita expurgetur, propterea in nostro cœlo breui expirat. Nunc in mentem uenit, quod odoratissimū moschum Venetijs uiderim, sub nigrum, quem mercator quidam habebat, & ex prouincia Cathai se attulisse fatebatur, iter non ineptū sibi fingens per mare Euxinum, Colchū, Ibericham, albaniam, quo ad in Scythiam peruenerit: Est enim Cathai regio Scythiæ extra Imaum pars. Nec mirū uideatur, quoniā eo loco regio est à Ptolemæo undecima Asiæ tabula Rādamar costra nuncupata, in qua nardus abundat, et quam Setus fluius alluit: incolæ regionem, ubi optimus moschus nascitur, Ergimul uocant, particularem uerò urbem, Singui. S E N. Mirum est quomodo pus adeo resolere possit. B R A. Non mirum, quia omnibus non resollet, imò aliquibus ita displicet, ut noceat, alij odorantes capitis dolorem incurrunt, alij attonitum morbum, Mulieres præfocationem uteri. Nobis humanum stercus mirè displicet, non solum ob odorem, sed & uisu, tamen canes & gallinæ eo uescuntur, tanquam re odoratissima, quia eorum odoratus à nostro longè diuersus est, & multa brutis sapiunt, quæ nobis amara uidentur:

ideo non mirum si hominibus id, quod pus est alterius animantis, redoleat, cum in maturitatē peruenerit. SE: Nunquam deinceps hoc pure in cōdimentis utar. BRA. Multa dimittere oporteret, si unde ueniant, et quid sint considerentur: quæ tamē optima opsonia sunt, uel ex ijs saltē optima parantur: sed quod intrat per os non coinquinat hominē, iuxta CHRISTI hospitatoris sententiā Si harum rerum rationem habere uolueris, unquam pinguis fies. SEN. Dicas, qua qualitate moschus insigniatur. Calidum esse nemo dubitat, & etiam caliditate insigni, quod sanguinis cōcoctio indicare potest, præter experientiam, que rerum magistra est. Si enim corpori nostro applicetur, manifestissimē calefacit. BRA. Varias et diuersas partes habere facile deprehēdi potest. Quod siccitatem habeat, ex eo uidetur, quia si corpori nostro applicetur exiccat, & præterea odor in sicco fundantur ut Aristoteles in Meteoris, & in libris de Anima docet. habet præterea suauitatem annexam, qua multorum capita agrauantur & replentur. Auicenna calidū & siccū esse in secundo ordine iudicauit. Nos autem ab eo multas partes humidas nō remouemus, & humiditas eius multum crassa est. Additq; Auicenna citrinum, id est luteum cæteris perfectiorem esse Nos autem huius coloris moschum nunquā uidimus, nisi per citrinum ferrugineū colorem habentem intelligat. Hæc de moschi generatione & qualitatibus. SEN. Post moschum quid granum sit apud antiquos scire percipio, ne errē in moschi pondere, quod grana quatuor esse debet: uideo autem aliquos siliquæ semen, alios triticum, alios hordeū sumere.

B R A. Ne sis mihi in hac re molestus, quoniam de pon-
 deribus aliâs seorsum tractabimus, rem optimè osten-
 dentes, non ex aliorum scriptis, sed ad oculos: quia nobis
 institutum est, potius sensibus loqui, quàm aliorum scri-
 pta imitari, præsertim ubi ex antiquis sensatæ rationes
 habentur. S E N. Magnam moschi copiam singulis annis
 iunioribus uendo ad uenerem excitandam. B R A. Id mi-
 rè facit, si cum oleo cicino quod uos de Kerua appella-
 tis, componatur: imo si uirile membrum eo ungatur, adco-
 mulieres in Venerem proritat, ut uarijs & inusitatis mo-
 tibus clunes moueant. Id faciunt qui in sui gratiam &
 amorem mulieres ducere cupiunt: quod indicium est ca-
 lidum atque siccum esse: cuius etiam odore uterus mirè
 trahitur, propterea eius usus in pessarijs maximus est,
 præsertim in uteri strangulatu. S E N. ingreditur &
 hanc compositionem seta in hermes tincta. B R A. Id ex
 duabus causis factum Arabes putant. Primo, quia setam
 confortare cor arbitratur, ut Serapio capite XXVIII.
 Aggregationis, & Auicenna in libello de uiribus cordis
 scriptum reliquere. Secundo, putant chermes, & ipsum
 cordis confortatiuum esse, & setam calidam & siccam
 cum temperamento. S E N. Es ne tu alterius sententiæ
 B R A. In hac re quicquid senserim eno dare tentabo. De
 seta in prius sermonem faciens, quam antiqui sericum
 appellarunt in . Italia antiquiori tempore non nascba-
 tur: nunc passim habetur: & omnes Ferrarienses mulie-
 res ferè eius natales norunt & artificium. Vnum tamen
 est quo moueor ut non possim nostram uocatam setam
 sericum appellare: quia sericum ex arbore depectitur

Moschus
 ad Venerē
 excitat.

Seta

Sericum.

Seres, apud Seres. Sunt autem Seres populi in scythia extra
 Imaum montem, ut Ptolemæus XI. Asiæ tabula docet: in
 quo loco sericū nasci capite XVII. VI. lib. Plinius scri-
 bit inquiring: Seres, lanicio sylvarum nobiles, perfusam
 aqua depectentes frondium canitiem: unde geminus: fœ-
 minis nostris labor, redordiendi fila, rursūq; texendi:
 Tam multiplici opere, tam longinquo orbe petitur, ut in
 publico matrona transluceat: Seres mites quidem, sed et
 ipsi seris per similes, cœtū reliquorū mortalium fugiunt,
 cum commercia expetant. Hactenus Plinius. Ex quibus
 colligere licet supra arbores, & arborum folia sericum
 nasci, & à uermiculo non fieri. Aliàs autem arbitratus
 sum, uermes supra arbores suapte natura ascendere, ibiq;
 & depasci, & sericum facere: at supra folia fieri planè
 cōstat. Hos populos Ptolemæus Sericos appellat, ubi Se-
 rici montes sunt: quamuis Plinius Series uocet. Sericum
 nunquam uidimus quod sciamus, tamen Scythicas uestes,
 mappasq; Scythicas & sudariola obseruauimus, quæ ex
 alia materia esse quàm sit nostra seta comperimus. Cū
 Plinio Vergilius est, inquiring: Velleraq; ut folijs depe-
 ctant tenuia Seres. et Ausonius in singulari Ser dicit, in
 plurali Seres. Quod præcitato Vergilij loco Seruius
 animaduertit: est autem Ausonij carmen, iam pelago
 uolitat mercator uestifluus Ser. Ex his igitur constat
 Antiquorum sericum nostrum non esse, quia ipsi è folijs
 lanuginem quandam aqua depectebant, deinde filabant,
 ut deniq; telas contexerent. Sed de quo miror Pausanias
 est qui non uult sericum dici eo quòd apud Seres nasci-
 tur, sed potius Seres à serico denominationem habere.

Nam Ser est (ut inquit) nomen uermiculi qui sericum fa^{Ser.} cit, à quo & sericum et Seres denominantur. Quod an uerum sit, non reperio: imò oppositum constat, ut Solinus capite LVIII. testatur, idem ferè cum Plinio scribens. Inquit enim: In tractu eius oræ, quæ spectat æstiuū orientem ultra inhumanos Scythas, primos hominū Seres cognoscimus, qui aquarum aspergine mundatis frondibus uellera arborum adminiculo depectunt, liquoris & lanuginis teneram suptilitatem more domant ad obsequium: hoc illud est sericum in usum publicum damno seueritatis admissum, & quo ostentare potius corpora, quàm uestire, primò foeminis, nunc etiam uiris persuasit luxuriæ libido. Et reliqua de earum gentiū moribus, quæ & Plinius & ipse referunt. Ex quibus habetur, arboris lanam potius esse sericum, quàm nostra à uermiculo facta seta: quamuis serici nomen ad omnes arbores lanigeras usurpemus. Constat equidem apud alias plures gentes, præter Serias lanigeras arbores inueniri. Omnis autem eius generis lanugo sericum dicitur, quia ea quæ apud Seres nascitur cæteris perfectior est, unde per excellentiam aliæ lanugines sericum appellantur, tamē & suo particulari nomine insignita sunt plinius capite XI. lib. XII. in Persia Gosopinos arbores appellat, qui circa fruticem lanuginem habent, ex quibus lintea fiunt indicis præstantiora. In Arabia præterea Cyna arbor reperitur, ex qua uestes fiunt: & Insula est in Persia, quam Plinius capite decimo, XII. libri. Tylus uocat, in qua arbor est cucurbitam faciens cotonei mālī amplitudine, quæ maturitate ruptæ ostendunt lanuginis

pilos, ex quibus uestes pretioso linteo faciunt. Hæc omnia à nobis serica nuncupatur: quãuis Plinius dicat has arbores lanigeras esse alio modo quàm serum. Si autẽ rem interius contemplari uoluerimus, ex his telæ fiunt quæ à nobis bombycinæ appellatur: Nos etenim herbam habemus, ex qua bombycinæ uestes ita à nobis uocatur fiunt, quas Latine Gosopinas dicere possumus. Ea autem lana ab aliquibus inter lina numeratur, unde xylina dicuntur: quamuis ab alijs inter lanas esse iudicentur. Plinius inter lini genera xylon numerauit, unde xilina lina. Adde quòd capite primo libro XIX. etiam Gosopium uocat. Nos omnia ea, quæ ex arbore, uel herba nascuntur, potius inter lina numerare suademus, quæ autẽ ex animalibus inter lanas: quamuis inter hæc etiam non multum discriminis facere, nec cum alio, qui secus dixerit, digladiari uoluerim. Sunt uerò qui contenderint Seres idem sericum habere, quod apud nos est, & illud uermiculos ficere, nec supra folia nasci, cuius sententiæ Volateranus est, cui non solum non assentimus, sed de eo miramur, qui Plinium quem non re etè intelligit, reprehendit: namque dicit non nasci supra folia, nisi illuc uermiculi scãderint. Sumit autem argumentum Volateranus ex Vergilio secundo Georgicorum supra citato, dicente, Velleraq; ut folijs depectant tenuia Seres. Addit Pausaniæ autoritatem in fine sexti libri dicentem σῆς appellari uermiculum, id est ser, quo sericum fit, unde Seres populi apud Indos, quòd his potissimè abundant. Addit & procopij sententiam de serico in Europam aduecto, hoc autem est primo libro belli persici, ubi inquit: Ad Iustinianum princi

principem duos monachos eius semen (ego potius oua, quàm semen nuncuparem) ex Serinda Indiæ ciuitate Constantinopolim attulisse : ex eoq; deinde sub fimo posito paulatim uermiculos emerisse, qui mori folijs nutriti sericum fecere . Inde transfusum est per reliquam Europam. Vt autem Volaterani sententiam magis affirmemus, ea addā, quæ à Diuo Ambrosio capite XXIII. quinti Hexameron dicuntur, ubi inquit : Et quia de uolatilibus dicimus, non putamus alienū ea complecti, quæ de uerme Indico tradit historia, uel eorum relatio qui uidere potuerunt, fortè hic corniger uermis conuerti primum in speciem caulis utq; in eam mutari naturam in processu quodam fieri bombilis, nec eam tamen formam figuramq; custodit, sed laxis, & latioribus folijs uidetur pennas assumere. Huc accedat pro Volaterano Seruij testimonium, qui secundo Georgic. inquit, Apud Indos & Seres sunt quidam in arboribus uermes, qui bombices appellantur, qui in araneorum morem fila tenuissima deducunt, unde est sericum : nam lanam arboream accipere non possumus, quæ ubiq; procreatur. ex quo Seruij testimonio sumi potest, apud Seres uermiculos esse, qui bombices dicuntur, sericum facientes : & non esse lanam supra arbores, quia hæc ubiq; habetur. Accedat in hunc cumulum, quod aqua calida sericum nostrum deducitur. Nec prætermittamus Suidæ testimonium, qui idem refert quod à Procopio dictum est, duos peregrinos seniores uel presbyteros, non autem Monachos, ut Procopij interpretes retulit, & etiam à uolaterano refertur : quamquam non dubitem Iustiniani tempore monachos fuisse,

C

hi ad Iustinianū detulerunt. Suid. αὐτὴ γὰρ (ne forte desī-
 deres) ἡ αὕτη σὺν τῇ ὀνόματι ἐστὶν. ἐνθα ἡ μέταξα γίνεται.
 ὅτι δὲ καὶ σερικά τὰ ἐκ μετὰξις ὑφασμῶνα λέγονται.
 Ὁ σὴρ, σιρός, ὁ σκώληξ. σερική, ὅτι ἡ μέταξα ὅστις,
 ὅτι ἡ σκώληξ ἐκ τῆς ἐστὶν τῆς ὀνόματι γάρ. ὅτι ἡ πάλαι ἡ
 ἑλληνικὴ μολιχὴ ἐκάλουν. τὰ δὲ νῦν σερικήν ὀνο-
 μάουσιν. ὡς δὲ ἰσπανικὴ πρὸς αἰθίοπας πρεσβέ-
 νοι ῥωμαίοι, ὅπως οἱ αἰθίοποι ὠνούμενοι τὴν μέ-
 ταξαν ἐκ ἰνδῶν, ἀπωδόμενοι δὲ αὐτῶν ὅτι ῥω-
 μαίους αὐτοὶ μὲν κύριοι γίνονται, μετὰ τὴν χρῆμα-
 τω. ῥωμαίοις δὲ ὅτι ποιεῖσι κερδαίνειν μόνον,
 ὅτι δὲ ἐκ τῆς ἀναγκῆς διήσου τὰ σφέτερά αὐτῶν
 χρήματα ὅτι ὅτι πολεμῶς μετενεγκεῖν, καὶ σερικὸν
 νῆμα, Ὁ σερικὸν ἰμάτια. *quem si interpretari uolueris*
rimus, haec dicit: seres gens, apud quam ea, quae uulgo à
nostris seta dicitur à Græcis metaxa, gignitur: unde et
serica dicuntur, quae sunt ex seta contexta: et ser seris
uermiculus. Sericum idem est quod metaxa, id est seta: ex
quo consueuerunt uestem conficere: quam olim Græci
medicam uocabant: nunc sericam dicunt. Tempore Iusti-
mani imperatoris Romani ad Aethiops legationem mi-
serunt: ut Aethiopes ementes sericum ab Indis et id per
manus tradentes Romanis: ipsi quidem magnam pecunia-
rum uim compararent: Romani uerò hoc unum lucrifa-
cerent: ne cogerentur in hostes suam pecuniam transfun-
dere: hinc dicitur et filum sericum, et sericum uestimen-
tum. Nos autē ab his dissentire cogimur, quicūq; hi sint
qui Plinio aduersari uolūt, quippe scimus sericum apud

Seres in arborum folijs nasci, tanquam lanugo, ut supra cotonea mala lanuginem uidemus. Ampla autem est, & oblonga apud Seres, ut filari possit: quod non solum ex Plinij testimonio scio, sed uiros allocutus sum, qui totam Scytiam peragrarunt, hi referunt supra arborum folia nasci, & ipsa folia reduci. Huc afferam Amiani Marcellini testimonium, qui lib. XXIII. idem cum Plinio sentit inquit, Agūt ipsi quietius Seres, armorum semper & praeliorum expertes, utiq; hominibus sedatis, & placidum est otium uoluptabile, nulli finitimorum molesti. Caeli apud eos iucunda, salubrisq; temperies, aeris facies munda, leuiumq; uentorum commodissimus flatus, & abunde syluæ sub lucida, æquibus arborum foetus aquarū asperginibus crebris. uelut quædam ucllera mollientes ex lanugine & liquore mixtam subtilitatem tenerrimā petunt, nentesq; subtegmina conficiunt sericum, ad usus antehac nobilium, nunc etiam infirmorum sine ulla discretionē proficiēs. ipsi præter alios frugalissimi, pacatoris uitæ cultores, uitant reliquorū mortalium cœtus, cumq; ad coëmenda fila uel quædam alia transeunt flumen aduenæ, nulla sermonum uice propositarum rerum pretia solis oculis æstimāt, & ita sunt abstinentes apud tradentes genita, nihil ipsi comparant aduentitium. Ex quibus manifestè colligitur Marcellinum idem cum Plinio sentire, & uerè sentire: eos autē longe decipi qui aliter sentiant: nam sericum uerè lanugo est supra arborum folia concreescens. SEN. Autores tamē, quibus innitūtur, despiciendi non sunt. BRA. Non equidē si ab illis intelligerentur. SEN. Volateranus igitur autores non intelligit?

BRA. Non lubet supra hanc rem iudiciū ferre, fuit equidem uir multæ lectionis Volateranus, sed non multi iudicij, qui non animaduertit alios autores à Plinio aberrare potuisse: nempe difficile est Plinium summum uirum taxare, non quia & ipse uir non sit, sed difficile, quia nisi certas, & statutas rationes habeamus, silendū potius est, quàm incerta effutire. Vt autem exquisitius recētiorum errores ostendam, qui uolūt apud Seres uermiculos esse supra arbores, & non foliorū lanugines, id scire te uolo apud antiquiores nostrum sericum bombycē appellari: nam ut Plinius lib. XI. cap. XXII. docet, in Assyria genus est bōbycum nidos luto facientū, & ceram longe copiosius quàm apes parientū. hic non est uermiculus iste qui nostram setam facit, sed æruce genus est. Deinde addit esse aliam originem huius uermis: nam habet duo ueluti cornua, nec is est qui nostrā setam faciat. Postea inquit: fit bombilis, ex quo necydalus, ex hoc in sex mensibus bombyces telas aranearum more texūt ad uestem, ad luxum uirorum ac fœminarum, quæ bombycina appellatur: hic est ille uermiculus, cuius oua inter mammas nostræ mulieres fouent, & uermiculi nascuntur setifici passim per totam Italiam nūc, de quo elegantissimè Hieronymus Vidas Mātuanus cecinit. SEN. Igitur nostra seta apud antiquos bombyx erat? BRA. Erat equidem, & Plinius cap. XXIII. eiusdem lib. XI. tertium genus ponit in Co insula inuentum, quod proprie ad nos perlatum est in Italiam ex folijs arborum caducis natum: et hoc est ex quo proprie nostra uocata seta fit: & quamuis ex cupressi, terebinthi, fraxnæq; folijs nascatur, &

furfure pascere, tamē inuentum est temporis processu
 morum maximē amare, quamuis & alia quælibet folia
 amet sed non ita bene setificat. Mulieres Ferrarienses in
 primo uere antequā mori folia eruperint (quia postre=
 ma arborum morus germinat, ideo sapientissima nuncu=
 patur) suos uermiculos lactuca nutriunt. Vehementius
 nigræ mori folia amat, & propterea si hæc comederit,
 elegantius sericum, & abundantius facit. Nostra igitur
 seta sericum dici nō debet, sed bombyx, quia ita apud an=
 tiquos appellabatur. SEN. Quid ergo crit, quod uulgō
 bombaſo dicitur? BRA. Quod ab antiquis gonsopium
 uocabatur, ex arboribus uel herbis, Nos cottonum uulgo
 dictum habemus: In Creta nascitur ex frutice paruulo,
 fructum similem barbatæ nuci ferentem. In Apuleia, &
 Oenotria etiam frequentissimū habetur, & in Maltha
 insula prope Siciliam, quam superioribus annis equites
 Hierosolymitani uel Rhodij Rhodo amissa non ui, sed
 proditiōe, sibi coloniam elegere. Nos etiam Ferrariæ
 cottonum uidimus, & plantauimus, ac collegimus: Qua=
 re cottonum nostrum, sericum potius appellandum ducō,
 quā nostram setā: quia omnia lina (hæc ita nunc appel=
 lantur) quæ uel ex arboribus uel herbis initium sumunt
 potius serica nuncuparem, quam bombycem, si propriū
 nomen non haberent, tamen habent, quia quod apud Se=
 res nascitur sericum dicitur: quod in Oenotria, gossipion=
 Nostra autem seta ab antiquis bōbyx dicta est, à nobis
 seta, quoniā primi panni ex ea confecti longiores uillos
 in morem setarum habebant: est enim seta quasi sueta in
 sue pilus. Illud tamē prætermittendum non est, posterio=

res Grecos hoc nomē sericum, etiam nostrae setae à uer-
 miculo factae attribuisse, et σιρῖνον dixisse, quamuis ὀ-
 μέρταρον appellent. SE. Ea quae de serico à te enumerata
 sunt, breuibus collige. BRA. Libenter. Cotonū uel bom-
 baso Gosopium est apud antiquos, nostra seta bombyx:
 quamuis et recentes Graeci σιρῖνον, id est sericū appel-
 lent, sed diuersa appellatione, quia antiquū sericum ita
 nuncupatū est, quia apud Seres fit, in Scythia, id est Tar-
 taria, et inde pulcherrimū ad nos fertur, et pulcherri-
 mas texturas Scytichas obseruari, quae aliā speciem habe-
 bant quā nostra seta faciat. Nostra autē seta dicta est
 sericū à sere uermiculo ipsam faciente: ita enim hic uer-
 mis in aliquibus Indiae partibus nūcupatur. SEN. Vnū
 est, quo discrucior, quid scilicet ad eorū uirorū autorita-
 tes dicendū sit, qui oppositū sentire uidentur. BRA. Di-
 cas à recentibus non recte intelligi. Nam Vergilius pro
 nobis est quando depectunt tenuia uellera folijs: Pausa-
 nias autem dicit Seres esse Indiae populos, quamobrem
 opus est esse alios Seres in India, quam apud Scythas.
 Non defuere tamen qui proceres apud nos appellantur,
 dicentes Seres in India esse, et Scythiam esse Indiae par-
 tem, qui quantum hallucinentur, clarum est Cosinogra-
 phos considerantibus. Nam Scythiam diuidunt in Scy-
 thiam extra Imaum montem, et Scythiam intra Imaum
 montē: Seres et Serica regio sunt in Scythia extra Imaū
 montem, cuius termini hi sunt, Ab occasu habet alteram
 Scythiam et Sacas, à septentrione terram incognitam
 Ptolemaeo, ab ortu Sericam, à meridie partem Indiae ex-
 tra Gangem, similiter Serica à meridie partem Indiae

extra Gangem, ut uidere liceat Sericam aliā prouinciā ab India esse si in Scythia sit: si autem per se prouincia sit, adhuc ab India diuersa est, quia ad indiam à meridie terminari dicitur à Ptolemæo. Adde Indiam trans Gangem dicitur terminari ad Sericam: nam ab occasu alteram Indiam habet, & Gangem fluium: à septentrione, Scythiam, & Sericam: ab ortu, Sinarum regionem: à meridie, Indicum pelagus. Propterea, quod à Pausania dicitur, Seres populos esse apud Indos à sere uermiculo de nominatos, gētes alias esse, putare oportet, quā quæ in Serica apud Scythas uiuunt: nam India, maxima nostra setæ copia est, cuius maximum emporium in Calenchut sit: quamuis et ex Serica regione illuc afferatur. Vides etiam, quod ex Procopio adducitur esse apud Indos, nō inueniri apud probos autores, aut Serindam, aut Seres in India: arbitrorq; monachos illos non attulisse uermiculorum oua, aut ex Serica, aut ex Serinda, sed potius ex Asiria, ubi maxima est horum uermiculorum copia, & inde Constantinopolim facilimus est transitus. Quod præter rem non est, illos monachos ex Hierusalē & partibus Syriæ uenisse, aut fortè ex Seri regione uenere, quæ in tractu est regionis Colichicæ: uel cum nostro hoc tempore in Persia, Eri, sit urbs ita fortè dicta corrupto uocabulo quasi Seri, in qua igētissima est huius setæ copia adeò ut totus alicuius etiā magnæ urbis populus seta uestiri possit, quæ à uermiculo fit, fortè illi monachi inde uenere. Quod uerò additū est ex Diuo Ambrosio, nihil ad rem, quia de uerme Indico sermonē habet, non autem de Serica regione. Nos autē fatemur nostrū uermiculū.

Bombyx.

ex India allatū esse, aut ex Eri parte Persiæ in regione quæ Chorazani nunc dicitur: quamuis & ex Colco, & ex Tyro, & ex tota Assyria potuisset Constātinopolim à monachis, aut senioribus quibusdam fieri. Seruij autem testimonium satis uideretur, nisi maior esset Plinij, Marcellini Solini ac Melæ autoritas, & etiam ueritas oppugnaret: mirorq; de ipso qui dixerit, nos lanā arboreā accipere nō posse, quæ ubiq; procreatur: quia arborea lana, quæ sericū sit, non nisi apud Seres procreatur. SEN. Breuibus quæ dicta sunt cōclude. BR. Nostra seta apud antiquos, bombyx est apud posteriores. Sericū, non quidem deductū à Serica regione sed à sere uermiculo. Nostrum cottonum uel bombasum gossipion est. SEN. Fertur ne sericum ad nos è Serica regione? BRAS. Fertur quidem, & presertim pulcherrimæ uestres feruntur, sed à nobis tota ea pars Tartaria nōcupatur, quamuis post Ptolæmei tempora, regiones inuentæ sint, & potentissimi reges, ac bellicosissimæ gentes post Sericam: quippe inuēta sunt, Tagus, Tholonia, Chairam, Cathay, et multa alia illis antiquioribus ingnota, à quibus pulcherrima serica ueniunt. Habes igitur quid sericū sit, & quòd nostra seta non sit uerè sericum. An modò seta nostra calida sit, & cor confortet, inquirendum est, quod per duos tramites agere tentabimus. Primus est, uia regia, id est experiētia ipsa rerum magistra, ex qua manifestè deprehenditur setam siccam esse, sed an calida sit facilè deprehendi non potest. Alia uia est ex causis rerū sumpta, naturam horum uermiū cōsiderātes, & quibus nutriātur. Nutriuntur hi uermes apud nos mari folijs, quæ summa

mopere amāt, unde ex horum foliorum qualitate, & setam esse putamus, quamuis nulla ferè sit herba, qua non saturentur: imò Ferrarienses mulieres antequam mori germinauerint, lactucæ folijs libenter pascunt: sed opus sericum totum ex moro est, morus autem frigidam temperaturam habet, ideo & sericum nostrum frigidū esse cenſeo. An uerò cor confortet, à nullo autore dicitur, qui fide dignus sit, Serapione & Auicenna demptis. Serapio tamen id non asſerit, sed à quibusdam medicis dici asſeuerauit. Nobis autem ea cordi conferre uidentur (ut Galeno placet) quæ odorata sunt, Seta autem non solum odorata non est, sed foetet, nisi ab alio odorē sumat: ideo à compositionibus quæ cor roborare habent, potius arcerē, quàm recipere uoluerim. SE. Tamen hic mos ualde incaluit. BRA. Quicquid sit, & quomodocunq; usus processerit, hanc esse ueritatem non solum arbitror, imò scio, & potius alicuius cor roborares, si eum serica ueste donares, quàm si libram serici comederet. SEN. Nos sericum accipimus ut chermes infectum. BRAS. Et hic alius error est priore maior, quia sericū ita infectum in primis præparatur ut colem recipere possit: præparatur autem liquido alumine, quo primo imbuitur, liquidū autē alumen uentriculo aduersatur: quomodo igitur hic syrupus ad uentriculum ualebit? Adde postquam sericum in chermes ebullitionē immersum est, statim in rem quandam immergunt, quæ nostra lingua Mistra nūcupatur: in quam gallæ ingrediuntur, ipsi pope appellant. Suaderem igitur, ut setam in chermes tinctam non acciperes. SEN. Quid igitur sumemus? BRA. Aut nihil, aut ipsum chera

Coccus.
Chermes.

mes sine seta. SE. Vidi, qui granum tinctorum pro chermes acciperet. BRA. Hi minus despiciendi sunt, quā qui setam in chermes tinctam sumunt. Sed quia facillimū est habere chermes, ideo potius ipsum habere cures, quod etiā uili pretio assequeris, nempe Venetijs non expendes pro qualibet libra quatuor libras Venetas. Non est autē coccus chermes quia coccus est nostra uocata grana, quæ ex Cypro affertur, & in Italia etiā nascitur: unde multi decipiuntur qui putant chermes esse coccum. SE. Reperitur ne apud antiquos chermes? BRA. Non erat in magno usu apud eos, tamen ipsum reperio: non tamē sub hoc uocabulo chermes, sed sub cocco. SE. Rem inauditam dicis. BRA. Fortē magis miraberis si tibi dixero in Italia esse chermes, & in Apennino, Regium Lepidi uersus, nos excauasse, sed (ut arbitror) tincturæ ineptum, tamen experti non sumus. SE. Quid dicis excauasse? Chermes semen esse putabam. BRA. An semen sit, an non sit, ambigo: quid autem putem, aut dubitē asferre non grauabor. Scito ex herbarum radicibus sumi, & non esse semē quod extra terrā herbis insit. Ego frequenter excauaui, & granula circa radices collegi quæ breui tempore in uermiculū transeunt. SEN. Quomodo trāsire possunt? si ne ex semine uermis? BRA. Aperitur semē, et parua quædam formica alata exit, quæ auolat, exterior cortex inanis relinquitur, qui ad tincturā nihil ualet, & hic est cocci uermiculus, qui apud Diuū Hieronymū reperitur, & in sacris literis legitur Tinctura ex uermiculo, id est re in uermiculū tendere, imò proprio uermiculi sanguine, in ea re quæ semē uidetur, uel paruum ouum incluso.

SEN. Quomodo prohibetur, ne in uermiculum trāseat?
 BRA. Cū ea semina, uel quicquid sint, statim à radice
 demuntur: in aliquibus locis aceto inspergunt, ut uelox
 illa generatio extinguatur. In alijs locis in butyrum, aut
 pinguedinem iaciunt, quæ uermem extinguunt. SE. Quæ
 herba est illa, cuius radicibus inheret chermess? BRA S.
 Multæ sunt herbæ, sed una inter alias parua incisa mul-
 tum, quæ pimpinellæ folia imitatur, tamen magis incisa
 sunt. In multis germaniæ locis colligitur, & in Polonia
 præsertim apud Croconiam urbē regiā, circa Vistulum
 flumen: imò Poloni chermes appellant cluruicel, quod
 etiam nomen mensis est, in quo potissimum chermes col-
 ligunt: solum enim apud polonos hoc mēse colligitur. Et
 quod in Polonia nascitur, alia plura in perfectione excel-
 lit. In Hetruria quoq; nascitur, & Hetrusci putant ge-
 nus pimpinellæ esse, & hanc herbam suo uulgari nomine
 strellam appellant, alij thrialmum. Nascitur autem &
 sub alijs herbis: nam Poloni tres herbas habent, sub qui-
 bus nascitur. Vna est, quam ipsi appellant nyedo spialek,
 putant esse auriculam muris, tamen nō est illa Dioscori-
 dis, sed ipsi ita appellant. Nascitur & sub parietaria et
 sub siligine, quā Græci & Latini olyram, Poloni zito-
 nos segala uocamus. Sed hanc nō excauāt quia maior est
 prouentus ex siligine quàm ex chermes. SE. Cur dubitas
 an semen sit? BRA. Quoniā in uermiculum transit. SE.
 Apud nos etiam multa legumina uermiculi efficiuntur.
 BRA. Non ita cito nec uniuersum, sed ex corruptione
 una tantū parte leguminis in uermē transeunt, qui aliam
 partem comedit, Quòd autem sit ouum, & non semen,

mihī persuadet etiam sub uarijs herbis inueniri, unde suspicor esse aliquorum uermium oua, uel subterraneorum animalium, ut suadet illa cita uermiculi generatio: & si uermiculum uolantem digitis interfeceris, purpureum cruorem, aut purpuream humiditatem emittit, qua digiti inficiuntur: imò si in grauis chermes, quæ Venetijs uenduntur, spectes nōnihil inest quod uermiculi colorem habet. Adde quum senescit non tingere: quod iudicium est humiditatem illam purpuream exiccari. Ideo sufficatus sum ouum esse, & non semen, & presertim, quia & illa herba pimpinellæ similis: & aliæ, in quarū radicibus chermes inuenitur, aliud semen habent supra terrā, quo progeneratur. S.E. Quid in causa fuit, ut in hoc syrupo chermes acciperetur, & seta in eo tincta? BRA. Quid sentiā aperire enitar. Quod Græci coccum dicunt, Arabes chermes, uel chesmen appellant. Ideo ubi in arabum compositionibus ponitur chermes, coccus sumi debet, ut apud Serapionem uidere licet, cap. CCCXXI. Verū quid granum id, setam inficimus, dicitur & ipsum chesmes, & nos charmesinū uocamus colorem illum floridum, & chermes hoc granum nostra uulgari lingua. Propterea recentes in Arabum compositionibus cum chermes inuenere, nostrum chermes accipiunt, cum potius coccum accipere debuissent, qui est uerus Arabum chermes: ut facile uideri potest si quis Serapionem, & Dioscoridem legat. Inquit enim Serapio: Chesmen apud Dioscoridem est arbutum, quod administratur ad accendendum ignem, & est medium inter arborē & herbam, cuius rami sunt multum suptiles, super quos sunt grana

Charmesinus color.

rotunda similia lenticule, quæ colliguntur & reponuntur, & conseruantur, & conficiuntur ad tingendum. Et melior grana est illa quæ defertur ex terris quæ dicuntur Galates & andabusi, & ex Armenia, et secunda est illa de Siana & Lithia, & deterior omnibus est Hispana. Reperitur autē in arbore glandiū interius Calchic animal testosum paruum, simile limacijs, & colligunt illud mulieres cum ore carū. Hæc Serapio ex sentētia Dioscoridis satis barbarè & infide. Cui si Dioscoridem in capite de infectorio cocco perleges, idem cum suo chermos esse deprehendes. Inquit enim Dioschorides: Κόκκος βαφικὸς id est granum tinctorū, surchuloso nascitur frutice, cui grana lenticule adherent: leguntur hæc ad usus componunturq; Optimū est ē Galatia & Armenia, sequēs ex Asia, Ciliciaq; pessimū ex Hispania. In Cilicia ē roboribus prouenit limaci paruo simile, quod loci eius mulieres exceptum ore, coccum specialiter appellant. Vbi uides chermes apud Serapionem esse Dioscoridis coccum. Quid autem per id uelit Dioscorides, quod mulieres excipiant ore, non possum aliud coniectari, quā ita excipere ut melius seruetur inde enim nonnihil maturitatis cōtrahitur. Alius enim quid sentiat imaginari non possum, nisi codex corruptus sit, & aliquid desit: imō alias putaui coccum Dioscoridis esse nostrū chermes, et mulieres ore accipere, ne in uermiculum transiret. Sed hoc me dimouit à tali sententia, quia dicit nasci frutice surculoso: herba autem est, ex qua nostrum chermes ortum habet: Coccus autē infectorius nascitur ex frutice, & de eodem loquens, dicit in Cilicia ē roboribus nasci:

apparet autem quod ē roboribus nascitur, esse granum
quod tingendo est, non autem chermes. Vel dicimus in
codice Dioscoridis nullum esse uitium, sed locum fuisse
ab interprete male intellectum. Cuius loci uerba sunt:
ἢν αἰ' τῆσδε γυναικὸς τὰς σόματι ἀναλέγσσαι κακὸν
καλὸν εἶναι. quæ sic ad uerbum transiras: Quem eius
loci mulieres ori colligentes, coccum uocant. Mulieres
enim colligunt coccum ori, id est ad os tingendum ac fu-
candum: ut στω σωματι non septimi apud nos casus, sed
datiui uim habeat. Illam autem uocem euulsam uel exce-
ptum, de suo addidit interpres, neq; usquam est in Græca
litera. Cuius rei magnificus, & reuerendissimus C A E-
LIVS Calcagninus, uir undequa; doctissimus, me attē-
tum fecit. Sed ad rē nostrā redeuntēs, Cum in Maurita-
norū compositionibus chermes, aut setā in chermes tin-
ctam reperiēs: noli chermesinū intelligere, sed infectu-
ram in coccum, id est in granā tinctorū appellatam: unde
coccinea uestis apud antiquos. est enim alia res chermes,
Ideo illos non multum reprehendo, qui pro seta in cher-
mes tincta coccū sumunt. Adde tamen nec setam tinctam
aut pannum sumenda esse ob præparationem. An uerò
cor roborēt, nondum apud aliquem autorem fide di-
gnum reperi, sed tantū adstringere, & uulneribus nera-
uorum prodesse. Tamē supinus quidam error apud non-
nullos plane quintæ classis medicos inuenitur, quæ gra-
num quod tingendo est, ad prouocandos menses exhibēt,
cū plurimum supprimat, ut ego plerumq; eius pulue-
rem exhibeam his mulieribus, in quibus de abortu du-
bium est. Et quia nonnullæ sponte abortire uolunt, ne in

furto deprehendantur, petentes ut in hac re illis opem darem, ego hoc granum exhibui, ne si uellent, abortire possent. qui autem ducere menses fatentur, argumentum sumunt. ex colore, quia rubrum, ac si rubra menses ducant: multi enim maximā propositionem habent summē falsam: Omnia rubra menses prouocare, tamen multa rubra inueniuntur, quæ uim adstrictiuam habent: Scitoq; quod à Dioscoride dicitur, Cuius grana lenticulæ adhaerent, non esse intelligendū grana lenticulæ figuram habere sed quod more lenticulæ inhaerent. SEN. Igitur non est nostra, qua tingunt in chermes? BRA. Non ut uidetur. SEN. Igitur nostram granam edoceas, et quid illud sit, quo nunc in Chermesinū tingunt. BRA. Nostra grana est coccus baphice, id est granum infectorium Dioscoridis, & Plinij, & chermes Serapionis, ac Mauritanorum. Quid autem sit apud antiquos chermes nostrum, quo floridus color, quem chermesinum uocamus, fit, dubium est. Tamen bene Pliniū considerans uisus sum expiscatus esse grana nostra in Cypro, et Creta, & pluribus alijs locis nascitur, Venetiasq; affertur ex pusillo frutice folia habete, ilicis aquifoliæ similia, ut Plinius lib. XVI. capite octauo docet: tamen hæc folia parua sunt, & spinosa. Tamen & in robore coccus nascitur, præsertim in ilice, ut Plinius capite quarto, lib. XXIIII. testatur. & Theophrastus tertio de plantarum historia, inquit: granum puniceum facit. de his loquitur, quæ in arboribus fiunt, tamen fructus non sunt, ut nux auellana, quæ uilum callo compactili facit. Idem in eodem libro repetit, cum omnia enumerat, quæ in ilice nascuntur. SEN. Ea

igitur quæ in ilice nascitur nostra grana est. BRA. Non est, sed à Plinio cap. IIII. lib. XXIIII. coccus, ilicis appellatur. Est aliud granum à cocco, sed & ipsum tingit. Si autem apud antiquos nostrum chermes reperiatur, est id de quo Plinius præcitato loco inquit, est autem genus ex eo (scilicet cocco) in Attica ferè, & Asia nascens, ce-
 Scolecion. lerrimè in uermiculum se mutās, quod ideo scolecion uocant, improbantq; si Apud Antiquos nostrū chermes sit, est coccus scolecion: nam chermes nostrum ocysimè in
 Cocci tria uermiculum transit. Vnde tria cocci genera apud anti-
 genera apud antiquos, quiores scripta inueniuntur: Coccus infectorius absolute, qui nostra grana est ex arbuscula pusilla nascens, folia circinata spinosa habens parua, & coccus scolecion, qui fortè est nostrum chermes, nisi intelligas esse genus ali- quod cocci ilicis, quod in uermiculum citò transeat scolecion dictum, aut dicas non habuisse rationem tingendi ex scolecio, qualem nos habemus, ideo ab ipsis scolecion despiciebatur, nobis autem facit colorem magis floridū, quàm coccus baphice faciat. Tertium est, coccus ilicis, ut ex his omnibus colligere possis quid sit chermes apud recentes, & nunquid apud antiquos reperiatur. An uerò corroboret chermes, nec antiqui nec recentes prodidere: non antiqui, quia apud ipsos quid sit nō reperitur. Arabum enim chermes est coccus baphice, quem granum uocamus. Recentes etiā nihil prodidere, quia ipsi de chermes loquentes, de eo uerba habent, de quo Arabes scripsere: propterea in hoc syrupo chermes dimitterem, ueluti unum, de quo experimenta sumpta non sunt. quod an calidæ naturæ sit, an frigidæ, si scire cupias, calidæ naturæ esse

re esse illud ostendit, quod celerrimè in uermiculū tran-
sit: ea enim cita generatio caliditatē notat. S E. Mihi ui-
detur mirū antiquos adeò modice de nostro chermes esse
locutos. B R A. Ne admiratione afficiaris, quoniā fortè
nihil locuti, nisi id sit, quod coccus scolecion à Plinio nū-
cupatur, quāuis plerūq; dubitauerim quod esset coccus,
de quo Plinis capite XL I. IX. lib. ubi de tingēdo Ame-
thystino tractat, & inquit coccum Galatiæ rubens gra-
num. postea addit, ut dicemus in terrestribus. Putabam
hanc particulam à Plinio positam esse, ut sub terra nasci
animaduerneret. Nostrum autem chermes uel ouum sit,
uel semen sub terra nascitur: est enim granū illis radici-
bus inherēs, quod potest ratione coccus appellari. Idem
enim est apud Græcos κόκκος, quod apud Latinos gra-
num. S E. Si autem reperiretur qui & setam, & cher-
mes in hunc syrupum imponere uoluerit, quomodo age-
re debet? B R A. Aut seorsum setam, & chermes ponat,
aut hoc modo præparet: Accipiat libram chermes, quod
in puluerem redigat, sintq; igni suspensæ in æneo lebetes
quinq; aquæ libre, quæ cum calida est antequam feruere
incipiat: in eā chermes puluerizatum iniiciat: deinde una
ebullitione bullire faciat, & ab igne deponatur: postea
setam, quam crudam uocant, (eo quod nullum colorē su-
scepit) in prædictam aquam ponat: & donec optimè im-
bibatur, relinquat: deinde eam statim exprimat, factaq;
mediocri expressione, in succum pomorum dulcium, &
aquam rosaceam infundat. S E. Igitur exiccari non de-
bet? B R A. Non debet exiccari, sed debet statim in præ-
dictum succum & aquam infundi, & statim pharmaco-

D

BRA. Non lubet supra hanc rem iudiciū ferre, fuit equi-
dem uir multæ lectionis Volateranus, sed non multi iudi-
cij, qui non animaduertit alios autores à Plinio aberrare
potuisse: nempe difficile est Plinium summum uirum
taxare, non quia & ipse uir non sit, sed difficile, quia nisi
certas, & statutas rationes habeamus, silendū potius est,
quàm incerta effutire. Vt autem exquisitius recetiorum
errores ostendam, qui uolūt apud Seres uermiculos esse
supra arbores, & non foliorū lanugines, id scire te uolo
apud antiquiores nostrum sericum bombycē appellari:
nam ut Plinius lib. XI. cap. XXII. docet, in Assyria ge-
nus est bōbycum nidos luto facientū, & ceram longe co-
piosius quàm apes parientū. hic non est uermiculus iste
qui nostram setam facit, sed æruce genus est. Deinde ad-
dit esse aliam originem huius uermis: nam habet duo ue-
luti cornua, nec is est qui nostrā setam faciat. Postea in-
quit: fit bombilis, ex quo necydalus, ex hoc in sex men-
sibus bombyces telas aranearum more texūt ad uestem,
ad luxum uirorum ac foeminarum, quæ bombycina ap-
pellatur. hic est ille uermiculus, cuius oua inter mammas
nostræ mulieres fouent, & uermiculi nascuntur setifici
passim per totam Italiam nūc, de quo elegantissimè Hie-
ronymus Vidas Mātuanus cecinit. SEN. Igitur nostra
seta apud antiquos bombyx erat? BRA. Erat equidem,
& Plinius cap. XXIII. eiusdem lib. XI. tertium genus
ponit in Co insula inuentum, quod proprie ad nos per-
latum est in Italiam ex folijs arborum caducis natum: et
hoc est ex quo proprie nostra uocata seta fit: & quam-
uis ex cupressi, terebinthi, fraxnæq; folijs nascatur, &

principem duos monachos eius semen (ego potius oua,
 quàm semen nuncuparem) ex Serinda Indiæ ciuitate
 Constantinopolim attulisse: ex eoq; deinde sub fimo po-
 sito paulatim uermiculos emerfisse, qui mori folijs enu-
 triti sericum fecere. Inde transfusum est per reliquam
 Europam. Vt autem Volaterani sententiam magis affir-
 memus, ea addā, quæ à Diuo Ambrosio capite XXIII.
 quinti Hexameron dicuntur, ubi inquit: Et quia de uo-
 latilibus dicimus, non putamus alienū ea complecti, quæ
 de uerme Indico tradit historia, uel cornu relatio qui
 uidere potuerunt, fortè hic corniger uermis conuerti
 primum in speciē caulis utq; in eam mutari naturam in
 processu quodam fieri bombilis, nec eam tamen formam
 figuramq; custodit, sed laxis, & latioribus folijs uidetur
 pennas assumere. Huc accedat pro Volaterano Seruij
 testimonium, qui secundo Georgic. inquit, Apud Indos
 & Seres sunt quidam in arboribus uermes, qui bombices
 appellantur, qui in aranearum morem fila tenuissima
 deducunt, unde est sericum: nam lanam arboream acci-
 pere non possumus, quæ ubiq; procreatur. ex quo Seruij
 testimonio sumi potest, apud Seres uermiculos esse, qui
 bombices dicuntur, sericum facientes: & non esse lanam
 supra arbores, quia hæc ubiq; habetur. Accedat in hunc
 cumulum, quòd aqua calida sericum nostrum deducitur.
 Nec prætermittamus Suidæ testimonium, qui idem refert
 quod à Procopio dictum est, duos peregrinos seniores
 uel presbyteros, non autem Monachos, ut Procopij in-
 terpres retulit, & etiam à uolaterano refertur: quan-
 quàm non dubitem Iustiniani tempore monachos fuisse,

Interim dum hæc pedissequæ in refrigerandis dapibus retardant, hæc stribilita in spiram uersa, famem sedare incipiet.

B R A S A V O L.

Quid impedit nunc syrupos iam coeptos persequi? Postquam exempta fames, et amor compressus edendi, et omnes inuicem loqui incipiunt, quia prope finem sunt, in quo rumor gentium fieri solet.

SEN. Tu iuuenis prope comediisti, imò tubercinatus es: Ego edentulus nondum huius comœdiæ actum primum exegi. BRA. Vno uerbo sequentem syrupum nomina, qui in tua scheda scriptus est. SEN. Ego prius huius clupeæ genituram, et hos fluuiatiles caneros comedam, bisque hunc cyathum exhaustum, quam de syrupis uerba facturum sim.

Sirupus de
acetositate
citri,

BRA. Et ego interim bellaria depromam. SEN. Sum bellariorum satur. Syrupus, qui sequitur, is est, qui de acetositate citri appellatur. BRA. Ego potius de succo citri nuncuparem, quia intrinseca citri pars tota succus est, quibusdam pelliculis demptis. Hunc autem syrupum secundum Mesuæ sententiam parant pharmacopolæ, cuius compositio hæc est per Mesuæ uerba descripta, ut simul et compositione, et Mesuæ uerba, ut ab ipso autore dicuntur habeas: Recipe succi acetositatis citri, libras duodecim: decoque in uase uitriato super prunas cum facilitate usque dum consumatur tertia pars ipsius: deinde coletur, et dimitatur donec clarificetur: et accipe ex eo quod clarum, est libras septem, et funde super ipsum ex Iuleb claro, et depurato libras quinque, et coquatur donec infissetur. Si autem æstas fuerit, dimitatur in sole donec eius aquositas consumatur. Hæc est secundum Mesuæ

fuen huius syrupi compositio . Addit deinde eius iuu-
 mentum magnum esse in extinguendo inflammationes
 cholerae rubeae, & febres inflammatorias uehementes, &
 febres pestilentiae, & proprie quae fiunt in aestate ueneno-
 sa & confert ebrietati, uertigini, & siti uehementi . SE.
 Posses ne uno uerbo ad quid ualeat exprimere ? BRA.
 Possum . Ad omnes aegritudines biliosas ex pura bile ua-
 let, & pestilentes, uel quae ueneni naturam sapiant, & ad
 sitim extinguendam . SE . Est ne hic paradi modus apud
 antiquos ? BRA . Antiqui de zucharo nihil unquam pro-
 didere, & hunc syrupum nunquam fecere, tamen in omni-
 bus fere aegritudinibus praecitatis acido citri succo ute-
 bantur . En Galenus lib . VII . de simplicium medicamen-
 torum facultatibus, inquit esse tertij ordinis resiccantiũ,
 infrigidantiumq; , & de acida citri parte loquitur, quam
 partem in . II . de alimentorum facultatibus lib . etiam fri-
 gidam facit, sed gradum non determinat . Et Paulus Ae-
 gincta lib . VII . et Aëtius lib . I . acidam citri partem in
 tertio ordine frigidam & siccam esse arbitrati sunt : sed
 Paulus primo lib . capite . LXXXI . dicit abunde infrigi-
 dare, gradum uero non determinat . Plinius Secundus quar-
 to de re medica libro (si is Plinij liber sit, qui de re medi-
 ca circumfertur) huic frigidam naturam inesse fatetur : imò
 & experientia ipsa hoc comprobat . Quis igitur negare
 poterit uehementibus inflammationibus & aestibus suc-
 currere ? Imò Aëtius cap . XXIX . lib . XII . ad inflama-
 tiones utitur hoc succo pani aut pollini admixto, et mo-
 do cataplasmatibus appposito . Nam antiqui, citri succum per os
 non sumebant, sed cortice tantum, & carne uescebantur,

ex India allatū esse, aut ex Eri parte Persiæ in regione
 quæ Chorazani nunc dicitur: quamuis & ex Colco, &
 ex Tyro, & ex tota Assyria potuisset Constātinopolim
 à monachis, aut senioribus quibusdam fieri. Seruij autem
 testimonium satis uideretur, nisi maior esset Plinij, Mar
 cellini Solini ac Melæ autoritas, & etiam ueritas oppu
 gnaret: mirorq; de ipso qui dixerit, nos lanā arboreā ac
 cipere nō posse, quæ ubiq; procreatur: quia arborea la
 na, quæ sericū sit, non nisi apud Seres procreatur. SEN.
 Breuib; quæ dicta ūnt cōclude. BR. Nostra seta apud
 antiquos, bombyx est apud posteriores. Sericū, non qui
 dem deductū à Serica regione sed à fere uermiculo. No
 stram cottonum uel bombasum gosipion est. SEN. Fer
 tur ne sericum ad nos è Serica regione? BRAS. Fertur
 quidem, & presertim pulcherrimæ uestres feruntur, sed
 à nobis tota ea pars Tartaria nōcupatur, quamuis post
 Ptolemei tempora, regiones inuentæ sint, & potentissi
 mi reges, ac bellicosissimæ gentes post Sericam: quippe
 inuēta sunt, Tagus, Tholonia, Chairam, Cathay, et mul
 ta alia illis antiquioribus ingnota, è quibus pulcherrima
 serica ueniunt. Habes igitur quid sericū sit, & quòd no
 stra seta non sit uerè sericum. An modò seta nostra cali
 da sit, & cor confortet, inquirendum est, quod per duos
 tramites agere tentabimus. Primus est, uia regia, id est
 experiētia ipsa rerum magistra, ex qua manifestè depre
 henditur setam siccam esse, sed an calida sit faciliè depre
 hendi non potest. Alia uia est ex causis rerū sumpta, na
 turam horum uermiū cōsiderātes, & quibus nutriātur.
 Nutriuntur hi uermes apud nos mari folijs, quæ sum

Bombyx.

furfure pascere, tamē inuentum est temporis processu
 morum maximē amare, quamuis & alia quælibet folia
 amet sed non ita bene setificat. Mulieres Ferrarienses in
 primo uere antequā mori folia eruperint (quia postre=
 ma arborum morus germinat, ideo sapientissima nuncu=
 patur) suos uermiculos lactuca nutriunt. Vehementius
 nigræ mori folia amat, & propterea si hæc comederit,
 elegantius sericum, & abundantius facit. Nostra igitur
 seta sericum dici nō debet, sed bombyx, quia ita apud an=
 tiquos appellabatur. SEN. Quid ergo erit, quod uulgō
 bombafo dicitur? BRA. Quod ab antiquis gonsopium
 uocabatur, ex arboribus uel herbis, Nos cottonum uulgo
 dictum habemus: In Creta nascitur ex frutice paruulo,
 fructum similem barbatæ nuci ferentem. In Apuleia, &
 Oenotria etiam frequentissimū habetur, & in Maltha
 insula prope Siciliam, quam superioribus annis equites
 Hierosolymitani uel Rhodij Rhodo amissa non ui, sed
 prodicione, sibi coloniam elegere. Nos etiam Ferrariæ
 cottonum uidimus, & plantauimus, ac collegimus: Qua=
 re cottonum nostrum, sericum potius appellandum ducō,
 quā nostram setā: quia omnia lina (hæc ita nunc appel=
 lantur) quæ uel ex arboribus uel herbis initium sumunt
 potius serica nuncuparem, quam bombycem, si propriū
 nomen non haberent, tamen habent, quia quod apud Se=
 res nascitur sericum dicitur: quod in Oenotria, gossipion.
 Nostra autem seta ab antiquis bōbyx dicta est, à nobis
 seta, quoniā primi panni ex ea confecti longiores uillos
 in morem setarum habebant: est enim seta quasi sueta in
 sue pilus. Illud tamē prætermitendum non est, postero=

autem limones omnium asperrimum habent, ideo potissimum citra sunt limones. Tamen si ex citro etiam habere placeat, ubi tanta frigidas non expetitur, parato. Illos autem pharmacopolas dano, qui Venetijs succum citri emunt: sed potius uoluerim ut citra emerent, & seorsum succum & corticem in syrupum redigerent, carnem uero condirent. Succus enim quem Venetijs afferunt, plerumque aqua mixtus est. Zucharum, presentem syrupum ingrediens, clarificatum (ut dicitur) esse debet: propterea à Mesue iuleb nuncupatur. Multi sunt, qui nimis coquunt, tunc facile candescit, & concrecit: & in durioris mellis formam transit. Quod est oppositum acetosi succi, qui suapte natura nec durecit, nec concrecit, sed potius quæ gelascunt liquidiora reddit: ex nimia autem coctura, & succi extrema resolutione concrecit. Propterea tu (ne erres) summe citri succum, et paulatim per linteum præcolato sine aliqua expressione, ut quod subtile est, paulatim transeat: qui enim uehementer linteum exprimunt succum nimis spissum colligunt. Vnde id solum sumere oportet, quod ex se descendit. Duobus autem modis syrupus fieri potest, Sole, & igne. Si Sole fiat, id est per moram in sole, magis clarus continuò permanet: Si igne, nisi bene animaduertatur, nimis crassecit: qui enim nimis coquunt, in duritie enogari, id est uocatæ gelatinæ ducunt. SEN. Igitur ex limonibus etiam parabo? BRA. Imò parabis, quia uehementius infrigidat, & penetrat. Postquam hic puer mappam sustulit, & dentiscalpia præbuit, syrupos alios prosequaris. SENEX.

Syrupus de
stoechade.

Syrupus de stoechade tertio loco habetur. BRA. Igitur his syrupis disponendis nullum ordinem seruasse?

SEN. Nullū, ut iam præfatus sum. BRA. Gaudeo tamē hoc ordine disponi, quoniam eos primo enumerare uisus es, quibus illustrissimus patronus meus Hercules Ferraria Dux uritur. Est compositio apud Mesuen reperta in hunc ferè modum ab eodem autore, & sequentibus uerbis descripta:

Recipe, florū stichados

3. xxx.

Hasce, id est Thymi

} añ.

3. x.

Calamenti

Origani

Anisi

} añ.

3. vij.

Pyrethri

Piperis longi

3. iij.

Zinziberis

3. ij.

Passularum enucleatarum

uncias iij.

Mellis

libras V.

Hunc syrupum (cū hac solū recipit) appellant de stichados sine speciebus, uel de stichados incompletum. Tu autem potius de stœchade dicito. Si autem pulueres consequentes recipiat, syrupus de stichados cum speciebus, uel completus nuncupatur. Pulueres autem sunt hi qui sequuntur:

Recipe Cinamomi

Calami aromatici

Spicæ, id est Nardi

Croci

} añ. 3. j. sc.

Zinziberis

Piperis nigri

Longi

mihi persuadet etiam sub uarijs herbis inueniri, unde suspicor esse aliquorum uermium oua, uel subterraneorum animalium, ut suadet illa cita uermiculi generatio: & si uermiculum uolantem digitis interfeceris, purpureum cruorem, aut purpuream humiditatem emittit, qua digiti inficiuntur: imò si in grauis chermes, quæ Venetijs uenduntur, spectes nonnihil inest quod uermiculi colorem habet. Adde quum senescit non tingere: quod iudicium est humiditatem illam purpuream exiccare. Ideo suspicatus sum ouum esse, & non semen, & presertim, quia & illa herba pimpinellæ similis: & aliæ, in quarum radicibus chermes inuenitur, aliud semen habent supra terram, quo progeneratur, S.E. Quid in causa fuit, ut in hoc syrupo chermes acciperetur, & seta in eo tincta? BRA. Quid sentiã aperire enitar. Quod Græci coccum dicunt, Arabes chermes, uel chesmen appellant. Ideo ubi in arabum compositionibus ponitur chermes, coccus sumi debet, ut apud Serapionem uidere licet, cap. CCCXXI. Verum quia granum id, setam inficimus, dicitur & ipsum chesmes, & nos charmesinũ uocamus colorem illum floridum, & chermes hoc granum nostra uulgari lingua. Propterea recentes in Arabum compositionibus cum chermes inuenere, nostrum chermes accipiunt, cum potius coccum accipere debuissent, qui est uerus Arabum chermes: ut facile uideri potest si quis Serapionem, & Dioscoridem legat. Inquit enim Serapio: Chesmen apud Dioscoridem est arbutum, quod administratur ad accendendum ignem, & est medium inter arborem & herbam, cuius rami sunt multum suptiles, super quos sunt grana

Charmesinus color.

SYRVPORVM.

inopere amāt, unde ex horum foliorum qualitate, & seta
tam esse putamus, quamuis nulla ferè sit herba, qua non
saturentur: imò Ferrarienses mulieres antequam mori
germinauerint, lactuca folijs libenter pascunt: sed opus
sericum totum ex moro est, morus autem frigidam tem-
peraturam habet, ideo & sericum nostrum frigidū esse
censeo. An uerò cor confortet, à nullo autore dicitur,
qui fide dignus sit, Serapione & Auicenna demptis. Se-
rapio tamen id non asserit, sed à quibusdam medicis dici
asseuerauit. Nobis autem ea cordi conferre uidentur (ut
Galeno placet) quæ odorata sunt, Seta autem non solum
odorata non est, sed foetet, nisi ab alio odorē sumat: ideo
à compositionibus quæ cor roborare habent, potius ar-
cerē, quàm recipere uoluerim. SE. Tamen hic mos ual-
de incaluit. BRA. Quicquid sit, & quomodocunq; usus
procefferit, hanc esse ueritatem non solum arbitror, imò
scio, & potius alicuius cor roborares, si eum serica ue-
ste donares, quàm si libram serici comederet. SEN. Nos
sericum accipimus ut chermes infectum. BRAS. Et hic
alius error est priore maior, quia sericū ita infectum in
primis præparatur ut colem recipere possit: præpara-
tur autem liquido alumine, quo primo imbuitur, liquidū
autē alumen uentriculo aduersatur: quomodo igitur hic
syrupus ad uentriculum ualebit? Adde postquam sericum
in chermes ebullitionē immersum est, statim in rem quan-
dam immergunt, quæ nostra lingua Mistra nūcupatur: in
quam galle ingrediuntur, ipsi pope appellant. Suaderem
igitur, ut setam in chermes tinctam non acciperes. SEN.
Quid igitur sumemus? BRA. Aut nihil, aut ipsum cher-

mel recipit: nā mel optimū, ut Plinius. lib. XI. cap. XV. docet, reglutinosum est. Si autem herbae recentes sint, septem librae aquae in infusione satis sunt, quia una tantum imbibitur. Sūt uerò Recētes qui generalem quandā regulā tribuūt, quoties ab autoribus scriptū reperiunt, quod aliquid in sufficienti quātitate aquae bulliat, ipsi hanc sufficientem quantitātē ita exponunt: Si res sint quae multā ebullitionem sustineant, in omni manipulo ponantur (ut eorū uerbis utar) boccalia quatuor aquae: Si uerò mediocrem ebullitionē sustineant, dimidium aquae accipiant: Si uerò paruam ebullitionē sustineant, unum buccale sumere oportet: uolentesq; hanc regulā ad pondus reducere, res, quae plurimam decoctionē sustinent, hoc modo recipiunt aquā, ut una libra ipsarum in sex aquae bulliat: quae uerò mediocrem, in tres: quae paruam, in unam & semis. Sed haec non est congrua, conueniensq; regula, quoniam in hoc syrupo sunt res quae multam decoctionē sustinet, ut zinziber, pyrethron: & quae mediocrem, et quae paruam ut cetera alia. Nunc autē ponamus omnia haec mediocrem ebullitionem pati, tunc oportebit, hanc simplicium quantitatem in tres fere aquae libras ebullire. Quod apparet si quis computet, unicuiq; librae simplicium tres aquae libras dando. Sunt enim simplicia quae hunc syrupū ingrediuntur, ferē quatuordecim unciae, speciebus demptis: sed nimis absurdum esset in tam parua aquae quātitate ebullire, nempe ad sextam partem cōsumere satis est: ideo nihil ferē relinqueretur, in quod quinq; mellis librae iniici deberent, & ad syrupi spissitudinē ebullirent: quia partim per ebullitionem, partim p breuem cocturā cōsumptū

esset, & ferè mel exhauriretur. S E, Certè hanc esse nimis paucā aquæ quātitatem semper iudicaui. B R A. Ommino pauca est. Ideo tu pro tota huius syrupi quātitate si herbe aridæ sint, octo aquæ libras sume: Si autem uirides, septem, et adeò bullire sinas, ut expressione facta quatuor libræ decoctionis relinquātur: nā duabus libris imbitis in herbas, sex relicte erant. Si deinde has sex ad cōsumptionem tertiæ partis resolueris, quatuor libræ solum relinquentur. Ego hūc syrupū ex zucharo pro illustrissimo Hercule Duce Ferrariæ parari facio, ut iucundior sit. S E N. Qua hora species illæ in syrupum conijci debent? B R A. Recentes pharmacopolæ cūm sirupus ferè coctus est, imponunt. Nos autem secundum hunc ordinem incedendum esse iubemus: Si multo calore indigemus, etiam diu hi pulueres in syrupo bulliunt: si non, tātoto minus. Imò iubendum est ut predicti pulueres suspensi in syrupo maneāt: quod & ipse Mesue innuere uidetur. quamuis multi hoc solum intelligant cūm decoctio sit. S E N. Hoc mihi summè quadrat: quia si multa caliditate indigemus, magis ebullire oportet: si autem pauciori caliditate opus sit, tantūm his pulueribus cōdiatur. Quod opus nos pharmacopolæ dicere solemus aromatizare. B R A. Sed hi pulueres magis agūt, quā aromatizare: nam aromatizare est odorem aromatū, rei, quam condimus præstare. Hi autem pulueres sunt potius syrupo calcaria. Cūm uerò ad formā syrupi decoctus erit, si pōderabis, inuenies quinq; libras esse, et semis plus minus. Vnū tamē aduertas, quòd maiori coctura indiget æstate, quā hyeme. Quippe hyeme sex libræ, aut paulò amplius esse

igitur quæ in ilice nascitur nostra grana est. BRA. Non est, sed à Plinio cap. llll. lib. XXllll. coccus, ilicis appellatur. Est aliud granum à cocco, sed & ipsum tingit. Si autem apud antiquos nostrum chermes reperiatur, est id de quo Plinius præcitato loco inquit, est autem genus ex eo (scilicet cocco) in Attica fere, & Asia nascens, cœscolecion, terrimè in uermiculum se mutas, quod ideo scolecion uocant, improbantq; si Apud Antiquos nostrum chermes sit, est coccus scolecion: nam chermes nostrum ocysimè in uermiculum transit. Vnde tria cocci genera apud antiquos, quiores scripta inueniuntur: Coccus infectorius absolute, qui nostra grana est ex arbuscula pusilla nascens, folia circinata spinosa habens parua, & coccus scolecion, qui fortè est nostrum chermes, nisi intelligas esse genus aliud cocci ilicis, quod in uermiculum citò transeat scolecion dictum, aut dicas non habuisse rationem tingendi ex scolecio, qualem nos habemus, ideo ab ipsis scolecion despiciebatur, nobis autem facit colorem magis floridum, quam coccus baphice faciat. Tertium est, coccus ilicis, ut ex his omnibus colligere possis quid sit chermes apud recentes, & nunquid apud antiquos reperiatur. An uerò corroboret chermes, nec antiqui nec recentes prodiderunt: non antiqui, quia apud ipsos quid sit non reperitur. Arabum enim chermes est coccus baphice, quem granum uocamus. Recentes etià nihil prodidere, quia ipsi de chermes loquentes, de eo uerba habent, de quo Arabes scripsere: propterea in hoc syrupo chermes dimitterem, ueluti unum, de quo experimenta sumpta non sunt. quod an calidæ naturæ sit, an frigidæ, si scire cupias, calidæ naturæ esse

rotunda similia lenticulæ, quæ colliguntur & reponuntur, & conseruantur, & conficiuntur ad tingendum. Et melior grana est illa quæ defertur ex terris quæ dicuntur Galates & andabusi, & ex Armenia, et secunda est illa de Siana & Lithia, & deterior omnibus est Hispana. Reperitur autē in arbore glandiū interius Calchic animal testosum paruum, simile limacijs, & colligunt illud mulieres cum ore earū. Hæc Serapio ex sentētia Dioscoridis satis barbarè & infide. Cui si Dioscoridem in capite de infectorio cocco perleges, idem cum suo chermos esse deprehendes. Inquit enim Dioschorides: Κοκκος βαφικῆς id est granum tinctorū, surchuloso nascitur frutice, cui grana lenticulæ adherent: leguntur hæc ad usus componunturq; Optimū est ē Galatia & Armenia, sequēs ex Asia, Ciliciāq; pessimū ex Hispania. In Cilicia ē roboribus prouenit limaci paruo simile, quod loci eius mulieres exceptum ore, coccum specialiter appellant. Vbi uides chermes apud Serapionem esse Dioscoridis coccum. Quid autem per id uelit Dioscorides, quod mulieres excipiant ore, non possum aliud coniectari, quā ita excipere ut melius seructur, inde enim nonnihil maturitatis cōtrahitur. Aliiter enim quid sentiat imaginari non possū, nisi codex corruptus sit, & aliquid desit: imō alias putaui coccum Dioscoridis esse nostrū chermes, et mulieres ore accipere, ne in uermiculum transfiret. Sed hoc me dimouit à tali sententia, quia dicit nasci frutice surculoso: herba autem est, ex qua nostrum chermes ortum habet: Coccus autē infectorius nascitur ex frutice, & de eodem loquens, dicit in Cilicia ē roboribus nasci:

Coquantur in libras quatuor aquæ usq; ad duas, et sæpè libram semis, fiat syrupus. Dosis eius est ab uncia j. usq; ad duas cum aqua alchilil. Vides hæc sola calamentum, origanum, anisum, & gingiber deesse: una tamen met intentio est, & ad unummet finem tendunt: fortè ille Iudæus imperfectè scriptum reliquit. Ex hoc etiam syrupo quantitas aquæ sumendæ pro decoctione imperfectè habetur. SEN. De hoc syrupo satis dictū est. BRA. Alios igitur prosequaris. S E N E X.

Syrupus ro-
satus sim-
plex.

Syrupus rosatus simplex quartus in ordine est BRA, Gaudeo plurimum, te in hoc tuo ordine, syrupos primo loco posuisse, quibus illustrissimus Princeps & patronus meus Hercules Ferrariæ Dux utitur. SE. Ego hoc ordine digessi, quia in pennæ apicem uenere. BRA. Quicquid sit ego apud uos pharmacopolas, nomine syrupi rosati simplicis tres syrupos inuenio. Vnū, ex infusione rosarum recentium. Alium, ex infusione rosarum siccarum. Tertium, ex succo rosarum. SE. Ita ē. Sed & quartum habemus, qui rosatus solutius appellatur. BRA. Hoc noui, sed tres solum esse intelligo, qui sub nomen rosati simplicis ueniunt. Ille autem solutius appellatur, non quia simplex non sit, sed quia soluit, quod alij non faciunt. Ad id autem, quod erat nobis propositū redeunt, dicimus, inter pharmacopolas maximam confusionem esse, imò & inter medicos maximam ignorantiam, & animæ suæ maximum dispendium, qui pharmacopolarum compositiones ignorant, nec discere curant, sed tanquā cæci sinunt se duci ab ignaris quandoq; pharmacopolis: nam cum pro ægris suis syrupum rosatum simpli

simplicem indicunt, eundem syrupum semper non exhibent quia uarij pharmacopole uarios parāt. Sunt enim, qui pro simplici rosato, eū qui de rosis siccis fit, parāt, & exhibent magno errore, quia fortē restringere non est opus, hic autem restringit. Alij pharmacopole cum pro simplici faciunt qui de succo rosarum est, alio etiam errore. nam hic soluit, cum forte tunc solutione non indigeamus. Alij pro simplici illum parant, qui ex infusione rosarum fit. SEN. Qui nam pro syrupo rosato simplici sumendus est? B R A. Is, qui ex infusione rosarū fit, de quo Nicolaus in Antidotario sub nomine Syrupi rosati, qui siccitati & calori febrium succurit, sitim reprimit, recreat, & constipat: fit autem in hunc modum:

R Ecipe rosas recentes, & pone in uas, & super-
asperge aqua feruente, & cooperi uas, ne fumus
inde exeat, & cum aqua refrixerit exprime rosas et eij-
ce, deinde eadem aquam feruentem super alias feruen-
tes rosas iterum proijce, & supradicto modo facies, tam
diu mutando rosas, quoad aqua fiat rubea, deinde in lib.
quatuor zucchari pone, et cū bullire inceperit, albumem
oui in aquam frigidam iniice, & aquam simul, atq; albu-
men adeo concuties quoad spumescat, & eam spumam
in syrupum bullientē impone, & cum spuma nigrescere
coeperit, suauiter cum spatula remoueas, & iterum aliā
spumam infunde, & supradicto modo fac quousq; syru-
pus clarior fiat, & cū coepit quasi filum facere, uel su-
pra marmor positum, uel supra unguem non diffunditur,
coctus est. Hæc Nicolaus. SEN. Hic est. Syrupus rosatus
simplex, quem semper parauī, & exhibui, quum medici

Syrupus ro-
satus sim-
plex de suc-
co rosarū.

E

syrupum rosatum simplicem ordinat. B R A . Et hic est, quo uti debent qui præscribunt, & in febribus sitim sedare cupiunt, uentriculum roborare, & calorem extinguere: nam ille qui ex succo rosarum fit, comprimendo soluit: qui autem ex rosis siccis, nimis adstringit. In uno autem de Nicolao miror, qui huius syrupi descriptionem posuerit, tamen quantitatis rosarum, & aquæ normam omiserit: propterea ego potius Mesuen sequerer, qui & rosarum, & aquæ pondera docet, et quot uicibus infusio fieri debeat, assignat. Hæc enim imperfecta regula est, quod toties infundatur, quoties aqua rubra fiat: quia aliquibus citius rubra uidebitur, alijs tardius. Et infusionum multiplicatio (ut apparebit) hunc syrupum solutiuum facit. Ideo Mesuen imitandum suadeo qui ter tantum infundit, imò cum his tribus infusionibus aqua adeo rubra sit ut uinum uideatur, & odorem seruat. Ideo ne feceris hunc syrupum sine ordine, ut triuales pharmacopola faciunt, sed Mesuen imiteris ita dicentem:

Syrupus rosatus simplex de infusione rosarum recentium.

R Ecipe foliorum rosarum recentium libras sex, ponantur in uas uitriatum terreum stricti orificij & fundatur super eas aquæ calide libræ quindecim, et stringatur orificium uasis, et dimittatur per horas octo, tunc denuò coletur, & in uas tantundem foliorum rosarum recentium mittatur, & demum eadem aqua calefacta, super ea emitatur, & stringatur orificium similiter per octo oras, & deinde coletur. Et si conseruare uolueris ponatur in uas uitriatum stricti orificij, & destilletur oleum in orificio eius, & stringatur caput eius, & exponatur soli per dies quadraginta, & hoc appella-

latur Mucharus rosarum. Hæc Mesue. Vt ex his colligere possis, Mesuen bis solum infundere, quod satis est. Tamē si alicui ob perfectiores vires tertiam infusionem facere placebit, tertiam faciat. Tamen duæ satis sunt: aliter in solutivum transiret: nam quinta infusio hunc syrupum soluentem facit. Potius igitur hunc modum infusionis Mesuæ eligito per conueniens pondus factum, quam illum Nicolai, in quo non est ponderis determinatio: semper enim illi mihi displicuere, qui sine mensura & ordine agunt. Infusionem habes: nunc opus est modum componendi syrupum edocere. Idem Mesue inquit loco prædicto: Si sumantur infusionis rosarum lib. quinque, zuchari lib. quatuor, deinde bulliant leniter ad spissitudinem syrupi, qualem Nicolaus in suo edocuerat, ipse autem Nicolaus æqualem quantitatem zuchari, & infusionis sumit, & tunc minori ebullitione indiget, quia citius ad spissitudinem uenit. SE. Quare mucharus appellatur? BRA. Quia mucharus apud Arabes, idem est quod infusio apud Latinos, ideo dicitur mucharus rosarum, id est infusio rosarum. SEN. Reperitur ne apud antiquos hic syrupus? BRA. Quomodo reperiri potest si zucharum ignorabant? habebant autem ferrē similem ex melle factum ut apparet, si quis Paulum Aeginetam legerit lib. VII. capite XV. ubi Hydrorofati compositionē parat, inquit, Hydrorofatum ē rosarum detractis unguibus libris quatuor cōfici, aquæ sextarijs quinque mellis sextarijs duobus: an ebullire debeat, an nō, prætermittit, supponēs (ut arbitror) ab eo qui talia parare scit, intelligi. Si aliquid igitur sit apud antiquiores q̄ nostro

Mucharus
rosarum.

Hydrorofa
tum.

rosato simplici comparari possit, est hoc hydrorosatum, quod aquam recipit: nos autē ex infusione rosarum iam dicta mel rosatum etiam conficimus: imō uos pharmacopole infusione illam per totum annum ad hunc usum more Mesuæ seruatis. SE. Ita est. BRA. Suaderem igitur omnibus pharmacopolis, ut tres syropos ex rosis seruarent: Eum, de quo nuper egimus ex infusione recentium rosarum, quem uoluerim simpliciter, syrupum rosatum simplicem appellandum: & cum, qui ex rosis siccis fit, & eodem modo ut prædictus componitur. In hoc tantū differt, quod rose sicce sunt, ita enim magis constringit, & uentriculum reborat: quem syrupum de rosis siccis nuncupare debemus. Est autem recentiorum inuentum, quia infusiones rosarum potius soluunt, præsertim cum transeunt secundam aut tertiam infusionem. Tertius syrupus est ex succo rosarū factus. Sumitur enim succi rosarum rubrarum quantum lubet, & tantundem sacchari, & simul clarificentur, uel utrūq; prius quam miscetur, ex albumine oui clarificatū sit, ut supra edocuimus: deinde ad spissitudinem syrupi bulliant. Sunt aliqui qui minus sacchari ponunt, sed hoc nihil refert, quia deinde magis bullit. Hic autem syrupus, de succo rosarum appellandus est, qui si in quantitate sufficiens exhibeatur, sol-

Mel rosatū uit, ut si tres unciæ sumantur. Itaq; fit Mel rosatū ex succo rosarum & ex infusione rosarum, quam (ut supra diximus) pharmacopole seruant. SEN. Quum de syrupis rosaceis sermo interciderit, non ab re forte erit, et de solutiuo tractare. BRA. Imō cōuenientissimum erit: nam & ipse simplex est, sed ad aliorum differētiā solutiuus

nuncupatur. Est idem cū syrupo rosato simplici: hoc dē
 pto, quòd plures infusiones habet. Si quintam infusionem
 habuerit, soluit, sed in nona exquisitissimè. A^d uobis ex
 communibus rosis paratur, cum potius est ualde rubris
 fieri deberet. Sed & ex uocatis damascenis plerunq; ab
 aliquibus fit, & magis soluit quàm ex alijs. Tres uncie
 exquisite soluit, quatuor autem exquisitissimè. Si cum
 aqua endiuie, aut alterius herbæ secundum intentionem
 ægritudinis misceatur, adeò ut tibi possit, subtiles mate-
 rias et aquosas potissimum trahit, & à uenis & ab omni
 parte corporis: quāuis nonnulli, ex uijs solum ducere pu-
 tarint. Experientia autem rerum magistra ab omni mē-
 bro ducere suadet: flatus autem per uentrem excitat, nisi
 aniso, cinamomo, fœniculòue corrigatur. Nouus est sy-
 rупus, id est qui nō multo ante tempore in usum uenerit
 quum tamen sine molestia æstiuo tempore educat. Ego
 etiam ex melle parari iubeo, ut hyeme sumi possit. Nihil
 aliud additur, illi quem Mesue parat, nisi quòd infusio-
 nes multiplicantur. Scito autem alium syrupum solutiui
 rosa ceum apud auicennam inueniri. lib. III. canoni. sen.
 XXII. tract II. cap. XX. Sed ipsam facit ex succo, nō Syrupus ro-
 ex infusione. Recipit autem succi rosarum libras duas, fatus soliti
 mellis lib. quatuor, scamonijs assati unc. j. decoquatur, uis.
 quousq; inspissetur: & eius dosis est à duobus usque ad
 quinq;. Ego autem intelligo à duabus drachmis usq; ad
 quinq;. SEN. Electuarium rosatum Mesue, idem ferrè
 est nonnullis additis. B. R. A. De electuarijs nihil in præ-
 senti curæ sit, sed tantum syropos tractemus. SEN. Mi-
 rum est antiquos suum hydrorosatum nō ebullisse. B. A. A.

Imò ebulliebant. SEN. Tamen Paulum suprà adduxisti, qui de ebullitione nihil locutus est. BRAS. Subintelligenda erat in Paulo tanquam res prænecessaria: nam si Aëtii legeris lib. V. cap. CXXXVIII. uidebis ebullitionem edocere, & quod ad consumptionē tertiæ partis fieri debeat. ut est etiam apud recentiores in decoctionibus mos. Inquit enim rosarum recentium resectis unguibus, & in umbra integro die cum sua nocte flaccidarum, libram unam, mellis sextarium unū, pluuiæ aquæ ad tertias decoctæ sextarios tres: ut nouem inquam sextaria, ad tria tantum seruescendo perueniant. In seruescentem adhuc protinus ab igne remotam, rosas languefactas cōiungito, atq; in uasa exquisitissimè obturato seruabis: postridie aquæ excolatæ, expressis abiectisq; rosis, mel admiscebis, totumq; in fictile uitriatum excipies: & aliquot diebus insolabis: postremo in uinaria cella recondes: quod lōge magis infrigidat, quàm mel rosatum. Ex quo uides ebullitionem fieri, non autem ut nos: quippe nos post mellis miscellam ebullitionē facimus, illi ante. Nos etiam experti sumus hydrososatum antiquorum parare: sed citò corrumpitur, nisi in frigidissimo loco seruetur. Ideo nos & commodius, & felicius nostros syrosos rosaceos aut ex melle aut saccharo paramus, qui per totum annum seruantur: quod antiqui æquè leuiter facere non possunt, nisi frigidum locum sibi elegerint. Ideo Aëtius dicit in uinaria cella seruari. Eodem autem modo, quo syrupus rosatus solutius fit, iubeo syrupum solutiuū ex floribus persicorum fieri, qui biliosas materias educit et subtiles, odoratus multum, & qui sex in-

Syrupus solutius
futurus ex
floribus per
sicorum

fusionibus perfectus est, perfectissimus si septem fiant,
 & qui optimi gustus est, & in ardentibus febribus re-
 frigerat. S E N. De Syrupis ex rosis satis dictum esset, si
 mel rosatum explicuisses. B R A. Ea quæ dicta sunt, sa-
 tis esse potuerunt, nisi ad abundantiorē doctrinā ad-
 dere uoluerimus, triplex, imò quadruplex mel rosatum
 fieri debere: Vnum¹, quod rosas integras recipit, potius
 inter eclegmata numerandum, sicut & Zucharum rosa-
 tum. Intellige autem ex integris rosis, non quia conteri
 non debeant & contundi: sed ex integris, id est non ex
 succo, sed ex folijs, detractis unguibus. Preparatur autē
 hoc modo apud omnes pharmacopolas: sed antiqua pre-
 paratio non est, pro quacūq; libra mellis uncias quatuor
 foliorum rosarum accipiunt. Eodem etiā modo Zucha-
 rum rosatum conficiunt, uncijs quatuor rosarum, libram
 unam Zuchari exhibentes, et in feruentem solem ponunt.
 Sed de his alijs. Ad mel rosatum colatū ueniamus, in quo
 omnes pharmacopole maximè errant. S E. Quomodo in
 hac re tam facili, tāq; uulgata errare possumus? B R A.
 Errorem manifestè ostendam. S E. Nunquam crediderim
 nisi his oculis uiderim. B R A. Si quiete audies, quod dixi
 uerum esse percipies. S E. Citò expedias. B R A. Non ne
 pharmacopole errabūt si nec antiquos, nec recentes au-
 tores sequentur, in re tamen, quam antiqui, & recentes
 parare docent? imò & ipsi pharmacopole recentes se
 imitari fatentur. S E N. Si hoc ostendes, deinceps silebo
 & uerum sequar: sed per recētes quos intelligis? B R A.
 Nicolaum uestrum, qui Antidotarium scripsit, sed igna-
 rus quid significet nomen Antidotus, si ipsum legeris,

Mel rosatū
quadruplex¹

Mel rosatū
colatū et nō
colatum,

differentiam inter nostrum mel rosatum, & illud Nicolai manifestè percipies. Dic (ini refugis) quomodo uos mel rosatum paratis? S E. Duo mellis rosati genera habemus: Alterum colatum, alterum non colatum. Non colatum sit unicuique libræ mellis uncias quatuor foliorum, unguibus remotis exhibēdo. B R A. De hoc in eclegmatibus loquemur, de colato nūc sermo fiat. S E N. Colatū ex infusione rosarum secundum Nicolaum aut Mesuen facta paramus, tantumdē mellis, quantum infusionis summentes & ad formam syrupi ebullire facientes, quæ est quoties sumpta gutta supra unguē non diffluit, aut si digitis cōpressa cum aperiuntur in sese resiliat. B R A S. Quis edocuit uos mel rosatū ita parare? S E N. Ego à præceptoribus laudatissimis pharmacopolis didici, tamē in nullo libro legi: puto alios ita fecisse, ppter ea in usum cesserit. B R A. Non possum negare hoc mel rosatum ex infusione aliquid coferre, & uim rosarum seruare: tamen cum antiquiores & recentes de aliqua re optimē sentientes habeamus, eos potius imitari debemus, quā usum aliquem sine ratione factū. S E N. Ita est. B R A. Lege in primis uestrum Nicolaum, quomodo mel rosatum paret, uentriculum roborans & abstergens, & frigidas materias concoquens. En Nicolai liber, eius cōpositionem lege S E N. In decem libras albißimi et purißimi mellis despumati succi recentium rosarum libram unam, ponantur in cacabo ad ignem & cum bullire inceperit, uiridium rosarum cum forficibus uel cultello incisarum libras quatuor addas, et tam diu bulliant, quod ad succi cōsumptionem ueniat, & cum bullierit semper agi-

tetur & in fictili uase posito, quandiu magis tenebitur,
 tanto melius erit. Hæc Nicolaus. BRA. Cur albiſſimum
 mel accipi iubet? SEN. Quoniam album mel alijs perfe-
 ctius eſt. BRA. Neſcio unde hoc inuenerit Nicolaus, &
 tu affirmare poſſis, quòd mel album alia excedat. S e N.
 Ita ſemper audiui. BRA. Si Dioſcoridẽ legiſſes, didiciſ-
 ſes, mel optimam ſubrutilum eſſe, non album, & ut Pli-
 nius inquit cap. XV. undecim lib. aurei coloris, quod ſit
 è thymo. Ideo mel albũ ſumi non debet quando optimum
 mel quærimus, ſed ſubrutilum, uel aureum colore. Quod
 autem addit, diſſumandum eſſe multum non conuenit, ut fla-
 tuosæ partes demantur, & ſine noxa mel roſatum fiat.
 SEN. Meſue habuit ne ſermonem de ipſo? BRA. in mel-
 le roſato ipſum quodammodo adumbravit, ubi dicit, ali-
 quos ex ſucco, folijs, & melle feciſſe, tamen eadem men-
 ſura non eſt, nec idem pondus, quoniam uult foliorum ro-
 ſarum partem unam & ſemis ſucci partem unam & ſe-
 mis mollis partes tres ſumi. Quicquid autem ſit, Nico-
 laum potius, quàm Meſuen, aut alium recentem in hoc
 ſequi debemus. S E. Quo ordine mel roſatum antiquio-
 res fecere? BRA. Dioſcorides de rhodomelle tractat lib. Rhodomel,
 V. ſed quomodo fiat non docet. id tantum dicit, quosdam
 ex ſucco roſarum, & melle conficere, quod rhodomeli
 appellant, arteriæ aſperitatibus ut il. Sed Aëtius lib. V.
 cap. CXXXVII. mellis roſati confectionem in hũc mo-
 dum fieri docet: Succi roſarum erectis unguibus, partes
 tres, mellis partem unam. calido ſoli pluribus diebus ex-
 ponitur. Si uerò aër ſit nubilus, & nō appareat ſol, mel
 roſatũ cribro ſetaceo rariori excolabis, mitioribus car-

bonibus decoques. SEN. Refert'ne eius vires Aëtius?
 BRA. Imò refert. inquit enim: Leniter adstringit, refri-
 geradiq; potestate pollet, ac nonnihil, mellis ratione ab-
 stergit. Habet & quid subamari, & molliter acris: ideo
 ori confert, quòd callida inflammatione ob feruentis de-
 stillationis de fluxum laboret, & uentriculo, ad què hu-
 mores acres, & biliosi defluant, post uomitum medetur,
 ad stomachum etiam absq; materia aestuantem, & ad fe-
 bricitantes in totius morbi, atq; in particularis quoq; ac-
 cessionis uigore constitutos utiliter exhibetur, Sæpenu-
 mero enim in febribus una tantum largior potio cōgruo
 tempore exhibita, ad integram morbi solutionem sufficit
 procurato sudore, ac citata aluo: nam præ cæteris cun-
 ctis potionibus, mel rosaceum potentissimum est ad acu-
 tos humores per aluum ducendos. Hactenus Aëtius. SE.
 Pretiosissima res est mel rosatum, sed eodem modo non
 fit ab Aëtio, & Nicolao BRA. Non equidē. Nam apud
 Nicolaum copia mellis maior est, quàm apud Aëtium: nec
 Aëtius folia ponit, quæ Nicolaus addebat. SEN. Tu autē
 quod mel rosatum magis laudas? BRA. Quod ab Aëtio
 describitur, quoniam succi rosarum magis sumit, quàm
 mellis. In succo autem vires sunt. Adde. mel rosatum Nē
 colai ad potum ineptum esse, nisi alicui aquæ misceatur.
 Quod autē ab Aëtio fit, per se potabile est: & quod est
 apud Nicolaum, calefacit, nec illud in acutis febribus ex-
 hiberem. Quod autem apud Aëtium est, ad temperiem
 uergit, & potius in frigiditatem transit. Ideo in acutis
 febribus Aëtius suum potui dat. SEN. Seruant' ne per-
 petuò Græci modum conficiendi Aëtij? BRA. Seruant

multi. Tamen Hermolaus putat idem esse Aëtij Rhodomel, quod Pauli Rodostacti, quum tamen non sit: licet Rodastacti Rhodostacti succum rosarum, & mel recipiat. Differentia autem est in pondere, nam Aëtij rhodomel tres partes succi rosarum recipit, & unam mellis. Sed Pauli rodostacti duas partes succi rosarum sumit, & unam mellis. Quippe compositio rhodostacti Pauli, quae habetur lib. VII. cap. XV. ita habet: Succi rosarum, unguibus detractis, sextarios duos, mellis sextarium unum, de coquito usque despumando, donec pars quarta coctura euanescat. Habet praeterea compositionem quandam Paulus, quam Rhoeti appellat, precipitato loco, inquiens: Decoquito ad Rhoeti tertias succi rosarum sextarios treis, mellis sextarios quinque. Quae compositio cum praescriptis affinis est. SE. Haec plus recipit mellis, ideo melli rosato Nicolai magis propinqua uidetur. Dic autem tu quam compositionem magis sequeris? BRA. Voluerim pharmacopolas succum rosarum seruare, postea modo unum, modo aliud (ut exigit morbus) componere. In acutis febribus Aëtij rhodomel parato. Cum uenter robore uolueris, & pituitam excerni, melle rosato Nicolai utaris. Pauli rodostacti uehementius est, quam Aëtij rhodomel, quoniam mellis maiorem copiam recipit. Adhuc uehementius ad incidendum rhoeti eiusdem Pauli est. SEN. Nicolai mel rosatum tantum rosarum tempore fieri potest. BRA. Ita est: sed Pauli, & Aëtij compositiones omni tempore parantur: quia toto anno rosarum succum integre seruatis. Ab uno autem abstinere non possum, aliquos esse, qui mel rosatum colatum faciunt ex melle rosato cum folijs

Syrupus ro-
satus soluti-
uus.

exprimendo: propterea dicunt colatū appellari, non anī
maduertētes, ubi succus ingreditur, necessariū esse per-
colari. SEN. Vnum in syrupo rosato solutio confide-
randum omisimus. BRA. Quid est hoc? SE. An æquales
partes infusionis, & zuchari, an minorem, an maiorem
sumere debeat. BRA. Si hæc obseruabis, quæ tibi aperie-
mus uera esse deprehēdes. Pro omni libra sacchari, librā
unam & semis infusionis accipito, & ad mellis spissitu-
dinem ebullire sinas: tūc mire soluit, & quandam utilem
amaritudinem enanciscitur. Sunt autem qui æquē saccha-
ri librā, & infusionis miscent, et minus soluit. Ineptissi-
mē autē soluit, si octo uncie infusionis & libra una zu-
chari sumantur: quod faciūt plures pharmacopole Fer-
rariæ. SEN. Ita certe est. BRA. Hac re multū pturbor,
quoniam plerunq; quatuor uncias syrapi rosati solutiui
exhibeo: & nihil penitus soluunt: alias duæ, aut tres un-
ciæ mirē educunt. Breui autem futurum speramus, quod
omnes pharmacopole (in nostra præsertim urbe) omnes
compositiones eodem modo parabūt: & ab illustrissimo
principe nostro publico proclamate iubebitur: nam ut
iustissimus est princeps, ita, ne populi sui ex pharmaco-
polarū, & medicorum ignauia pereāt, procurabit. SE.
Aequisimi pricipis munus hoc erit. Sed arbitror, circa
maiora occupatissimū harū rerū non recordari. BRA.
Imo nihil est, quod eius profundissimā memoriā effugiat
nempe omnia etiam minutula, tanquā præsentia sint, in-
tuetur, & consecratur. Neminem adhuc reperi, qui illu-
strissimū Herculem memoria non quidem superaret, sed
æquaret: & qui his duobus sensibus impensius uigeret,

auditu, & visu, qui sunt disciplinae sensus. Tempus autē est ad alios syropos transire. S E N E X.

Syrupus uiolatus accedit. BRA. Et hoc etiam illu- ^{Syrupus violatus cōpositus.}
strissimus princeps noster utitur, cum destillationes
sub cane ad pectora fluunt, dum apros sub ardenti sole
& feras uoraces insectatur. Tamen apud autores syru-
pi & uiolis, aut uiolati diuersi reperiuntur: nempe unus
est de succo uiolarum: alius ex uiolarū infusione factus:
alius ex decoctione, quem Mesue scribit. Vos quo utimini?
S E N. Nos Mesuen imitamur, qui in hunc modum
syrupum de uiolis parari iubet, & his uerbis:

Recipe uiolarum	Vncias ij.
Seminum Cydoniorum	} añ. 3. viij.
Seminum maluæ	
Iuiubarum	} añ. nu. xx.
Subeste	

Coquantur in libras sex aquæ cucurbitæ, ad cōsumptionem tertiæ partis: deinde addas zuchari libram unā & semis, & syrupum facias secundum artem. Hic est syrupus, quo in publicis officinis utimur. BRA. Cum igitur syrupum uiolatū præscribo, hunc exhibetis? S E N. Hūc. BRA. At ego quoties absolute syrupum uiolatum præscribebam, cum sumendum intelligebam qui ex uiolarū infusione fit. S E N. A' quo ponitur is, quem intelligis? BRA. A' Mesue ipso, & Nicolao: Mesue enim in principio tractatus de syropis simul ac semel infusionis rosarum & uiolarum operationem docet. Sumi enim debent foliorum recentium uiolarum libræ sex, & in uitreatum uas terreum stricti orificij poni: deinde supra, ipsa, aquæ

calide libras quindecim impone, & orificium uasis bene obturato: itaq; per octo horas dimittitur, postea colato, & iterum in uas alias sex lib. uiolarum, id est foliorum ex floribus uiolarum ponito, & eandem aquam calidam per octo horas superingerito, deinde percolato & in uitreatu uas stricti oris seruetur, deinde superponendo, & obturando, Soliq; per quadraginta dies exponatur: Tuncq; Mucharus uiolarum nuncupatur. Hæc est apud Mesuen infusionis uiolarum præparatio, qua utitur ad parandum syrupum uiolarum ex infusione uiolarum, Tamē non ita præparatur apud omnes, quia Nicolaus excedit numerum duarum infusionum. S E. Debemus ne eo uti, antequam sit per quadraginta dies insolatus? B R A. Si eo indigemus, protinus fit sine aliqua mora in sole: sed cum seruare uoluerimus, ne corrumpatur, per quadraginta dies insolatur. S E. Aliquos uidi, qui iuleb uiolatum ex infusione ita parabant. B R A. Et ita fieri nihil impedit. Tamē communis mos est ut ex aqua ui ignis eliquata & zucharo fiat. Non de fuere tamē, qui cum uiolarum succo pararent, & qui cum infusione uiolarum aridarum, cum recentes desunt. Sed minus efficax est. De eo, qui ex uiolarum succo fit à Mesue tractatur, qui uult sumendas esse succi uiolarum libras tres, zuchari libras duas, & decoquatur. S E. Nos semper ex aqua ui ignis eliquata iuleb nostrum facimus. B R A. Tamē de hac aqua per ignis uim eliquata apud hos autores sermo non fit. Nam Mesue, cui hoc iuleb attribuitur, tantum uel ex infusione, uel ex succo uiolarum fieri iubet: ex aqua autem igne eliquata fieri nunquam meminit quamuis & hoc iuleb suauē sit,

Mucharus
uiolarum.

Iuleb viola-
rū ex aqua
ui ignis eli-
quata,

Et non aspernandum. Vnde in his iuleb hunc ordinē po-
 nimus, ut id ex aqua igne eliquata factum primū locum
 habeat, quia ceteris debilius, tamen suauius. Isto autē an
 potentius sit, quod ex succo uiolarum paratur, an quod
 ex infusione, in dubio est. id quod ex succo est, uiolae sub-
 stantiam recipit: quod autem ex infusione fit, superficia-
 les partes sumit, quae magis lenientes sunt. Ideo secundū
 locum habet quod ex infusione fit. Tertium, quod ex suc-
 co. SEN. Nos id tantum paramus, quod ex aqua ui ignis
 eliquata fit, tamen et alia iuleb genera parare conueni-
 ret, sed omitti possunt, quia syruos eodem ferē modo
 cōfectos habere oportebit: alterum de infusione uiolarū.
 alterum de succo uiolarum, quibus loco iuleb uti poterim-
 us. SEN. Fient' ne eodem modo syrui? BRA. Omni-
 no ex solo succo et zucharo, uel sola infusione et zu-
 charo fiunt, sed apud nostros pharmacopolas in his con-
 diendis syrupis uariis est mos. SEN. Nos non utimur.
 BRA. Aliqui sunt qui fecere, sed inter se non conueniūt.
 quippe in syrupo de succo uiolarum quidam sex uncias
 succi, et libram zuchari accipiunt: alij octo uncias succi:
 et libram zuchari: alij aequales partes zuchari, et succi
 alij quatuor uncias succi, et libram zuchari, eundē mo-
 rem in syrupo isto de succo uiolarum seruari uolentes,
 qui in zucharo rosato, et uiolato ex integris rosis, et
 uiolis seruatur. Sicut enim in illo pro qualibet zuchari
 libra, unciae quatuor rosarum ponuntur, ita hic pro qua-
 libet zuchari libra quatuor uncias succi rosarū ponūt.
 SE. Res adeo incōstans est, ut quem sequi debeam igno-
 rem. BRA. Ego autem te edocebo, ut errare non possis.

SEN. Tibi plurimum debebo. BRA. Nonne hoc factum putabis, si in Mesue conficiendi modum ostendam? SE. Certè, sed nusquam locū animaduerti. BRA. Lege modum faciendi iuleb de succo uiolarum apud Mesuen, ubi accipit succi uiolarū libras tres, zuchari libras duas, et iubet cum facilitate coqui: hinc ratio sumitur condiendi syrupum de succo uiolarum. SEN. Est modus parandi iuleb, non syrupum. BRA. Quam differentiam facis inter iuleb & syrupum? nam & iuleb syrupus est: Græci recentes zulapon uocāt, quod recentes iuleb quasi succum uel ex succo. Imo, & Iu apud barbaras quasdam nationes succū signat: & cur non Iolebum eo quod in eum uiola infundatur iōv uiola est, αἰεω infundo: unde fieri potuit iοαἰεβ. Quamuis hanc uocem barbaris quàm Grecis magis esse consuetam, & reuerendissimus COE- LIVS Calcagninus iudicet. SE. Putabam iuleb à syrupo differre quia suauior & limpidior esset. BRA. Hæc nō est differentia sed quia syrupus magis decoquitur, quam iuleb, et in multis syrupis plura ponuntur, in iuleb simpliciter unum. Propterea si syrupum de succo uiolarum parabis, eandē mensuram seruare debes quam Mesue in iuleb seruat: sed tu postea decoctionem augeas. SE. Hoc non displicet. Verū & in illo syrupo, qui ex infusione uiolarum fit, pharmacopolas distinctos uideo: ut aliqui plus, aliqui minus decoctionis pro zuchari portione sumant. BRA. Habent tamen apud Mesuen generalem regulam conficiendi: Statim in principio tractatus de syrupis, ubi operationis iuleb ex infusione modum ponit, uidelicet quinq; infusionis libras sumēdas esse, & quatuor zucha

Zuchari, & paulatim coquantur, itaq; iuleb fit: si uerò
 parum plus ebullire feceris, syrupus erit Vnde tres syru
 pi uiolati inueniuntur, & in officinis seruari debent, ex
 succo uiolarum, ex infusione, uiolarum, & uiolatus com
 positus. Cùm autē simpliciter syrupus uiolatus ordina
 tur, eum intelligere opus est, qui ex succo uiolarum fit, et
 simplex est. Is uerò qui fit ex succo, cum additione indi
 ci debet, syrupus ex succo uiolarū. Tertius, qui his for
 tior est, et qui plura recipit, debet cum hac additione in
 dici, syrupus uiolatus cōpositus. Itaq; nullus error fiet.
 Imò etiam tot syropos per gradus distinctos habere con
 uenit, quoniam ægritudines per gradus distinctæ sunt:
 Vnus enim syrupus uni ægritudini, & alter alteri magis
 conuenit. S E N. Deinceps omnes parabo. Sed in cōdien
 do syropo de succo uiolarum nonnulli æquas partes suc
 ci, & Zuchari accipiunt, regulam huius rei à syropo de
 fumo terræ maiori sumentes, in quo æquales partes suc
 ci, & fumi terre ponit. B R A. At is syrupus non potest
 esse conueniens regula ad hunc, quia illum multa alia in
 grediuntur præter succum fumi terræ, in hoc solus uiola
 rum succus ponitur. Ideo nō mirum si copia Zuchari in
 eo de fumo terræ sit maior. Ideo potius laudo, ut à Iuleb
 de succo uiolarum modo iam dicto normā sumas. De his
 autem syrupis, & si à Mesue dicantur leniendo soluere,
 copiam notabilem exhibui ad uncias sex perueniēdo, ta
 men nihil penitus eduxere: in aliquibus parum. S E. Igi
 tur tres syropos uiolaceos parabo. B R A S. Nec aliquem
 prætermittere debes, sed quando compositum syrupum
 facies, prima quæ decoctionem ingredientur, sint iniubæ

& sebestem: deinde semina malue & cydoniorum, de-
 niq; uiolæ: quoniam minimam decoctionem patiuntur, ut
 uiolarū capite Mesue docuerat. Deniq; ut de hoc syrupo
 finia scito, alias mihi fuisse suspectos syropos & potio-
 nes, quæ iuiubas reciperent: quoniā ab antiquis damnan-
 tur. Quippe Galenus secundo de alimentorū facultati-
 bus, serica damnat. Sunt autem apud Græcos serica, quæ
 apud Latinos zizipha appellantur. Inquit autem Gale-
 nus, solum appeti ab insolētibus, et effrenatis pueris, ac
 mulieribus, nam imbecillissima sunt, & difficillimè con-
 coquuntur, cumq; hoc stomacho inutilia sunt. Damnan-
 tur præterea ab Oribasio, Paulo, Aëtio, quæ & ab ali-
 quibus syrica nuncupantur: tamen dulcedinem quandam
 habent emollientem, quæ pectoribus conuenit: propterea
 non dubito tussi ex materia calida factæ & his pectorū
 in temperiebus ualere, ubi materiam crassiusculā redde-
 re opus sit. S E. Reperiuntur ne apud antiquos zuchari
 ad succos proportionēs? B R A. Ex Paulo Aegineta eli-
 ci possunt, capite X V. septimi lib. ubi compositionem,
 quam appellat Rhodo stacti, docet: in qua sumit succi
 rosarum sextarios duos, mellis sextarium unum, deco-
 quito usq; despumando, donec pars quarta cocturæ eua-
 nescat. S E. Ex hoc loco zuchari proportionem ad suc-
 cum facile elicio, quamuis ipsi mel zuchari loco pone-
 rēt, quia ipsis zucharum ignotum erat. B R A. Propter-
 ea Mesue non ab re maiorem portionem succi, minorē
 zuchari, ponit quamuis dimidium præcise non ponat.
 S E N. Reperitur ne syrupus uiolatus compositus ali-
 ter descriptus? B R A S. Equidem reperitur, & Mesue

SYRUPORVM.

83

in capite de pleuresi, in sermone in aqua cicerũ duas de-
scriptiones assignat: Alteram Ioanitiĩ, alteram Hamech
que ab hac differunt, licet non multum. SEN. Adducas
ni piget. BRA. En Ioanitiĩ syrupus in primis:

Recipe uiolarum recentium

Seminum cydoniorum

añ. 3. x.

Seminum citruli

Seminum maluæ.

3. xij.

Gummi Arabici.

3. viij.

Dragaganti

3. iij.

Super hæc libras septẽ aquæ calidæ fundas & per diem
ac noctem permittuntur: postea ad consumptionem me-
dictatis bulliant: deinde cum duabus libris & semis pe-
nidiarum fiat syrupus. SEN. Hic syrupus nostrum mul-
tum excedere uidetur. BRA. Certè multum excedit, nec
dandus esset, nisi maiori attenuatione indigeremus. Nũc
illum Hamech audias:

Recipe uiolarum

unc. ij.

Seminum cydoniorum

añ. unc. j.

Maluæ

Iuiubarum

Sebestem

añ. nu. xxx.

In septem aquæ cucurbitæ libras ad consumptionem ter-
tiæ partis decoque, & cum duabus zuhari libris fiat sy-
rupus. SEN. Hic à nostro quem paramus, non multum
differt. BRAS. Imò eum esse arbiĩror, quo utimur: &
ubi differunt, librariorum error fuit: quippe Mesue ab
Hamech sumpsit. Addeq; tibi alium syrupum de uiolis à
Serapione edoceri, Tractatu VII. capite. XXIII. quem

F ii

si legere uolueris, simplicē esse ex ifusione uiolarum percipies. Sed de hoc iam satis. SEN. Nondū satis erit, nisi in primis admonueris, an ex siccis uiolis fieri possit. BRA. Fieri quidem potest, sed in efficax est: propterea & succum, & infusionem serua, & magnam syrupi uiolati compositi copiam, cū uiolæ florescunt, ad totius anni usum para: ne ex siccis uiolis parare cogaris, quæ minus frigida, & minus humida sunt, quàm recentes, nec leniunt: quod præcipuè in hoc syrupo exigitur.

SENEX.

Syrapus iuiubinus.

Syrapus iuiubinus in ordinem uenit. BRA. In hoc etiam uos composito, & non simplici utimini. Est autem iuiubinus simplex is quem Mesue Iuleb iuiubinum appellat: & re uera conueniret hunc syrupum per se distinctum fieri: nam ubi non magna pectoris asperitas adest, & sputum tenue ac subtile sit, ut incrassatione indigeamus, sed non magna, tunc simplici syrupo iuiubino uti oportebit. Cū autem intensa materialium incrassatione indiguerimus, composito iuiubino utemur: In simplici autem cētum iuiubæ in quatuor aquæ libris ad medietatem resolutionis aquæ coquuntur, & cū una Zuchari libra syrupus fit. SEN. Quam aquam sumere debemus? BRA. Aliis de aquis disputatum fuit à recens

Aqua pluui-
ualis in sy-
rupis pecto-
ralibus su-
menda:

tibus, et conclusum, pluuialem aquam in syrupis pectoralibus sumendam esse quoniam tenuior sit, & magis penetrans, quàm aliæ: quia ex uaporibus facta, hinc ut ad pectoris partes penetret, magis efficacem esse & aptā existimarunt. Nos autem non ita simpliciter hanc rem inferendam censemus: sed Galeni sententiæ in bæ-

rentes primo de simplicium medicamentorum facultati-
 bus, capite quarto, dicimus: Quanto aqua est magis sim-
 plex, tanto frigidior est: propterea ubi refrigeratione
 indigemus & incrassatione, ut in hoc syrupo iuiubino,
 pluuialem aquam sumendam iudicarem: ubi autem infri-
 gitatione, aut incrassatione non indigemus, aquam fontan-
 tis sumerem. Verum hæc non sunt hoc loco discutienda:
 sed satis sit apud antiquos talem differentiam aquarum
 non fieri, sed eam tantum quæ sit pura, quam Galenus
 lib. suprâ citato capite V. ex tribus sensibus iudicat, gu-
 stu, uisu, & odoratu, & sit expers qualitatis, & nihil in-
 gustum imprimat, ut sit planè perlucida, ac sincera, ut
 in odore nullam habeat qualitatem, tunc iudica aquam es-
 se puram, & illam esse quæ syropos et medicamenta ingre-
 di debeat. Quod autem à recentibus creditur pluuiiales
 aquas magis penetrare, ab Aëtio non creditur, qui cap.
 CLXXV. libri tertij, aquam pluuialem fontanæ compa-
 rans, inquit: Plus enim habet constipationis quàm fon-
 tana. Ideo neq; abstergit facile, neq; coquit, neque mada-
 facit, & excretionem impedit: quod si alicubi moram tra-
 xerit, magis adhuc constipat, tardiorisq; transitus fit,
 egestionem detinet, tardius concoquitur distribuiturq; ac
 destillationes gignit. Hæc Aëtius de pluuiali aqua. &
 Plin. lib. XXXI. cap. III. eorum opinionem grauitè re-
 darguit, qui aquas pluuiiales probant. Imò inquit, horum
 sententiâ refellere interesse uitæ. SE. Non uidetur quod
 pectorales decoctiones probè ingredi possit: tamem Pau-
 lus eam laudat cap. L. primi libri, inquiēs: Cœlestis præ-
 terea aqua teste Hipocrate, nullo pondere grauis, dul-

Aqua fontis,
 in quibus su-
 menda ē

cioe abundanti, limpiditate neutiquam uulgari, tenuitate deniq; censetur, eo quod à sole leuissimum trahatur et tenuissimum. B R A. Id ex Hippocratis sententia dicit Paulus, qui tenuissimam aquam laudauit. Sed aqua duobus modis consideratur: Vno modo ratione qua elementum est. Altero, ut nostrum corpus ingreditur. Ratione qua elementum, & frigida, ac tenuis est ab Hippocrate, et Paulo pluuiialis summè laudatur. At hæc eadē pluuiialis ab Aëtio, ut nostrum corpus ingreditur, dānatur. Propterea & Paulus præcitato loco inquit omnium aquarum pluuialem maximè putrescere (quamuis Aui-cenna in syrupo de papauere primo oppositum dicat) quia ex qualitatibus diuersis constat. Ex marina enim aqua et alijs eleuatur: tamen (inquit Paulus) & si facilimè putrescat, ob hoc non est existimanda deterrima, nam alterationis procliuitas uirtuti magis quàm uitio adscribenda est. Quapropter quæ inculpatæ aquæ indicijs prædita, facile putrescit, saluberrima censenda est. Hoc intelligo ratione qua aqua. Et hæc uerba Pauli, & Hippocratis de perfectione aquæ ut aqua loquētium non autem ut à nostro corpore sumenda, in causa fuere, ut recentes putarint, in omnibus affectibus pectoris pluuialem sumendam. Sed hæc aliàs disputanda sunt: Nunc syrupū de iuiubis Mesue prosequamur: Hic autē est, ut passim in omnibus ferè scriptum autoribus reperitur:

Recipe iuiubarum	} añ.	lib. x.
Violarum		unc. v.
Seminum maluæ		
Capillorum Veneris		unc. j.

Seminis cydoniorum

Papaueris

Melonis

Lactuce

Dragaganti

Liquiritie

Ordei mundi

} añ. 3. iij.

} añ. 3. viij.

Decoque in libras quatuor aquæ fontium, & cum libris duabus zuchari fiat syrupus. SEN. Hic est reuera iuiubinus apud Mesuen syrupus, tamē ipsum hoc modo nunquam parare potui, sed opus fuit semper, uel aquā augere uel zizipha diminuerē. BR A. Non possum non credere descriptiones has mēdosas esse: nempe zizipha aquā longē superant, unde si decē libræ ziziphorum in quatuor aquæ libras bulliant, potius eclegma fiet quam syrupus: imò uel nō posset, uel egre bulliret. Propterea arbitror errorē potius esse in ziziphis, quā in aqua: hunc enim syrupum puto proportionē habere ad iuleb iuiubinum, in quo etiam quatuor aquæ libre ingrediuntur: sed quia hic centum iuiubas accipit, & nihil aliud ingreditur, hic sexaginta iuiubas sumendas puto, uel centum, non autem centum quinquaginta, ut nonnulli acceperē. Verū sexaginta sumendas potius laudo, quoniam & antiquum Mesuen habeo ita incipiētem: Accipe iuiubas sexaginta: & potius enumerandæ sunt, quā pondere describēde, quia si pōdere tradātur, opus est semina extrahere. SE. Propter quid? BR A. Quoniam hæc est, & esse debet universalis regula apud pharmacopolas, ubi inueneris apud autores sebestem, pruna, iuiubas, tamarindos, per

F iiii

pondus in suis receptionibus descripta, semina abstrahenda sunt, & proijcienda: ubi autem per numerum ponuntur, semina extrahere non est opus, ut in hoc loco. Quare legendum puto ut meus antiquus Mesue habet, iuiubas sexaginta. In alia etiam re error est, ubi enim legitur uiolarum, seminum malua unc. V. legi debet drach. V. ut ille antiquus Mesue citatus habet, qui in multis multo emendatior est: & ubi recentes uiolae haberi possunt, recentes semper accipias, quoniam siccae uires mutant. SEN. Quid de iuiubis? sunt ne recentes, an siccae sumendae? BRA. Recentes potius, sed bene maturae. Sunt autem bene maturae cum rugosae fiunt, & dulciores: acquirunt autem & perfectam maturitatem ab arbore remotae, quia humiditas quaedam crassa resoluitur, et rugosae ac dulciores fiunt, dulcedine quadam emolliente. Propterea & si à Galeno & antiquioribus reprobentur, tamen ad incrassandam materiam probe ualent & maxime prosunt. Sumuntur recentes bene maturae: cum uero, recentes desint, siccas accipito, non quidem siccitate extrema: sed tali ut intus sit mollities illa suae carnis sub cerio praedulcis: quales sunt eae, quas Ferrarienses mulieres filo consuunt & fenestris suspensas seruant, priusquam sextum mensem transferint. Pro semine papaueris, de albi papaueris semine intelligito: pro ordeo mundo, intellige à suis corticibus, ut uis abstersiua abeat, & lenitiua remaneat. Cum autem hunc syrupum facis, primo iuiubae ingredientur, postea semina, & glycyrrhiza, deinde tragacanthum, denique uiolae, & capilli Veneris. SEN. Qua de re? BRA. quoniam prius ea ponere oportet, quae maiorem decoctionem sustinent, de-

inde quæ minorem, tertio quæ minimā: quippe tres gradus in decoctionibus sunt. Primus, ea recepit quæ multā decoctionem sustinent. Secundus, ea quæ mediocrē. Tertius ea quæ parvā. In unum te admoneo, quod zuchariū hūc syrupum ingrediēs libra una esse debet, nō duæ: quia in simplici syrupo iuiubino, quem Iuleb de iuiubis appellat unam zuchari libram solum ponit, in quo nihil aliud est quod inspissare possit, quā iuiubæ. In hoc autē syrupo cōposito multa alia sunt, quæ decoctionem inspissant. Adde quod syrupi magis coqui debent quā iuleb: ideo nimis spissaretur, si duas zuchari libras reciperet. nec opus est dicere quod decoctio ad dimidiū non fiat: nā & si Mesue pondus decoctionibus non ponat, quantum solui debeat, tamē regula sequentis syrupi seruāda est, & Iuleb iuiubini, & aliorum multorum. ubi quatuor aquæ libras decoquendo ad duas reducit. Si etiam experiaris, inuenies pulchrius fieri cum una libra zuchari, quā cū duabus, & in sequenti syrupo de papauere, in quo Mesue quatuor aquæ libras tantum ponit, satis esse uoluit octo uncias zuchari, & octo penidiarum. Tamen quia zuchariū (ut fertur) nullum ferculum perturbat, si duas libras ponere uolueris, in tuo arbitrio sit, sed una sola satis est, & syrupus aptius ducitur. Hoc autem nunc omisso, ad syropos alios transeamus. SENE X.

Syrupus de papauere sequitur. B R A. In nulla re Syrupus de
magis confusi sunt pharmacopole, quā in hoc sy-^{papauere.}
rupus. S E. Qua de re? B R A. Quia multæ sūt descriptio-
nes, et aliqui pharmacopole unā, alij aliā sequuntur. O'mi-
seros ægros, quibus præter intentionem unus syrupus cō-

tingit ex his de papauere, qui suæ egritudini ita nõ quadrat, à Medico autem putatur conueniens exhiberi. SE. Credebam ego omnes pharmacopelas compositum Me suæ de papauere parare. BRA. Quem appellas tu compositum? nam omnes compositi sunt. SE. Ego illũ compositum appello, cuius descriptio apud Mesue hęc est:

Recipe papaueris albi

Rubri } añ. 3. 50.

Capillorum Veneris 3. xv.

Liquiritiæ 3. v.

Iuiubæ nu. xxx.

Seminum lactuæ 3. xl.

Seminum maluæ } añ. 3. vi.

Cydoniorum }

Coquantur in libras quatuor aquæ ad consumptionem medietatis, & cum zuchari & penidiarum añ. 3. viij. fiat syrupus. BRA. Tu hoc uteris? & paratum seruas? SEN. Et nunc seruo, & continuè seruauì. BRA. Multi tamen in hac urbe sunt, qui sequentem à Mesue positum ante syrupum Dinari faciunt.

Recipe papaueris albi

Nigri } id est eorũ capita añ. 3. lx.

Et de coquantur in libras quatuor aquæ pluuialis quousq; redeant ad lib. unā & semis, & cū zuchari albi, & penidiarum añ. 3. iij. fiat syrupus. SEN. Est simplex de papauere. BRA. Ita appellari potest, quia nihil aliud de coctione præter papauerũ capita recipit. Alios etiā notaui, qui primũ syrupũ de papauere Auicennæ faciũt, qui & ipse simplex est, sed unæ succũ recipit, aut sapã. Pro-

pterea nonnulli in composito Mesue à te citato sapam addunt: nam semi libram sapæ cum syrupo ad bulliendum ponunt: quod tamen nec ab autore dicitur, nec conuenit, cum infrigidare intendamus, & sapa calida sit. SEN. In tanta confusione quos sequi debemus? BRA. Opus est duos syrupos Mesue de papauere paratos habere. Primum simplicē, Alterum compositum. nam ambo ad somnum inducendum, ad sitim extinguendam, ad prohibendam destillationem ad pectus, & ad leniendum ualent. Sed ille simplex minus frigidus est, & solum intentionem simplicem habet ad prædicta, ad somnum scilicet prouocandum, & leniter infrigidandum: Cumpositus autem ad infrigidandum & leniendum intensius. Ideo à Mesue ad tussim siccam, & phthisin ualere dicitur. SEN. Curabo ut in mea officina ambo sint BRA. Si utrosque habere neglexeris, saltem compositum habeas: Ego autem pharmacopolam laudabo, qui utrosq; seruabit. SE. Nunquam mihi deerunt. Dic autē (ni piget) debent ne eo modo fieri, ut descripti sunt? BRA. Nonnullis erroribus demptis, aut emendatis, eo modo fiant. SEN. Illos libenter audirem, ne deinceps incautus errarem. BRA. En in simplici de papauere, papauerū capita in quatuor aquæ libras ebullit, quousq; libra una cū dimidia relinquatur: Sed papauer ex his est, quæ mediocrē decoctionē patiuntur propterea si tandiu bullierit, uires amittere puto, præsertim si papauerum capita recētia sint. Si enim antiqua essent, maiorē ebullitionem exigerēt. SE. In recentibus ad quantū aqua ebulliendo resolui debet? BRA. Satis est, si pars tertia resol-

Locus Me
sue restitu-
tus

uatur, uel libra una, & semis. Ideo Mesue ita legas: et decoquatur in libras quatuor aquæ, usq; dum desit libra una et semis, ut à quatuor libris aquæ libra una et semis bulliendo euanescat: unde libræ duæ & semis decoctionis relinquentur. SEN. Cōuenientius uidetur quod minus restet, propter minimā quātitatem zuchari, quæ ingreditur: sunt enim quatuor zuchari, & quatuor penidiarum drachmæ. BRA. O' bone uir, mendosus est Mesue cōtextus, et legi debet: uncias quatuor, nō drachmas. Idem error in cōposito de papauere est, ubi enim legitur: zuchari & penidiarū añ. 3. viij. legi debet uncias octo: nec ualet quod aquæ quātitas respectu zuchari multum exuperet in simplici de papauere, quia penidia uice zuchari funguntur. Non debent autē tantū papauera ebullire tum ob causam dictā, tum quia humiditas & frigiditas maximè expetuntur, quæ ob multā decoctionem euanescent. Non laudo etiā quod pluuialis aqua sumatur, ob rationes dictas: quā tamen Mesue sumendā iudicat. SE. Sunt ne in cōposito de papauere aliqua errata? BRA. Et maxima. SEN. Quomodo maxima in re tam uulgata? BRA. Audies. Nā calida pro frigidis recipit. SE. Quæ sunt hæc? BRA. Dicit papaueris albi & rubri, est autē rubrū papauer antiqua anemone, quæ calida est. In hoc autem syrupo frigida solum recipienda: propterea legendum est potius papaueris albi & nigri, non rubri, aliter præter intentionem rubrum papauer poncretur. Adde, in nostro antiquo Mesue, legi papaueris albi, & nigri: & quod nigri, & nō rubri legi debeat, testimonium sumi potest ex simplici de papauere, in quo papauer album &

nigrum ponuntur, cuius intentio est infrigidare, & somnum prouocare. Cum autem eadem intentio in hoc sit, rationabile est albi & nigri legi, non autem rubri. SEN. Hic esset magnus error. BRA. Imò est, et non animaduertitur. SEN. Deinceps igitur nigrum, non rubrū accipiam. BRA. Itaq; nō errabis. SE. Vidi alios syropos de papauere, quibus medici in alui profluuijs utebantur. BRA. Multæ aliæ sunt descriptiones syroporū de papauere, à multis alijs autoribus scriptæ, quas prosequi non est opus. Auicenna duas ponit, quarum secundā ad profluuium alui ualere certum habeo. Primā autem ad somnum conciliandum: & à nonnullis fit, quem appellant syrupum de papauere centum capitum, estq; simplex syrupus. Nicolaus etiam syrupum de papauere ad profluuiū ualere scribit: imò & antiquiores in profluuijs alui papauere usi sunt, extantq; apud Aëtium, Paulum, & Oribasium multa ad profluvia, quæ papauera recipiūt. Hæc autem de hoc syrupo satis. SENE X.

Syrupus de quinq; radicibus in ordinē uenit. BRA. Syrupus de quinq; radicibus. In quem ordinem si ordinem non seruas? SEN. In ordinem meæ inordinate schedæ. BRA. Equidem inordinatæ, nam simplices syropos seorsum à compositis scribere poteras, & calidos à frigidis, aut saltem ordinem secundū humores habere, aut secundum corporis partes, aut secundum ægrotudines. SEN. Nihil consideraui, sed ordinaui ut in mentem uenere, & ut in officina præsentantur. BRA. Quum hoc ad rem ipsam nihil referat, syrupū de quinq; radicibus examinemus. Quod magis cōmodè fiet, si unā & syrupum de duabus radicibus, et sy-

rupum bisantium sine aceto & cum aceto & syrupum acetosum simplicem discutiamus. Omnes pharmacopolæ & hic & per totam Italiam eundem syrupum acetosum simplicem parant, cum scilicet qui à Mesue describitur, & simpliciter syrupus acetosus nuncupatur, qui & ab Auicēna ponitur prima fen. quarti canonis, in libro autem quinto plures syropos acetosos describit, et Serapio in suo Antidotario, et Hali in X. libro sue practice, hūc presentem syrupum acetosum simplicem conformari docent. SEN. Nonne antiquiores de ipso tractarunt? BRA. Nusquam. SEN. Quomodo hoc dicis? nam Mesue ipse de hoc syrupo Galenum adducit. BRA. Quomodo autem Mesue Galenum adducere potuit, si Galenus zucharum ignorauit? SEN. Istud igitur mirum est, presertim cum à recentibus Galenus XI. de arte curatiua adducatur. BRA. Certus sis, nusquam de eo locutum esse Galenum, imò grauius errant, qui librū secretorum Galeni adducunt, in quo hunc syrupum inueniri dicunt, SE. Vnde igitur hic error emanauit? BRA. Quia Hippocrates, Galenus, & antiquiores de oxymelite tractarunt, quod ab hoc differre non uidetur, nisi quia mel zuchari loco sumit. Zucharū uerò antiquiores ignorarunt: propterea acetosum simplicem Mesue parare non poterant sed bene oxymelitē, de quo suo loco differemus. Est autem simplicis acetosi uel sine aliquo addito acetosi descriptio, hec quæ sequitur, per Mesue uerba expressa:

Syrupus
acetosus sim-
plex.

R Ecipe zuchari boni albi partes quinq; et in uase lapideo pone, et superinfunde aquæ fontis dulcis et claræ libras quatuor, et decoquatur, semper eius spu-

mam abijciendo, & sit ignis, in quo coquitur prunarum,
aut tenuis flammæ sine fumo, et decoque hoc modo, donec
clarificetur, & diminuta sit aqua, sicut medietas eius:
deinde infunde super ipsum aceti uini albi clari partes
duas in leui, & in forti partes quatuor, & in mediocri
partes tres, et da ei post illud decoctionem in coctura: sit
autē hæc coctura, coctura syrupi. Hæc Mesue ad uerbū:
SE. In hoc syrupo plura mihi presentantur ambigua, inci-
piā autē ab ultima parte, ubi inquit: in leui partes duas
in forti quatuor, in mediocri tres: per hæc uerba quid in-
telligendū sit dubito. Nam illos aberrare puto, qui leue
ad acetum applicant, & forte & mediocre, in aciditate.
BRA. Imò maximè errant, quia potius de leui aceto par-
tes quatuor ponendæ essent, & de forti partes duæ. Sed
uerus intellectus est, quod leue, mediocre, forte, ad syru-
pū referatur, uel ad morbū: ut sensus sit: In syrupo leui,
qui non multū aperiat, duæ aceti partes sint: in forti qui
multū aperiet, sint partes quatuor: in mediocri qui me-
diocriter aperiat, sint partes tres. Aut ad morbū refera-
mus: In leui morbo sint duæ aceti partes in syrupo: in
forti sint quatuor aceti partes: in mediocri morbo sint
tres partes aceti. Dic autē paratis ne hos tres simplices
syrupos in leui, Forti, mediocri? SE. Vnus solū paratur.
BRA. Qui nā est ille? SE. Differunt pharmacopole. Sūt
qui tres partes aceti ponant, & qui duas, rari qui qua-
tuor, tamen et reperiuntur qui addant. BRA. Tu quens
facis? SE. Semper cū paro, in quo tres partes aceti sunt,
nam potius medium sequi elegi, quàm extrema. BR. Ego
autem unum extremum potius sequerer. SEN. Quodē

BRA. Vt duæ partes aceti solum ponantur, quia medico semper licet, quando uoluerit, acetum addere. Sed quādo plus aceti receperit, quā medico placeat, ita facile subtrahi non potest. SEN. Imò potest alia addendo. BRA. Sed nō ita facile, nec deinde syrupus acetosus erit. SE. Tua ratio non mihi displicet, propterea eum deinceps parabo in quem duæ partes aceti ingrediūtur. BRA. At opus erit unum semper agis. SE. Quid est hoc? BRA. Vt medicū admoneas qui hoc syrupo utitur, te eum solum fecisse, qui leuis est: & in leui morbo ualet, in quo duæ partes aceti tantum sunt: ut si acetū addere uoluerit, addat: tamen cōuenientius esset tres syropos habere. Verū nostri temporis medici nō solum hoc non curant: sed inter hos syropos differentiam nesciunt, nec an fiant, sed cū indicunt agro satisfecisse putāt: rem uero quam ordināt, et an bene paretur, ignorant. Hæc autem aliās, quia nobis institutū non est de medicis maledicere. SEN. Aliud etiam est, quod in hoc syrupo me addubitare fecit, quia Mesue inquit ad materias calidas ualere, & ad frigidas & ad subtiles, & ad crassas uiscosas: hæc autem opposita uidentur, & simul incompatibilia esse. BRA. Opus est scias, quod hæc eadem quantitate non agit, sed diuersa: nam hic syrupus ratione aceti incidit, & frigidus est propter frigiditatem ad materias subtiles & calidas ualet, sed ob incidendi uim, quam habet, ad crassas materias & glutinosas ualet, eas attenuando: unde non inconuenit unum ratione diuersarum partium, & qualitātū ad duo cōtraria ualere. Nota autem quæ sequuntur, quia in materiis frigidis & crassis, non ualet ratione

tione frigiditytis, tamē ualeat ratione incisionis. Ideo addit Mesue, posse uirtutē infrigidationis tolli, non remota eius penetratione. Istud autē fit, illi nōnihil calidi addendo, ut cinamomū, aut radices calidas aperiētes, quæ non solum frigiditytatem remouent: sed ad penetrationem & resolutionem addunt. SEN. Miror quomodo Galenum adducat, si nusquam Galenus de eo loquatur BRA. Galenus de oxymelite tractat, quod ex melle & aceto fit, de quo suo loco differemus: puto illum esse locū, quem Mesue citat. Sed unum est in quo magis ambigo, quā in prædictis. SE. Quid est illud? BRA. Hunc syrupum ad atram bilem ualere, tamem Hippocratis, & Galeni sententia est, acetum eos iuuare, in quibus amara: eos autem summopere ledere, in quibus atra bilis dominatur, sed magis mulieribus inimicatur, quam uiris, nam uterū lædit. Non uidetur ergo in melancholica materia conuenire. SE. Quid igitur ad Mesuen dicere oportebit? BRA. Fortē non intelligit ratione suæ qualitatis ad atrā bilē ualere, sed tantū ratione penetrationis: quia alia medicamēta atræ bili propria ad statuta loca penetrare facit & uim dissoluendi ac diffecādi illis tribuit. Ideo acetum atræ bili conueniens non est, nisi ratione penetrationis. SE. Hoc igitur per accidens prouenit, & non ex natura huius syrupi ob suam qualitātē. BRA. Quicquid sit, hic syrupus acetosus, ratione qualitatis aceti ad humorem melācholicum non ualeat: sed tantum penetrare facit, & resoluit: propterea ad syrupum acetosum compositum ueniamus. SE. In Mesue post hunc syrupum simplicem acetosum, quem ipse syrupum acetosum absoluto uoca-

Syrupus
acetosus cū
radicibus.

bulo appellat, syrupus acetosus cū radicibus sequitur, quē recentes de duabus radicibus uocāt, & acetosum cōpositum. Fit autem cum aceto, & sine aceto: cum aceto est acetosus cōpositus: sine aceto absolute est de duabus radicibus: licet qui ordinat, cum aceto, aut sine aceto addere soleant. SE Ita est, & nos utrosq; paratos seruamus. Et hunc qui acetū suscipit de duabus radicibus cum aceto nuncupamus, uel acetosum compositum, uel acetosum cum radicibus: qui autem acetū non habet, de radicibus absolute dicitur, uel de duabus radicibus sine aceto. BRA. Vbiq; per totā Italiā ita paratur, & Mesue compositionem sequūtur omnes medici, quæ hæc est.

R Ecipe aquæ fontis claræ lib. x. & proijce super ipsam radicis fœniculi, apij, endiuie, ana, unc. iij. anisi, seminis fœniculi, apij, ana. 3. viij. seminis endiuie, vn. se. Coquatur cum facilitate quousq; ueniat ad lib. v. tunc proijce super ipsam zuchari boni lib. tres, et clarificetur sicut prius: deinde funde super ipsum aceti boni quantitatem sufficientē, iuxta modum superioris doctrine, & da ubi oportet. Hæc Mesue. SEN. Hic est ille syrupus, quem facimus. BRA. Auicenna hunc syrupum quinto libro docet, & eum syrupum acetosum communis appellat: sed non addit radices endiuie, quæ fortē in Mesue abesse debent: nā et in meo antiquissimo Mesue nō adsunt, unde uocatus est de duabus radicibus, quia due radices solæ ingrediuntur, & tunc nō erit opus sugere, quod tantū due radices calidæ ingrediantur, endiuia autē sit radix frigida, ideo dictus sit de duabus radicibus scilicet calidis. SE. Reperitur ne apud antiquos.

hic syrupus? BRA. Non reperitur hoc modo compositus, sed apud Paulum, Aëtium et antiquiores proportionales decoctiones inveniuntur ex radicibus & apij, & foeniculi, & ex hyssopo, pulegio, origano, tragorigano in materiis crassis, ut liquidum est, si eorum volumina legeris, quae ubi de febribus notis tractat, his plena sunt. Hic autem syruporum modus inuentus est, ut omni tempore haec in promptu habeantur, & magis delectet. Dicis autem, quando radices in syrupum ponis, sumis ne integras? SE. Non sed in frusta seco. BRA. Hoc non peto, sed an radices integras, non adempto meditullio, an corticem tantum circa meditullium accipias. SEN. Semper excoriamus, & meditullium abijcimus. BRA. Sed sine ratione factum uidetur, nam uis radices in eo potissimum consistere uidetur, quod est mediū totius, & in quo potissimum uita plantae est, hoc autem est meditullium: nam eo non modo tota radix, sed et tota planta uiuit. SE. Ratio id inferre uidetur: tamen in hoc syrupo de radicibus apud Auicennā. v. lib. ita scriptum reperitur: Recipe corticem radices foeniculi, et corticū radices apij. Quod argumentum est, corticem sumendum esse. BRA. Et ego ex Mesue argumentum faciam, quia ipse in suo syrupo, dicit radices accipiendas, non corticem radices: ideo radices sumendae, quae integre sint. Etenim Mesue cortices harum radicum dicere sciisset, & non radices, si cortices, & non radices sumendas uoluisset. SE. Quid ergo sumendum? BRA. Ut hanc rem optimè enodemus, scito apud philosophos in uiuentibus ordinē perfectionis dari, & imperfectionis. Homines inter uiuentia perfectissimi

sunt propterea ad hominis generationem multa instrumenta requiruntur: in brutis pauciora quàm in hominibus: in infenectis adhuc pauciora, adeò ut in frustra etiam confecta per aliquod temporis spatium partes uiuant. **Arbores** autem & herbe tot instrumentis non indigēt, ideo non solum per semē, sed etiam per surculorum trāsp̄plantationē, & insitionem. Eodem modo herbe semine & per ramusculorum plantationem uiuūt, & in eadē specie indiuidua faciunt. Omnia autem quę uiuunt, uno organo indigent, in quo potissimū uita fundatur, ut in animalibus cor, quod est caloris fons: insecta uerò infusta concisa, habēt aliquid cordi proportionale: propterea & incisa uiuūt, non tamen diu, quia intercisum est cordi analogum, & corruptū. In plantis uerò per totū est proportionale cordi. Ideo incise in partes, & plantatę uiuunt, & quaelibet pars suum cor habere uidetur: tamen in tota planta unum solum erat actū, plura autē potentia. Cū autem inciduntur rami & surculi à planta, actū efficiūtur illius speciei plantę indiuidua, & actū habent cordi proportionale. Similiter in omni uiuente opus est unum esse, quod in toto cōtinuationē faciat, & à quo nerui & totius ligamenta nascantur, sine quibus non cōsisteret, nec moueretur. Hoc in animalibus est cerebrum, & spinalis medulla: in plantis est meditullium illud. Sicut autē in animalibus illa pars frigida est secundum speciem animalis: ita hoc meditullium spinali medulle proportionale, ratione herbe, cuius est meditullium, est frigidius, uel minus calidū: propter hoc ita aperitiuū non erit, sicut cortex, quo integitur in radicibus calidis.

In frigidis radicibus secus est, quia habent frigiditatem maiorem, quam habeat cortex, et in hoc multis. Sunt etiam aliquæ radices, quæ hanc differentiam non habent, quia usque in profundum eodem modo carnosæ sunt, ut rapa. cuius cortex tenuissimus est, in medio tota caro est, et in rapa uis in medio est, non in cortice. Eadem forte ratio in rhabbaro dicenda esset. Ad rem igitur redeunt, in radicibus aperientibus cortex sumi debet, quando radices aliquas decoctiones ingrediuntur: et ratio in promptu habetur, quia cortex magis calidus est, et magis aperitiuus, quam meditullium. In frigidis autem radicibus et non aperientibus, meditullium simul addere oportet, ut cum cichoreum decoctiones ingreditur, meditullium adimere non debet, tum quia frigidum, tum quia egregius cichorei qualitatem seruat: nam in meditullio maiorem amaritudinem sentis, quam in cortice. SE. Est ne uerè cortex id quod meditullium integit? BRA. Respectu meditullij cortex appellari potest, tamen respectu radices nequaquam: quippe in radice tria sunt, Cortex, qui primo occurrit, et terræ propinquus est, qui ita se habet ad radicem, sicut himen, id est pellicula tenuis, quæ nos ambit: deinde caro, quæ est à cortice isto subtili usque ad meditullium: postea meditullium, quod à mulieribus Ferrariensibus anima herbe nuncupatur. Exterior cortex sumi non debet, sed is qui est à summo cortice usque ad meditullium quod caro appellatur. Superior enim cortex et terreæ naturam sapit, et à radijs solaribus exustus est: unde in calidis et aperientibus radicibus in decoctionibus, et in hoc syrupo, et alijs carne utaris: in frigidis autem radi-

cibus, & carne, & meditullio, ut in endiuia, cichoreo, lactuca. Quod si dicas in cichoreo meditullium calidum uideri, quia amarum, nam (ut Galenus quarto lib. de simplicium medicamentorum facultatibus testatur cap. XVII.) omne amarum est calidum. Respondemus omnino aliquam caliditatem habere, propterea aperit: his enim duobus insignitur cichoreum, quod aperit, & infrigidat. SE. Ita igitur agendum erit quomodocumque radices sint. BRA. Si radices multum tenues essent, nihil moueri oporteret: si autem crassae essent, meditullium abijciendum est. SEN. Tu autem superius mihi uidebaris satis euidenti ratione probare meditullium efficacius esse, ut pote in quo uis intensior sit, quia est tanquam anima plantae. BRA. Tamen si carnem gustes, atque meditullium, in carne, & sapore, & odorem intensum herbae persentis, sed in meditullio quarum (aliquibus demptis praesertim frigidis.) Gusta hunc apij corticem, & hunc foeniculi, nunc modo eorum meditullia gusta. SE. Gustavi, & alias saepe gustaueram, maior uis in carne sentitur, & nescio quid excellentius, quam in meditullio sentitur: tamen quia apij radices paruae sunt & caro tenuis, raro aut nunquam meditullium remouemus. BR. Sed Mesue in neoenibianum (ita ipse appellat) de radicibus, inquit: Recipe corticem radicis apij, foeniculi & reliqua, quae sequuntur, quod indicium est ab apio etiam meditullium remouendum, & Auicenna in syrupo acetoso de radicibus communitalis, iubet corticem radicis apij in syrupo recipiendum. SE. Fortè hoc ab re non esset, cum autores dicunt, Recipe corticem radicis, tunc sola caro sumatur: cum autem dicunt, Recipe radicem, to

ta radix integra, meditullio nō amoto accipiat. BRA.
Hoc uideretur rationē aliquam habere, nisi autores de
radice quandoq; loquentes carnem meditullio dempto in
telligerent: & quia maior uis in aperientibus & calidis
in carne est, quam in meditullio: & quia meditullū mi-
nus crassum est & durum quod magna decoctione indi-
geret. SE. In quibus casibus hoc syrupo uteris? BRA in
materiebus biliosis notis, quæ crassæ sunt: & etiā ualet
ad materias pituitosas. nam obstructionū aperitiuus est,
non modo hepatis, splenis, & renum, sed etiam inuersi
corporis, & materias crassas atq; glutinosas incidit et
abstergit. SE. Quo tēpore ægritudinis exhiberi debet?
solent enim Recentes post septimam propinare. BRA.
Nullū adest statutum exhibendi tempus per dies: sed
semper exhiberi potest, quando oportet. etiā si in ægri-
tudinis initio sit. Tamen ægritudines quæ non sunt bilio-
sæ puræ sed, notæ ut plurimum hunc ordinem habent: ut
in primis portio subtilioris materiæ resoluatur: ideo ra-
ro ante primam hebdomadē eo indigemus. Quare dice-
re non oportet ante septimum diem uel post septimum
diem sumendū esse: sed quando opus est. Opus autem est,
quoties materia crassa est, lenta glutinosa, & partes no-
stri corporis obstructæ sint, tunc ab hoc syrupo etiam in
principiū ægritudinis incipere debes. Hic autē antequā
ad aliam transirē, de tempore colligendarū radicū uerba
facerem, nisi statuissem determinatio libello, de tempore
colligendarū herbarū tractare. Ab hoc autē non abstine-
bo: cum multi sint, qui uoluerint radices colligēdas esse,
cū herbe folia amiserint, eo autem tempore in medi-

G iiii

tullio nulla uis est quæ ad tēperaturā faciat, sed ad plan-
tæ uitam solum facit : quod argumentū est carnē & non
meditullium sumenda. Ad rem autē nostrā redeuntēs, dic
cum autor inquit, tunc proijce super ipsum zuchari bo-
ni libras tres, & clarificetur sicut prius, quomodo hanc
partē intelligis? SE. Hoc modo, postquā ebullierit, per-
colamus omnia bene exprimentes. BRA. Hoc mihi sum-
mē placet, quod expressio fiat. SEN. Postea tres zucha-
ri libras addo. In hac autē re inter se differūt phamaco-
pole, quoniā aliqui duobus, aut tribus ouorū albumini-
bus sumptis zucharū & totam decoctionē simul clarifi-
cant: alij zucharum per se clarificant, & deinde in deco-
ctionē ponunt: alij nullo modo clarificāt. BRA. Hi fortē
non ineptē agunt, quoniā frustra albumē oui poni uide-
tur pro liquorū depuratione, in quibus acetum ingredi-
tur. Tu autē quomodo agis? SEN. Ego in tota decoctio-
ne clarificare soleo, duobus, tribus, aut pluribus, ouorū
albuminibus sumptis, pro quantitate syrupi, quā facio.
BRA. Tu ergo maiore syrupi copiā facis quā ab auto-
re describatur. SEN. Equidē. BRA S. Deinceps ne hoc
feceris: nam in theriaca ostendimus ex mente Galeni, nec
augendas, nec diminuendas medicamentorū quantitates
& cōpositiones, de qua re aliās tractabimus. SEN. De-
inceps integrā cōpositionē parabo. Dic autē tu, laudas
præsentem syrupū clarificari an non? BRA. Id agendū
est, quod ab autore dicitur. SEN. Qui nam modus est
ille? BRA. Ipsum lege, qui inquit clarificetur ut prius:
Ideo opus est eo modo clarificare ut prius docuerat,
quod in acetoso simplici fuit. SE. Quomodo docuerat?

BRA. Ebuliendo & expumando, semper spumam abijciendo, & decoquatur hoc modo (inquit) donec clarificetur. Ita q; huius syrupi clarificatio fiet, spumã demẽdo cùm ebulliet cum zucharo, donec clarus euadat, ea scilicet claritate quam habere possit, quæ tamen erit integra Claritas. SEN. Ouis igitur parcam. BRA. In hoc casu parces, nam & frustra cum aceto ponuntur. SEN. Debet ne diminui usq; ad dimidiũ? BRA. Non, sed usq; ad claritatẽ, quã habere potest. hanc autẽ habebit, cùm amplius spumã nõ faciet. Dic autẽ quã aceti quãtitatem in hunc syrupũ ponis? SEN. Pro qualibet syrupi libra semilibrã aceti. BRA. Sunt qui uncias iiij. & qui quinq;, & qui octo pro qualibet libra ponãt. SE. Quid in causa fuit, ut hæc differentia nasceretur? BRA. Quoniã in hoc syrupo eodem modo ut in præcedenti acetũ poni debet, in leui partes duæ, in forti partes quatuor, in mediocri partes tres: quia Mesue ad præcedentem syrupum se ipsum refert. Ideo aliqui fortẽ, aliqui debilem, aliqui mediocrẽ, aliqui nullũ, sed suo modo parant. SE. Igitur tres syrupi cõpositi acetosi fieri deberent? BRA. Deberent quidem, sed satis est debilẽ, id est debili morbo conuenientem uel in aceto debilem seruet: quia doctus medicus, acetum semper addere potest, si opus erit. Si autẽ uel fortis uel mediocris esset, & debiliori indigeret, acetũ auferre non posset, ut in simplici acetoso etiam diximus: semper autem bulliat expumando, post impositionem aceti quod syrupum clarũ reddit. Ideo ouis non indigemus ubi acetũ ingreditur, sed illis solum utimur in illo de radicibus sine aceto secundum uos pharmacopolas: sed satis est secun-

dum Mesuē ebullitio: unumq; animaduertas, si absq; aceto syrupū feceris, ut sine aceto de radicibus appelletur, quando ipsum clarificas expumando, semper expumare debes quousq; perfectus sit, & ad syrupi cocturā peruenit. Si autem acetū addere uolueris, ut sit acetosus cōpositus, uel acetosus de radicibus, noli expectare quod coctus sit quando acetū addere uolueris, sed tunc ponas acetum, cum prope cocturam syrupi peruenierit, semper expumando. SE. De hoc satis dictum est, ad illū de quinque radicibus ueniamus. BRA. Vt lubet: sed dic quem autorem sequimini in hoc syrupo? SEN. Ignoro, nos ipsum magistralem syrupum appellamus, & eo medici utuntur unde autem uenerit, nunquam audiui. BRA. Et ego certe nusquā inueni, nisi in quibusdā libellis Receptarijs nuncupatis Petri Galli possent dici libelli de componendis medicamentis: sed cōmuniter, & γὰρ τὰ γένη & κατὰ τόπος id est, & secundum genera, & secundum locos. Tu autē addidisti esse magistralem syrupū, quid intelligis per illā particulā magistralem? SEN. Nos receptas magistrales appellamus quæ in usu quotidiano sunt. BRA. Appelletis ut lubet. Quod mihi absurdum uidetur, est, apud diuersos pharmacopolas uario modo Ferrariæ fieri. Sunt enim qui sequentem compositionem sequuntur: sed unde hauserint, ignorant: nec eorum preceptores sciebant.

Recipe radicis Apij

Petroselini

Fœniculi

Asparagi

Brusci

añ. unc. ij.

Misce, & bulliant in sex lib. aquæ fontis ad consumptionem tertiæ partis, deinde facta expressione addantur zuchari libræ tres, & in fine decoctionis, aut prope finem, adde aceti optimi unc. viij. SEN. Hic non est Syrupus de quinq; radicibus quem paro, & quem maior pharmacopolarum pars parat: in hoc enim à te citato semina desunt. B R A. Hoc non ignoro, tu modo totum edoceas. SEN. Est hic qui sequitur:

Recipe radicis apij

Petroselini

Fœniculi

Asparagi

Brusci

}
}
}

añ.

unc.

ij.

Seminis Apij

Petroselini

Fœniculi

}
}
}

añ.

unc.

j.

Misce, & omnia decoquantur in lib. x. aquæ & libram unam aceti ad consumptionem medietatis: inde coletur, & cum melle quantum sufficit, fiat syrupus. B R A. Poni ne acetum ut cum aqua bulliat? SE. Pono. B R A. Id non conuenit, sed tunc poni debet, cum fere coctura facta est aliter nihil ferè aceti haberet: una etenim aceti libra in libris decem aquæ ebulliens non persentitur. SE. Ob hoc ægrè persentitur acetum in hoc syrupo. B R A. Cum autè apud aliquos pharmacopolas in suis syrupis huius speciei sentitur acetum, apud alios nō sentitur, Causa est, quia diuersas compositiones sequuntur & diuersis modis agunt. Ego sentiri uoluerim, quia eius officium est aperire, attenuare, resolucere. Quæ omnia excellentius

fiunt, si acetum in compositionibus addatur quàm si desideretur: Dic autem facis^{ne} cum melle aut zucharo? SEN. Nullus melle utitur: sed zucharo. BRA. tamen descriptio tua, quæ passim circumfertur mel recipit. SEN. Verum est: sed nos, ut suauiores faciamus mel accipimus. BRA. Id dicis ac si mel suaues syrupos non faciat: imò ex melle dulciores sunt, & in hoc, mel potius sumi uoluerim, quàm zucharū, quoniā hoc syrupo utimur ad uehementius aperiendum, quàm faciat syrupus de duabus radicibus. SEN. Noui ego pharmacopolas quosdam, qui syrupum de duabus radicibus exhibent, quoties syrupus de quinq; radicibus præscribit. BRA. Hi uehementer errant: nam & si ad eandem intentionem ualeant, tamen hic est magis ualidus, quàm ille de duabus, præsertim quādo additur quātitas aceti sufficiens. Nam quandoq; indigemus parum aperire, quod facimus cum acetoso simplici: quādoq; magis, quod facimus cum illo de duabus radicibus: quandoq; adhuc magis, quod facimus cum syrupo de quinq; radicibus, unde medicus hoc peculiare in se habere debet, at ad unam intentionem debilia, fortiora, & fortissima per gradus habeat, et immutare sciat: nec uim naturæ faciat si uoluerit ab extremo ad extremum sine medio progredi. Cū autem per media conuenientia trāsit, naturæ satis facit, & nullus error fieri potest. Alij tamen pharmacopolæ sunt, qui alium syrupum faciunt ex quatuor radicibus, & illum pro syrupo de quinq; radicibus parāt. Ipsum autem in libro quodam suo inueniūt, qui Lumen apothecariorum appellatur sub nomine syrupi de radicibus magistralis, cuius compositio hæc est:

Recipe radicū apij

Fœniculi

Petroselini

Endiuie

añ. m. i.

Seminum Apij

Fœniculi

Anisorum

Ameos

Asparagi

Aceti boni

añ.

unc.

se.

libras duas.

Omnia præter acetū in lib. xx. aqua bulliāt usq; ad perfectam coctionem, deinde coletur, & colaturæ addantur mellis purificati lib. iij. & acetū prædictū, & ad perfectam coctionem decoquantur. SEN. Rari sunt qui hūc syrupum faciāt. BRA. Aliqui tamen non desunt. SE. Quē debeo ego pro syrupo de quinq; radicibus paratū habere? BRA. Ego eum parare, quem tu paras, sed cum melle potius, quā zucchero. SEN. Accipiendæ sunt integre radices in isto, an sola caro? BRA. Caro sola, præterquā in apio, cuius radicem integrā ut plurimū sumimus, tum quia parua, tum quia medituliū tenellum est. BRA. Cū is à medicis syrupus de quinq; radicibus præscribit, eum facito qui in medio descriptus est, in quo radices, & semina ponuntur: suaderemq; ut pro qualibet syrupi libra quatuor saltē aceti uncia poneretur, si quis plures addere uoluerit. Sed ad bisantinū syrupū ueniamus, qui & ipse in ordine horū aperientū syruporū, & qui acetū recipiunt, existimatur. SEN. Est Mesue syrupus. BRA. Nullum alium auctorē legi (præter Mesuen)

qui illum describeret. In frequentissimo usu est per totā Italiā, in materiis crassis, glutinosis, & in magnis obstructionibus, & præsertim ubi materia atra biliosa est ut in quartana febre. Sed tu eius descriptionem enarra.

SEN. Ita ad uerbum ex Mesue colligitur ut ego dicam.

Recipe succi endiuie

Apij } añ lib. ij.

Luporum

Boraginis uel Buglossæ aut da- } añ lib. j.
mestice aut sylvestris.

Bulliant bullitione una, & despumantur, ac depurentur. Tunc ex hoc depurato accipe libras iiij. zuchari Tabar zeth libras ij. semis, & coquantur cum facilitate donec fiat syrupus, hic est syrupus Bisantinus Mesue. BRAS. Non ne & acetum ingreditur? SEN. Non ingreditur in hoc qui sine aceto est. Si autem cum aceto facere uolueris, Mesue docet ad omnem partem depurati succi addendum esse aceti boni clari, partem semis, & tunc bisantinus cum aceto appellatur, sed hi ambo, & hic qui cum aceto est et ille qui sine aceto dicuntur bisantini absque additione. BRA. Additionem addas, ne quicquam omitatur, quod nostrum examen effugiat. SEN. Additio hæc est, ut in predictis succis bulliant

Syrupus bisantinus cum aceto.

Foliorum rosarum

unc. ij.

Liquiritiæ

unc. se.

Spicæ

3. ij.

Anisi

Pœniculi

} añ.

3. iij.

Seminis Apii

Nihil aliud additur. BRA. Hæc ferè sunt alter Sy-
rupus. Sed quomodo hæc ponis? SEN. In succis ebullire
facio usq; ad ebullitionem illam, deinde percolo, & cla-
rifico, deniq; acetum addo. BRA. Hoc autè mirum est,
in hac urbe esse qui cum additione ista, & qui sine ad-
ditione parent. Ego suaderem, ut cum additionem fieret:
nam hic syrupus in aperiendo enim excellere dicitur, qui
de quinq; radicibus est. SEN. Libenter abs te ordinem
precedentium syruporum in aperiendo haberem. BRA.
Talis erit ordo, ut inter omnes nuper enumeratos pri-
mus in aperiendo sit,

Acetosus simplex.

Postea de duabus radicibus sine aceto.

Tertio, de duabus radicibus cum aceto.

Quarto, de quinq; radicibus.

Quinto, bisantinus sine aceto.

Sexto, bisantinus cum aceto.

Bisantinus autem, uel cum aceto, uel sine aceto sit,
cum additione semper fieri debet. Tamen de bisantino
sine aceto dubium fieri posset, an illum de quinq; radicia-
bus superet, in quo acetum ingreditur: acetum autem ad
aperiendum plurimum facit: propterea absolute dicen-
dum est, syrupum de quinq; radicibus, Bisantinum sine
aceto superare. Tamen Bisantinus sine aceto nunquam
dari debet, nisi in eo casu, in quo acetum noceret, & re-
liqua quæ syrupum ingrediuntur, cõuenirent. Sed et in
hoc casu nec syrupus de quinq; radicibus, nec acetosus
compositus cõueniunt. SE. Quo agritudinis tẽpore ex-
hiberi debet hic Bisantinus syrupus? nempe recẽtes post

Septimum diem propinare solent. BRA. Vt suprà edocui-
 mus, non adsunt statuta syruporū tempora: sed ægri-
 tudo & materia, & ægri affectio ea sunt quæ hunc uel
 illum syrupū uocant: unde quocunq; tempore eo indige-
 mus, dandus est etiā si ægritudo inciperet. Tamen raro
 accidit quòd in principijs eo indigeamus, propter hoc
 recentes, in principijs à Bisantino abstinendum esse di-
 cunt, quod absolutè dicere nō licet. In magna etenim ob-
 structione ab hoc incipere cōueniet. Inquit accipiendum
 esse boraginē, uel buglossam, syluestrem, uel domesticā.
 Hoc à Mesue positum non est, sed ab interprete additū.
 Mesue tantum boraginem scripsit, eius autem interpres
 ignorabat boraginē esse uerum buglossum, sed de hac re
 in examine simplicium locuti sumus. Illuc recurras, ne li-
 brum libro misceamus. SEN. Dicitur à Mesue, Accipe
 eius depurati libras quatuor, zuchari Tabarzeth libras
 duas & semis. Qualis est horum uerborū sensus? BRA.
 Intellige pro singulis quatuor libris succi depurati, duas
 libras & semis zuchari accipiendas esse. Vnumq; addo,
 Mesue intentionem esse, ut nunquam maior copia huius
 syrupi fiat, quàm sint quatuor libræ succi, & duæ et se-
 mis zuchari. Nempe Galenus in Theriaces compositio-
 ne docet, nunquam autorum compositiones augēdas esse,
 aut minuendas, quando per certam & statutam mensu-
 ram & per certum pondus scriptæ sunt: ideo laudarem
 ut singulas compositiones in sua quantitate parares: ne-
 minem tament in syrupis cogerem ut hāc regulam serua-
 ret, sed in aliquo antidoto, & maiori pharmaco, non so-
 lum suadens, imò cogerem. Vnde Venetorum Theriacam,

¶

& Mithridatum nihil facio, etiā si uera simplicia ha-
 berent: quia secundum Andromachi quantitātē & alio-
 rum autorū non parāt: sed Adeo multiplicant ut lacus
 harum compositionum una uice parent. Ad rem autem
 nostram redeūtes, quid intelligis tu per unam ebullitio-
 nem? SE. Quod cum bullire cœperit, ab igne dematur:
 unde ex hoc infertur parum ebullire debere. BRA. De-
 ciperis bone uir, et tecū multi: quia illa uerba integram
 ebullitionem notant: sed illud semel fieri, non autē quod
 ebullire facias, postea frigescat: & deinde iterū bulliat
 sed continuo bullire oportet, quoad spumam fecerit, &
 depuratum sit. Scitoq; zucharū Tabarzeth esse zucha-
 rum album: quippe Mauritanī albū Tabarzeth appel-
 lāt. Est autem album zucharum id quod bene expurga-
 tum & excoctum est, non tamen quod uulgò finum uo-
 camus: sed quod alijs præcedētibus purgationibus adeo
 depuratum sit, ut album euaserit nondum tamen extre-
 mam manum accepit & finum effectum sit. Scito etiam,
 quod à Mesue dictum est ebullire cum facilitate, id in
 omni syrupo intelligendum esse, quia uehemens ebullitio
 spumam ingentem excitat, & perfecte confici non sinit.
 SEN. Vrum à te scire percipio, quare hic syrupus bi-
 santicus, aut Dinari nuncupatus sit. BRA. Id est nomē
 eius syrupus Bisanticus, sed interpret parum bonus qui
 in nomine deceptus est, uertit Dinari, quia Bisantium
 genus monet & est, ac si dicatur syrupus qui moneta di-
 gnus est. Re autē uera hæc inscriptio ita intellectu ua-
 na est: sed potius hoc, coniectandum à loco appellatum
 esse syrupū Bisantinū, id est quo medici Bizantini ute-

H

bantur. intelligo autem per Bisantium non Costantino-
 polim quæ in Asia est, sed Bizantiū in Aphrica: quamvis
 hoc Bizantium non Byzantium scribendum sit, & sic
 apud Pliniū legitur in castigatis codicibus. Mesue enim
 Aphricanus fuit, & proprie Damasceus, uel forte ab
 aliquo Græco Constantinopolitano hanc compositionē
 habuit, propterea Bizantium, id est Constantinopolita-
 num syrupum appellauit, utpote quem à Constantino-
 politano autore habuit, Quicquid tamē sit, de nominibus
 multum sollicitos esse nō est opus, modo rē ipsam cogno-
 scamus. Dic autē tu, si intra annū hic syrupus deficeret,
 quomodo eum reparabis, quia succos non habebis? SE.
 Nos magnā copiā facimus, & succos seruamus, si forte
 fortuna deficeret. BR A. Quomodo succos seruare po-
 testis? SE. Factis succis, eos pcolari dimittimus, quibus
 optime percolatis, fecem abiicimus, postea per densum
 linteum descēdere facimus, deinde in uitreatum uas po-
 nimus cum bene depurati sunt, & oleum supra ponētes
 seruamus. BR A. Miror, quod breui non corumpantur.
 SE. Imō corumpantur, sed non ita breui. BR A. quāto
 tempore durat? SE. Per spatium sex aut octo mensium.
 BR A. Hoc nihil est, nam opus erat saltem per integrū
 annum seruare. Vidi ego nonnullos, qui ebullire faciunt
 deinde seruant. SEN. Et hoc modo cito putrescere de-
 bet. BR A. Cito: propterea in hunc modum fieri suade-
 rem, Expresso succo per stamen bene coletur, deinde per
 densum linteū, postea soli per XV. dies exponatur, de-
 inde iterum percoletur, & in uitreū uas recondatur,
 oleo tamen supra posito, & uasis ore optime obturato.

Itaq; per annum, & etiam diutius perdurabit. Omnesq; succi modo parati colorem quendam subrubrum faciunt, colori granatorum similem, & viridem colorem quem in principio habebant, amittunt. Rosarum uero succus uini specie refert. Scito tamē aliquos succos esse, qui citius corrumpuntur, ut succus apij, fœniculi: alios qui tardius. S E. Post annum, hi succi si seruentur, sunt ne boni? B R A. Eos non laudo, sed ipsis abiectis nouos para. nempe tractu temporis semper uires amittunt: imò si fieri posset, semper eis recentibus uti deberes. S E N. In hunc ordinem syruporum aperientium, & acetum recipientium, syrupus acetosus Diarhodon esse uidetur. B R A. Nescio unde hic syrupus nomen Diarhodon sortiatur. S E N. A' rosis, quæ ipsum ingrediuntur. B R A. Eadem rosæ syrupum Bisantinum cum additione ingrediuntur, tamen non appellatur Diarhodon. S E N. Verum est, sed rosæ nō ingrediuntur Bisantinum sine additione. B R A. Quid ad rem? Nulla ratio est, cur potius de rosis, quàm de endiuiâ uel fœniculo, uel apio nuncupetur, quæ in maiori copia hunc syrupum ingrediuntur. S E N. Quomodo igitur appellandus est? B R A. Voluerim potius, quod appellaretur syrupus acetosus Diachylon. S E N. Cur Diachylon? Derideremur, quia Diachylon ceroti genus est, non syrupus. B R A. Et tu hos ignaros deridebis, qui nesciunt chylon succum significare. Cum autē multi succi hunc syrupum ingrediantur, conueniens est ipsum acetosum Diachylon, id est de succis appellare. S E. Etiam Bisantinus succos recipit. B R A. Verum est: sed non tot & ille suum nomen habet. Tamen Mesuen considerans,

sententiam mutō: nam Mesue post hunc Syrupum, alium ex puris succis facit, quem acetosum de succis herbarum appellat. Ideo hunc potius diarhodon, quā diachylon appellato. SEN. Quomodo hoc fiet, si rosæ in minori copia ingrediuntur? BRA. Conueniens est de rosis appellari, quia nihil per se solum in maiori copia hunc Syrupum ingreditur, quā rosæ. Si enim ipsum de endiuia nuncupabis, à te petā cur magis de apio nō dicitur? quia tanta succi apij copia, quanta endiuie ingreditur: Eadem est ratio, si à fœniculo denominare uolueris: sed nihil est in tota compositione, quod per se solum in maiori copia sit, quā rosa, ideo à rosis denominatur, & ita etiā placuit auctori. Nunc uerò eius compositionem in medium afferas. SEN. Hæc est quæ sequitur:

Recipe succi endiuie

Apij

Radicum fœniculi

Apij

Endiuie

Rosarum

Liquiritie

Spice

Anisi

Fœniculi

Seminis apij

} añ. lib. ij. se.

} añ. unc. ij.

unc. j.

unc. se.

3. ij. se.

} añ 3. vij.

Proijce super hæc aquæ dulcis libras sex, & decoque usque ad consumptionem duarum partium, & cum tribus libris zuchari et duabus aceti fiat Syrupus. Sed dicas ad quos affectus ualet? BRA. Ad ingētes obstructions, ad

hydropē, ad antiquas febres & atrabilarias. SE. Eas dē
 igitur vires cū Bisantino habebit. BRA. Nō modo eas
 dem, sed multo maiores. Ideo in ordine aperientium Bi-
 santinum cum aceto etiam excedit. SEN. Reperitur ne
 alius syrupus, secundum hunc ordinem, qui hunc in ape-
 riendo superet? BRA. De alijs suo loco dicemus, nūc au-
 tem id scito, illum de succis herbarum, quem Mesue de-
 scribit, hunc excedere, quem in usum reduci uoluerim,
 quum nūc non sit, tamen optimus est. Sed quomodo hūc
 acrem Diarhodon paras? SE. Omnia simul misceo cum
 aqua, ut bulliant, & usque ad consumptionem duarum
 partium ebullire sino. BRA. Quomodo intelligis dua-
 rum partiū, ex tribus, an ex quatuor? SEN. Ex tribus.
 BRA. Bene sentis, quia si dixisset ad consumptionē triū
 partium, opus esset intelligere ex quatuor: quia semper
 propinquior diuisio fieri debet, nisi expressa partium
 mentio & diuisionis facta sit. SEN. Post cocturam ex-
 primo, & in expressione zucharum & acetum pono,
 ebullire faciens, quousque ad syrupi formā reductus sit.
 BRA. Ponis ne omnia simul eodem tempore ut bulliāt?
 SEN. Pono. BRA. Hoc agendum non est, sed rosæ, &
 spica struanda, quæ tam longam decoctionē non patian-
 tur quin vires amittāt: et primo sunt rosæ, deinde spica
 in fine decoctionis addenda. SEN. Ita deinceps agam.
 BRA. Nō ab re erit frigidiori uino labia abluere. SE:
 Ut lubet fiat. BRA. Eia postquam os ablutū est, ad in-
 termissum negotium reuertamur. SENEX.

Syrupū de pomis post prædictos scripsimus. BRA. Syrupus de
pomis.
 Quem de pomis? SEN. Et simplicem, & eum qui

H iii

inſcribitur Sabor. B R A. Simplicem primo tractemus.

SEN. A¹ Meſue deſcribitur, pro cordis tremore, et eius debilitate, ad confortandum, & quando ſyncopin patitur, et habet ſuſpiria, & ſuſpiria luctuoſa. B R A. In omnibus ſere cordis affectibus, ab atra bili pendentibus conuenit. SEN. In hunc modum fieri docet Meſue:

R Ecipe pomorū dulcium & acetoſorū, ana lib. v. Coquatur hic ſuccus, uſq; ad cōſumptionē medietatis, & poſtea per duos dies dimittatur quouſq; clareſcat, deinde coletur, & cum tribus libris zuhari fiat ſyrupus. Hic eſt ſimplex ſyrupus de pomis. Meſue dein de ſequētia uerba addit: Sunt qui in ſucco ſetam tinctam in chermes ſubmergant, & hoc eſt ante depurationem ſucci, & per tantū temporis ibi tenetur, quouſq; rubeat, & recipiat uirtutem tincturæ, tūc enim excellentior eſt, & magis confortat. B R A. Addis'ne tu ſetam tinctam in chermes? SEN. Addo, & ita faciunt omnes pharmacopola. B R A. Verum eſt, ſed magno errore, nam ſeta in Chermes tincta multū aluminis recipit, & aliarum rerum cordi aduerſantium. Ideo hæc ſeta addenda non eſt, ut etiā ſuperius in ſyrupo de corticibus citri docuimus. Ideo non eſt addenda eiufmodi ſeta, præſertim quia à Meſue non additur: ſed aliquos addidiſſe refert. Si autem hanc ſetam imponere cupis illam ita para, ut in ſyrupo de corticibus citri edocuimus. SEN. Potius dimittam. B R A. S. Dimittas, quoniam modicam imò nullam ſpem habeo in ſeta, & in Chermes. Dic autem quæ poma ſumis pro parando ſucco? SEN. Et dulcia & acida. B R A. Quomodo uulgo appellantur hæc pomorum

genera quæ tu sumis? S E N. Nomina ignoro: sed eo in
 forum, & poma gusto, quæ illuc uendenda portantur: si
 dulcia sint, p dulcibus emo: si acria, pro acribus. B R A.
 Hoc minus malum est, quam ea sumere quæ ab Arabum
 imitatoribus sumuntur: ea enim sumunt quæ ipsi muza,
 id est medij saporis sua lingua apellant: sed Mesue ex
 utroq; genere & acri & dulci sumenda censet: nec im-
 meritò, quia dulcia odorata sunt, et cor roborant: acria
 putredini aduersantur. S E N. Quendam medicum au-
 diui, qui hunc syrupum ex acidis pomis fieri debere pro-
 fitebatur. B R A. Ego etiam audiui: sed longe decipieba-
 tur hic uir: nam ex acidis pomis factus syrupus aliã in-
 tentionẽ habet, ut ex Serapionis Antidotario sumi po-
 test, ubi ipse hunc syrupum ex acidis malis factum de-
 scribit: nec dicit passionibus cordis succurrere, sed uen-
 triculum, atque uentrem roborare, & uomitum ex bile
 remouere, & sitim auferre, & eam sedare, nihil autem
 de corde ponit. Cordi uerò odorata conueniunt, ut Ga-
 lenus in libro de simpliciũ medicamentorum facultati-
 bus docet. Imò Auicenna V. lib. sui canonis syrupum de
 pomis muzis, id est medij saporis describẽs, nõ dicit ua-
 lere cordi, sed ad debilitatem uentriculi, & pulsũ oris
 uentriculi ex caliditate, et uomitum cholicum absin-
 dit, et sitim. Nulla autẽ. ratio est cur passionibus cordis
 non succurat, nisi quia dulcia poma odorifera nõ sumit,
 quæ enim inodora sunt, ut acria poma, cordi nõ succur-
 rūt, uel parũ agūt, ut modicus est odor. Imò quia Mesue
 deinceps de syrupo acetoso de pomis tractabit, quem di-
 cet cõfortare stomachum et cor et sitim sedare. Si quã

H iiii

doq; illum parare uolueris, poma dulcia & acria sumere debes: quia ratione dulcium odoratorum cordi succurrit: ratione acrium uentriculo. Illi igitur aberrant, qui uel muza poma, id est medij saporis, uel acria accipiunt: sed ob cor odorata poma et dulcia sumenda sunt, & acria per se. Imò suaderem ut maior copia dulcium, quam accidorum sumatur. Nam & paulus Aegineta, hydromalum facit ex pomorum succis, & poma dulcia tantum recipit. SEN. Dic tu quæ poma sumenda sunt? BRA. Multa genera dulcium pomorum sunt & acidorum: uoluerim ego ut ex dulci & odorato fieret, qualia sunt ea poma, quæ nos piola quasi appia uocamus: & illa etiam quæ Rosa ob colorem, & fragrantiam nuncupamus: suaderemq; ut pro acidis pomis ea sumerentur, quæ Musona uulgo dicimus, in mammarum formam oblonga & magna. SEN. Sunt ne antiqui de hoc syrupo locuti? BRA. De hoc præcise nunquam tractarunt, sed de facto ex pomorum succis. Nam Paulus Aegineta libro VII. capite. XV. de hydromalo loquens, ex succo cydoniorum facit: postea in fine illius partis inquit esse nonnullos, qui hydromalon ex malis dulcibus similiter composuere. Est autem compositio antiqua talis: Malorum concisorum purorum libras quinque in aqua fontis sextarijs decem tantundem elixato, donec unum corpus reddatur, postea refrigerato, & colato, & mala proijce expresso cremore: quam uero metiēs mellis quantitate dimidiam admiscero, & rursus assidue despumando donec octaua pars euanescat decoque. SEN. Cur melle usus est Paulus? BRA. Quia antiquiores zuchæ

Hydromalum

ro carebant. SEN. Nunc redit in mentem. B R A. Erat
 & alter modus à prædicto, succi malorum dulcium mū-
 dorum contusorum sextarios duos coquito despumans
 usq; ad tertias, omniaq; una uice simul mixta sint. SEN.
 Quæ compositio tibi magis apta uidetur, hæc Pauli, an
 illa Mesue? BRAS. Antiquas compositiones nunquam
 despiciere auderem: tamen ut ingenue suas laudes uni-
 cuique tribuam, factò ambarum periculo, Mesue com-
 positio aptius succedit: sed & illa Pauli aptior uenit,
 si loco mellis Zucharum acceperit: Vnde si hanc Pau-
 li mensuram sequaris, & ex Zucharo parabis, aptiorem
 syrupum inuenies. Ob hæc autem suadeo ut in syrupo
 de pomis Mesue maior pars si dulcium & odoratorum
 pomorum, minor acrium. Appellatur autem syrupus de
 pomis simplex ad illius differentiam, qui Sabor dicitur,
 est enim si compositus, tamen cum simpliciter syrupus
 de pomis ordinatur, absq; aliquo addito, hic intelligen-
 dus est ille autē qui Sabor, dicitur nunquam nisi per eius
 nomen exprimat̃ur intelligitur. Verum quia differentiam
 uideo inter pharmacopolas in componendo hunc syru-
 pum sabor: propterea dic tu quem paras, ut eius compo-
 sitionem iusto examine perpendere possimus. SE. Illum
 paro qui à Mesue in cura manie & melancholie san-
 guinea describitur, ubi inquit: Sabor rex Medorum sy-
 rupus cōferens manie et melancholie ex adustione cho-
 leræ, cuius descriptio subsequens est:

Syrupus de
 pomis Sa-
 boræ

Recipe succi Buglossæ domesticæ } añ lib. ij.
 siluestris }
 Succi pomorum dulcium redolentium lib. iij.

Folliculorum senæ	unc.	iiij.
Croci	3.	ij.
Zuchari tabarzeth	lib.	ij.

Fiat autem sic: Sena projiciatur in succos per diem & noctem, post contritionem eius: deinde bulliant ebullitione una, aut duabus: deinde cum zucharo fiat syrupus: Crocus autem confricetur in panno in eius decoctione. Haftenus Mesue. BRA Hic est uerè syrupus Sabor. sed nonnulli pharmacopolæ Ferrariæ pro hoc Sabor decepti alium faciunt, in quo & poma ingrediuntur. SEN. Eum edoceas (ni tibi molestum sit.) BRA. ille est, quem Mesue in capitulo de soda Frigida ab humore melancholico describit. Est autem syrupus Mesui Iuhe, qui multum ualet in quartana & in omni ægitudine melancholica, & oppilatione splenis: unde non multum differt ab illo Sabor in intentione, sed bene in compositione. Decipiuntur autem putantes esse syrupum Sabor, quia principium illius capitis incipit. Sabor heben Girges. SEN. Quæ est huius syrupi descriptio? BRA. Si placet referam. SEN. Placet. BRA. Hæc est quæ subsequitur:

Recipe capillorum Veneris

Radicum Buglossæ domesticæ	}	añ.	unc.	j.
Syluestris				
Florum earundem				
Polypodij				
Epitimi	}	añ.	3.	vij.
Foliorum Senæ				
Camomillæ				
Stichados				

Chamedryos

Schoenanchi

Hellebori nigri

an. 3. iij

Fumi terræ

3. vij.

Eupatorii

3. iiij.

Succi pomorum dulcium. Contextus communiter le-
gunt 3. viij. Sed legi debet unc. viij.

Itaq; legit contextus meus antiquus, omnia præter Epi-
thymum, & succum pomorū. In libris tribus aquæ bul-
liant, usq; ad duas: deinde epithymus in eo bulliat ebul-
litione una, & coletur, & cum succo pomorum, et dua-
bus libris zuchari fiat syrupus. SEN. Hic syrupus certe
laudabilis est. BRA. Tamen præscriptum Sabor nun-
cupatum facere debes qui in roborando corde plurimum
ualet, præsertim cum atra bile afficitur, SE. Quam zu-
chari quantitatē in syrupo de pomis sabor ponere oportet?
BRA. Diuersæ descriptiones diuersa pondera ha-
bent, in summa autem zucharum sit libra tres, ut supe-
rius annotasti, & crocus 3. ij. Ideo semper eodem modo
facito nam cōpositio exquisita euadet. Dic autem quod
à Mesue in fine additur, Crocus autem confricetur in
panno in eius decoctione, quomodo hoc intelligis? SEN.
Nos crocum in lineum pannum ligamus rarum, & ebul-
lire facimus. BRA. Optime agis, sed opus est lineū pan-
num, in quo est, fricare, ut crocus simul confricetur, &
subtilior pars exeat, crassior autē abijciatur: imò si actu
subtilissimè puluerizatus esset, in decoctionem ponere
non uerrerer, ut non solum uires, sed & ipsemet actu in-
grederetur. Nunc ad alios syrupos accedamus.

Syrupus de
agresta.

Syrupus de agresta accedit. BRA. Præstans est, atq; optimus in magnis æstibus ad leuandam sitim, et inflammationes tollendas, dandusq; est non solum ægris, imò & sitientibus sanis: inflammationi uentriculi plurimum ualet, & quando bile plenus est, & in biliosis febribus, & in uomitu ex bile: ualet etiam ad uomitum prægnantium, & ad earundem uentriculos, qui superfluitates facile recipiunt: ualet et ad malatiam prægnantium, quam Græci κίτταν uel κίῶσαν, nos picam dicimus. Venenis etiam obstat, propterea mirus syrupus est, qui etiam in crassiusculis materiis ob incisionem exhiberi potest: sed dic quomodo illum paras. SEN. Eodem modo quo syrupum de acetositate citri, nam accipio succi uuae omphacinæ libras xij. & in uitreato uase ad cōsumptionem tertiæ partis super prunas, igne lēto, & cum facilitate decoquo: postea percolo, & dimitto, quoad clarificetur, & ex eo quod clarum est libras vij accipio: & libras quinque iuleb clarificati & depurati addo, id est zuchari clarificati libras quinque, & coquatur donec inspissetur. Si uerò æstas fuerit, dimittatur in sole donec eius aquositas consumetur. BRA. Fieri non potest nisi in æstate, quia hoc tempore solum & uinum omphacium, & uua omphacina habentur. SE. Imò illo modo fiet. BRA. Eodē præcisè modo paras, ut ille de acetositate citri paratur. SE. ita est, Sed miror, quod apud antiquos hic syrupus non inueniatur. BRA. Imò inuenitur, sed (ut diximus) zucharum non habebant, propterea ex melle cōfecere. Paulus lib. VII. cap. XV. de omphacomeli tractat,

Omphaco-
meli,

est autem compositio ex uino omphatio & melle confecta, secundum mensuram ferè à te citatam. Quippe in mensura parum differunt. SEN. Quomodo facit suum omphacomeli Paulus? BRA. Audies, inquit, Accipe succi omphaciæ, id est uue immaturæ sextarios tres, mellis sextarium unum, & per XL. dies soli exponatur, aut igne decoquatur. SE. Certè parua differentia est inter utroque, nisi in positione mellis & zuchari, in mensura autem rerum parua est. Numerat autem Paulus dies expositionis ad solem, qui à Mesue non numerantur & reuera numerari non possunt, quia in aliqua æstate magis æstuas sol plus consumit, quàm in alia in qua sol non ita æstuabit, ideo aquositas citius una æstate quàm alia consumitur. SEN. Nos semper igne lento paramus. BRA. Ita etiam conuenit, sed solis calor magis uniformis est, ideo antiqui, ut plurimum soli exponentes parabant, quamuis nonnunquam ad ignem coquerent, præsertim cum æstiuum tempus pluuiosum erat: quod tamen raro accidit. Ideo mihi magis placet quod tempus expositionis ad solem præfixum non sit, sed tandiu insoletur quandiu aquositas exicetetur. Tria autem à te scire cupio. Primum est, quam uua omphaciam accipias. Secundum, quo tempore colligas. Tertio, an illico exprimas. SEN. His tibi satisfactum iri conabimur. De uua omphacia respondemus nos electionem non habere, sed eam agrestam sumere, quæ præsentatur. BRA. Hoc non conuenit, sed id omphacium sumere oportet, cuius matura uua qualitates, quæ syrupo attribuuntur, magis habet: Propterea sumendum est omphacium albæ uuæ, quam nos uulgo albanam uocamus.

SEN. Ita deinceps faciam: colliginus autem in mense Iulij. BRA. In principio, an in fine? SEN. In fine. BRA. In Iulij mensis medio colligenda est, antequam sit initium maturitatis, & cum iam habet succum: in hoc enim medium seruare oportet, ne deflorescentia multum propinqua sit, uel maturitati. SE. Hoc non obseruabamus. Omphacinam uiam uero à uite demptam per duos dies seruamus, postea, exprimimus. BRA. Et hoc agendum erat, ut superflua quedam humiditas resolveretur. SE. Nescio autem an cum garyophyllis condire debeam. BRA. Ego cum nulla re condirem: uidi & qui cum mirobalanis condirent, tamen suaderem, ut simpliciter fieret, quamuis & Auicenna in v. lib. sui canonis duas Garyophyllorum drachmas simul misceat, & sine zucharo faciat: uel si tu dulcorare uolueris, zucharum addas. Quem syrupum etiam describit Serapio, sed nos Mesuen imitatur, ut pote cum qui syrupum paret omphacomeli antiquorum propinquissimum. Quomodo autem omphacina uia exprimi debeat, omnibus etiam mulierculis notum est.

S E N E X.

Syrupus de
fumo terræ.

DE hoc satis dictum arbitror, Ad syrupum de fumo terræ ueniamus. BRA. Cum duo sint de fumo terræ syrupi, maior & minor, utrosque ne paratis, an unum solum? SEN. Vnum, maiorem scilicet. BRA. Nec immerito, quia is obstructions uentriculi, & hepatis magis aperit, & hæc membra magis roborat, et cutis morbos sanat, a falsis & adustis humoribus dependentes, quales scabies, impetigo, serpigo, lepra, morbus Gallicus ita nunc appellatus, quam ille qui de fumo terræ minor

est. Nunc eius descriptionem assigna. SEN. Hæc est quæ
sequitur, à mesue ad uerbum accepta:

Recipe Mirobalanorum Citrinorum
Chebulorum an. un. xx.

Florum boraginis uel buglossæ Violarū
Absinthij } an. unc. j.
Cuscutæ }

Liquiritiæ } an. . unc. se.
Rosarum }

Epithymi } an 3. vij.
Polypodij }

Prunorum nu. c.

Passularum enucleatarum lib. se:

Tamarindorum } an. unc. ij.
Cassie fistulæ }

Hæc omnia bulliant in lib. x. aquæ, quousq; deueniant ad
libras tres, & cum succi fumi terræ cocti & depurati,
& zuchari ana libr. iij. Fiat syrupus decoquendo quo-
usq; eius formā acquisiuerit. BRA. In hoc syrupo præ-
parando ordinem simplicium ingredientium potissimum
considerare oportet, ratione ebullitionis, quoniā aliqua
maiores, aliqua minores decoctionem patiuntur. SE.
Nos omnia simul una uice miscemus, et ebullire facimus.
BRA. Error grauissimus est. SE. Tu ergo ordinem edo-
ceas. BRA. Libenter id faciam. Primo polypodium in-
gredi debet: deinde pruna, passulæ, glycyrrhiza, absin-
thium, postea rosæ, cuscuta, flores boraginis, post hæc
uiolæ, myrobalani, deinde epithymus, denique cassia &
tamarindi: Quæ secundum aliquos ebullire non debent,

quoniam uim raram & debilem nata sunt. Mihi autem magis placet quod in fine iniiciantur, & una uel altera ebullitione bulliant, ut cum alijs cōmedius uniantur, sicut Mesue in capite decoctōis docet. Et dixeris lenitiua bulliendo humiditatē amittere: Respondemus amittere quidem humiditatem accidentalem, non tamen naturalem. Si igitur hunc syrupum parare uolueris, hunc ordinē serua, qui subsequitur, facta decoctione, zucharum aqua fontis clarifica, quo decocto & clarificato, fumi terræ succum adde cum ad cocturam syrupi peruenerit: prædicta autē decoctio pluribus uicibus paulatim addatur, quoad perfectam coctionem habuerit, & hoc modo decoctionis uis non resoluitur: deniq; tamarindi, & cassia iniiciantur, & decoctio in finem ducatur. SE. Deinceps ita agam: sed quosdam audiui qui hūc syrupum rosas recipere negāt, & ubi legitur Ros, ipsi exponunt rase, ut ita sequatur glycyrrhizæ rase. BRA. Hi longe decipiuntur, tum quia in antiquis Mesuæ codicibus legitur rosæ, tum quia dicit una uncia semis. Si autem hæc particula rosæ abesset, legeretur liquiritiæ rase, ana uncia semis, quod absurdum est: nam hæc particula ana de una re sola dici non potest. Deniq; rosæ in hac compositione multum proficiunt, cum ob alia multa, tum ad roborandum, scitoq; boraginis flores sumēdos esse. Interpretes addidit buglossæ: sed de omnibus simplicibus hic positis in simplicium examine abundē egimus. Hic autem syrupus uim compressiuam, solutiua & lenitiua habet, ratione diuersarum rerum ingredientium. SEN. Has res enarra, & statim alium syrupum in medium afferam.

BRA

BRA. Libēter hoc faciā. Ob myrobalanos, tamarindos, & pruna comprimit. SE. Quomodo ob pruna cōprimi-
 mit? BRA. Q uia pruna sumuntur que accidū saporem
 habent: tamen laudarem potius ut dulcia pruna, qualia
 Damascena & Iberica, id est quæ uulgo cathalaunica
 nuncupantur, acciperētur: quia illa atræ bili magis ad-
 uersantur, quàm quæ uulgo sumuntur, et à mense à quo
 maturantur, et colliguntur, augustana appellantur. SE.
 Debent ne sumi uiridia pruna, an arida? BRA. Si uiri-
 dia haberi possint, uiridia sumantur, quia magis leniūt:
 si autē uiridia non habeantur, quando hoc syrupo indi-
 ges, sicca accipito, quia et exiccata leniunt. Ad rem no-
 stram redeunt, ob epithymum, polypodiū, absinthium,
 & terræ fumū soluit. Ob, cassiam lenit, & tamarindos,
 & adde pruna, si dulcia sint. SEN. Q uæ quātitas hu-
 ius sy rupi uentrē soluere apta est? BRA. Si recenter fa-
 ctus si, quatuor uncia solūūt, moderate tamen: si nō ita
 recens sit, et in duriori aluo, sex exiguntur. SENEX.

Quid impedit nunc syrupum de absinthio con-
 siderare? BRA. Duæ descriptiones à Mesue
 fiunt: utram uos paratis? SE. Primam. BRA.
 Eius descriptionem propone. SEN. Hæc est ad uerbum
 ferē quæ subsequitur:

Recipe absinthij Romani	lib:	se.
Foliorum rosarum	vnc.	ij.
Spice	3.	ij.
Vini albi antiqui boni & odoriferi	an. lib. ij. se.	
Succi cotoncorum		

Dimitatur per diem & noctem in uase lapideo, deinde

coquatur cū facilitate usq; ad medietatem, & cum mel-
 lis lib. ij. fiat syrupus expertus & nobilis. Hæc Mesuc.
 BRA. Syrupus est multis nominibus dignus, quippe uen-
 triculum roborat, & prociduo appetitui conuenit, uen-
 triculo debiliori succurrit, & quando intestina mollia
 sunt, ipsis prodest, hepatis debilitatē remouet, præser-
 tim quando hæc a causa frigida prouenerint: imo & in
 causis calidis conuenit si nonnullis frigidis corrigatur:
 sed per uas lapideum quid intelligis? SEN. Nos uitria-
 tum uas accipimus. ex argilla cocta cōfectum. BRA S.
 Quamuis de hac re multa cura non sit, tamen per lapi-
 deum uas marmoreum potius accipere oportet, quam la-
 teritium, aut figulino opere factum: quippe nomine la-
 pidis apud antiquiores figulina non ueniunt: sed ea solē
 quæ in montibus prodeunt. SE. In hoc syrupo rose. spē-
 ca, & ea quæ modicam decoctionem patiuntur, quo or-
 dine poni debēt, quia ante decoctionem omnia simul in-
 fusa sunt? BRA. Scito, & sit tibi alta mente repostum,
 quando infusio per aliquod temporis spatium decoctio-
 nem præcedit, tunc omnia simul infunduntur. Illa uerò
 quæ modicam decoctionē patiuntur, suam uim exhibent
 rebus infusis, & ita in decoctione uis horum seruatur,
 quod non fieret si primo infusa non fuissent, sed ab ebul-
 litione incepiissent. Cū enim bulliunt & non præcedit
 infusio, tunc ordo seruandus est, ut quæ maiorem deco-
 ctionem patiuntur, primo iniiciantur: deinde quæ mino-
 rem: deniq; quæ minimā. Dic uero, paras ne hunc syru-
 pum ex melle, uel zucharo? SEN. Ex zucharo quandoq;
 parauī, sed nunc melle utor. BRA. Non inficior ex zū-

charo fieri posse, sed & autor ex melle facit, & res ipsa
exigit: eo enim in materiebus frigidis solum utimur. Si
autem materia calida sit, frigidis temperamus. Sed dicas
cur alium syrupum de absinthio non paratis, qui à Me-
sue, fit simplex est? SEN. Quia in usu non est. BRA.
Ego quandoq; eo uterer, quia in aliqua hepatis affectio-
ne solo absinthio indigeo, & non alijs rebus, tunc hoc
syrupo uterer. SEN. Deinceps in tui gratiam parabo.
BRA. Imò in egrorum gratiam, quibus conveniet, &
ego ipsum syrupum de absinthio simplicem appellabo.

S E N E X.

Syrupus de mentha succedit. BRA. In syrupo de ab-
sinthio erant duo syripi, quorum primus erat in usu
secundus non est. Contrarium est in syrupo de mentha.
Duo etiam à Mesue scribuntur: sed secundus in usu est,
primus autem non est. Et hoc merito, quia secundum in-
venit Mesue, & probavit, & primo excellentiorem esse
non modo ipse dicit, sed quotidiana experientia compro-
batur. Est autem optimus ad uentriculum, cum frigida
tate peccauerit, & uomitus ac nauseas sanat: singultus
remouet, atque fluxus uentris à causa frigida. In calida
etiam uentriculum roborat: nam ad hoc agendum egre-
gius est, sed eius descriptionem afferas. SEN. Hæc est
quæ sequitur:

Recipe succi Cydoniorum muzorum

Dulcium

Succi granatorum acetosorum

Dulcium

Muzorum

añ. lib. j. se.

Supra hos succos injice menthæ siccae lib. j. se.

Foliorum rosarum 3. ij.

Et dimittantur per diē, & noctem, deinde coquatur cum facilitate usq; ad medium, & cum mellis uel zuchari li. ii. fiat syrupus, & aromatizetur cum gallia. Hæc Mesue. BRA. Cur mentham siccam accipitis? SEN. Non accipimus siccam penitus: sed quæ passa fuerit, ut pote quæ humiditatem quandam superficialē amiserit. BRA. Et eo modo sumenda est. in hoc quoq; syrupo, in his quæ decoquuntur ordo non ponitur, quia omnia simul per diem & noctem infunduntur. Scitoq; cum apud hūc autorem inuenies per diem & noctē, intellige uiginti quatuor horas: cum autem per diem, aut per noctem, intellige duodecim horas. Sed dic, ponis ne tu galliam ut redoleat? quod uos aromatizare nuncupatis? SEN. Vt ingenuē uerum fatear, non pono. BRA, Multi pharmacopole, & Ferrariæ & in tota Italia te sequuntur. Sunt tamen & aliqui Ferrariæ, qui redolere faciunt, & qui galliam muscatam Mesue, semper paratam habēt. SE. Ego deinceps parabo, ne quicquam uel necessarium mihi desit. BRA. Recte quidem ages. SEN. Raræ sunt compositiones quæ menthā recipiant, & sicca esse non debeat. BRA. Hoc nō mirū quia uiridis flatus excitat, qui uentriculum cōturbant & lædunt: sicca autem uim flatuosam amittit: sed exquisitè sicca nō fit, ut superius tu ipse aduertisti. Vnum autem obiter annotare uolo. in aliquibus pharmacorum descriptionibus legi menthæ humide: tunc sola uiridis mentha intelligenda non est, sed & ea quæ in pingui & humido solo uiruerit. SEN. Hoc

mihī summē placet à te annotatum esse. BRA. Hoc tibi addam quando absolute in aliqua compositione mentha ponitur sine aliqua additione siccae, uel uiridis, siccam semper intelligere oportet. Idem iudicium est de hyssopo, & pluribus alijs, quæ suo loco dicemus. Sed unū est, quod in hoc syrupo perpendendum, est succos esse libras septem & semis, puluerem menthæ esse libram unam & semis, uel menthā ipsam quæ imbibet ferè totam succorū quantitatem. Ideo non poterit ebullire usq; ad medium, propterea uel succi augendi, uel mentha sicca esse non debet, ne succos imbibat. S E N E X.

Syrupus de epithymo, post illum de mētha scriptus Syrupus de
epithymo.
est. BRA. Ego hoc utor, magno etiam præsidio in scabie Gallica, in cancris, in area, in scabie, in occultis uulneribus quæ cauernosa, sinuosa, & fistulosa sunt, in lepra, & in uniuersum in omni morbo ex atra bile adusta facta, & simplici atra bile, & bile adusta: qui si in copia sumeretur, egregiè euacuare. SE. Quanta est hæc copia? BRA. Quatuor unciae usq; ad sex. SEN. Eodem modo soluit & syrupus de fumo terræ. BRA. Ille de fumo terræ minus soluit. SEN. Est igitur hic syrupus solutius? BRA. Solutius quidem, quia soluit, sed etiam digerit: propter hoc, quando opus est, ipsum libenter exhibeo, quia simul & soluit, & digerit: quod etiam infusionem senæ facere deprehendimus. SEN. Quæ differētia est inter hunc syrupum, & illum de fumo terræ? BRA. Ille de fumo terræ minus calidus est, & hic de epithymo magis propterea in materiebus calidioribus eo de fumo terræ uti debemus: in minus calidis, illo de epithymo, qui

tamen inter se plurimū conueniunt. Cū igitur adustos humores biliosos esse uideo, syrupo de fumo terre utor. Si autem atrabilarij, aut pituitosi fuerint syrupo de epithymo utor. Nunc autem eius descriptionem considerare mus. SEN. Hæc est que subsequitur à Mesue ad uerbum accepta:

Recipe epithymi boni hortensis	3.	xx.
Myrobalanorum citrinorum		
Indorum	an.	3. xv.
Cuscutæ		
Fumi terræ	un.	3. x.
Thymi		
Calamenti		
Buglossæ		
Emblici		
Bellirici	an.	3. vj.
Liquiritiæ		
Polypodij		
Agarici		
Stœchados		
Rosarum		
Seminis fœniculi	an.	3. ij. se.
Anisi		
Prenorum	nu.	xx.
Passularum enucleatarum	unc.	iiij.
Tamarindorum	unc.	ij. se.
Zuchari	lib.	iiij.
Rob, id est sapæ	lib.	ij.
Fiat syrupus. Hæc Mesue. BRA. In hoc syrupo ambi-		

guitas non mediocris est de ebullitione simplicium, in
 quanta aquæ quantitate ebulliri debeant: equidē puta-
 re nō oportet, Mesuen in duabus libris Rob ebullire vo-
 luisse, quia fieri non posset. SEN. Primo in aqua ebulli-
 mus, & exprimimus: deinde Rob addimus. BRA. Sed
 quantā aquæ quantitatem sumis? nam à Mesue non ex-
 primitur. SEN. Sine pondere accipimus, ut nobis uide-
 tur, et omnia simplicia in tantam aquæ quantitatem in-
 fundimus, quanta sufficit: ut aqua simplicibus superemi-
 neat: itaq; per diem dimittimus, postea decoquimus, &
 exprimimus. BRA. Ergo prius infunditis? tamē à Me-
 sue non dicitur infundē debere. SE. Ita semper facimus.
 BRAS. Et ita semper erratis: quia sine ordine ponitis
 quæ maiorem decoctionem patiuntur, & quæ minorē,
 & quæ ferē nullam, ubi ordo seruandus est. SEN. Mo-
 dum igitur, quo operari debeam in hoc syrupo edoceas,
 ne deinceps errem. BRA. Faciam si aures accommoda-
 bis. BRA. Iam accommodatas habes. BRA. Credēdum
 est hic Mesuen, & aquam, et aquæ quantitatem omisis-
 se, quia supponit sumendam esse, & posse sumi ex ali-
 quo superiori syrupo. Inter prædictos autem syrupos il-
 le de fumo terre maior huic magis affinis est, quā ali-
 quis alter, & hoc non solum uiribus, sed & cōpositio-
 ne. Ideo ex illo per similitudinem aquæ quantitatem su-
 mendā puto. Sint ergo libræ decem aquæ, in qua fiat
 decoctio, adeo ut tres libræ remaneant Ordo autem re-
 rum quæ ingrediuntur hic sit, ut primo polipodium &
 agaricum ponatur, deinde pruna, passule, glycyrrhiza,
 foeniculi, anisa, stachas fumus terre ingrediatur: postea

ea rose, cuscuta buglosa. Inde. Myrobalani absque nucleis: denique epithymus. In una autē decoctionis parte tamarindi dissoluantur, & zucharum cū Rob positum bulliat, et cum fuerit ad spissitudinem mellis decoctio paulatim addatur, et in fine inijciantur tamarindi in illa decoctionis parte dissoluti, & una uel duabus ebullitionibus bulliant ad spissitudinem syrupi: nempe tamarindi parum bullire debent. S E N. Quid intelligis per unam uel per duas ebullitiones? B R A. Tibi nunc aperiam: puto autem te scire cur simplicia ebulliamus. S E N. Nec istud perfecte scio. B R A. Per ebullitionem, simplicium uires excitantur, & melius in liquorem in quo decoquantur, suas uires imprimunt. Apellatur autem una ebullitio, cū ebullire incipit, quousque simplicia sursum et deorsum semel reuoluātur. Cū uerò bis, duæ ebullitiones sunt. Vnde cum tamarindos inijcis, tali hora inijcito quod una uice agitando, aut ad summum duabus syrupus decoctus sit. S E N. Mesue dicit hunc syrupum ualere ad Saphati, per hoc uocabulum quid intelligere oportet? B R A. Id quod Greci dicunt ἀχόρεας. Vides igitur eos qui dicunt quindecim libras quæ sumendas errare. S E N. Cur hortensem epithymum accipit? B R A. Quia syluestris et mōtanus nimis sicci sunt. Sed non querimus tantam siccitatem, quia materiebus adustis aduersari debet.

S E N E X.

Syrupus de
eupatorio.

Igitur syrupū de eupatorio examinare incipiemus. B R A. Si eius descriptionē propones, de illo statim loquemur. S E N. Mesue in hunc modum habet.

Recipe radicū apij

Fœniculi } añ. unc. ij.

Endiuia

Liquiritia

Squinanti

Cuscuta

Absinthij

Rosarum

Capillorum ueneris

Bedēguar

Suchaha

Florum buglossæ, aut radicū eius

Anisorum

Fœniculorum

Eupatorij

Raued

Masticis

Spicæ

Affari

Folij

añ. 3. vj.

añ. 3. v.

añ. 3. iij.

añ. 3. ij.

Coque in libras octo aquæ ad consumptionē tertiæ partis, et cum libr. quatuor zuchari fiat syrupus, cum succi apij, & endiuia quātitate sufficenti. Hæc Mesue. BRA. Syrupum excellentem quidem proposuisti: sed talem, qualem nos facturos non credo, est enim optimus syrupus in longis febribus, presertim cum uires concoctrices, & iecoris, & uentriculi corruptæ sunt, et ad hydropi præparantur. Valetq; ad καχεξία, id est malum habitum & ad cacoëthe. Si etiā in uentriculo et iecore flatus sit,

eo dissoluitur. Si hæc membra ualde frigida sint & ferè debilitate confecta, hoc syrupo reficiuntur. Ad tensionem hypochondriorum ualet, & ad dolorem eorundem, & ad confirmatum iam hydropem. Equidem dignus est multis nominibus syropus, sed adeo difficilis factu ut an fieri possit plurimum dubitem, ob simplicium, quæ ingrediuntur difficultatem. SEN. Si omnia simplicia haberentur, quo ordine incederes? BRA. Ordinem continuo seruandū sequeretur, ut primo quæ maiorem decoctionem sustinent, misciantur: deinde, quæ minorem: denique quæ minimam. SEN. Modum enarra. BRA. Primo ramos apij, endiuie, bedeguar, & suchaba ingrediantur. Secundo anisi semen, & foeniculi. Tertio squinantium: Quarto absinthium & eupatorium. Quinto mastiche. Sexto assarum. Septimo spica. Octauo cuscuta & flores buglossæ, & capilli ueneris. Nono raved, & hoc sit in fine decoctionis, quoniā hoc per uiam infusionis potius, quā per uiam decoctionis poni debet, ut magis operetur. SEN. Tum ordinem iam accepi, sed mirum est cur hic syropus de Eupatorio dicatur, cum minimam portionem Eupatorii recipiat. BRA. Verum dicis, tamen quia omnia alia simplicia alios syrupos ingrediuntur, ab Eupatorio denominationem accepit, tanquam ab eo quod syroporum compositiones raro ingreditur. SEN. Quæ sunt illa, quæ in hoc syrupo parando tibi difficultatem pariant? BRA. Ab eo quod syrupo nomē dat, incipiam, Eupatorio inquam. Quid pro eupatorio sumis? SEN. Eupatorium uulgare non accipio, sed id accipio, quod uulgo agrimonium uocatur. BRA. Equidem in omni-

bus antiquorum compositionibus quas Eupatorium in-
 greditur, si ex antiquis sumptæ sint, agrimonium uulga-
 re accipere conuenit, & tu id agens optimè facis: quia
 (ut in examines simplicium late patet) eupatorium anti-
 quorum, est nostrum uulgare agrimonium. Tamen ubi
 Mesue eupatorio ponit, dubito an agrimonium sume-
 re debeas, quia Mesue eupatorium ab antiquorum eu-
 patorio diuersum esse uidetur. In Mesue autem compo-
 sitionibus, Mesue simplicibus utor: Sed eupatorium Me ^{Eupatorium}
 sue uulgare Eupatorium, & non agrimonium esse uide- ^{Mesue}
 tur. SEN. Errabam igitur in hac compositione agri-
 monium sumens, sed cum uiris summis errabam. B R A.
 Tuo arbitrato errare poteras, nam Agrimonium uulga-
 re, quod est antiquorum, & Dioscoridis eupatorium,
 iocinerosis quidem ualet: sed illis passionibus ualere non
 uidetur, quibus Mesue Eupatorium succurrit. SE. Ego
 igitur in hac re sum anceps. B R A. Et nos te hoc fasce
 leuabimus. Non desunt medici, qui Mesue eupatorium
 aliud esse ab antiquorum eupatorio iudicarint. Tibi au-
 tem dicimus, si pro eupatorio aut Mesue aut antiquo-
 rum uulgare Agrimonium sumes. nunquā errabis, quo-
 niam & Mesue eupatorium est nostrum uulgare agri-
 monium, si eius descriptionem consideres. Illiq; decipiū-
 tur qui Mesue eupatorium, uulgare eupatorium esse
 iudicarunt: Nam Mesue cum Dioscoride in eupatorio
 conuenit. Constat autem Dioscoridis eupatorium, Me-
 sue eupatorium esse: quippe Mesue dicit, est herba lon-
 gitudinis cubiti: Dioscorides autem esse herbam cubita-
 dem, & aliquādo ampliorē scribit. Additi Mesue, nul-

tæ amaritudinis, quod non ponit Dioscorides. Addit etiã Mesue, cuius folia sunt sicut centaureæ minoris uiridia. Nec istud ponit Dioscorides, tamen uerum est. Quæ autem à Mesue dicuntur de eius folijs, quòd sunt aspera, incisa, & stipes eius est subtilis, hæc à Dioscoride annotantur: etenim dicit folio p̄r interualla inciso, prius autem dixerat hirsuto: quod est esse asperum. Dixerat etiam tenuis scapi, ut nō uideatur dubitandum, Mesuen Dioscoridis eupatorium, quod est agrimonium uulgare, uoluisse describere, sed id quàm barbare fecit. SEN. Igitur conueniēs fuit agrimonium accipere. BRA. Et conueniens fuit, & erit, si illud semper accipies. SEN. Vehementer turbabar si alia herba erat, & nemini credere incipiebam. BRA. Esto igitur bono animo, & reliqua prosequamur. In fine syrupi dicitur, & cum succi apij, & endiuie quantitate sufficienti fiat syrupus, quantam succorum quantitatem accipis? SEN. Ego sine pondere accipio: potest autē esse cuiuslibet succi libra una. BRA. Ita etiam alij pharmacopolæ faciunt: sed (ut ostendemus) errant, nam tibi demonstrare potero determinatam quantitatem sumendam esse. SEN. Tibi plurimum debebo, nam omnes fere sine ordine & sine pondere succum iniiciūt. BRA. Audies igitur. Cum Mesue dicit succos ponendos esse quantitate sufficienti, credendum est, aliquo loco hæc quantitatem indicasse. Ideo locum quærere oportet, ubi succorum quantitatem, quando in fine cum zucharo ponuntur edocuerit. Si autem considerabis syrupum de fumo terræ maiorem, inde regulam accipiendorum succorum accipi posse cognosces. Nam eo loco

tantam quantitatem succi depurati accipit, quātam zu-
 chari. Ideo & hoc loco tanta quantitas succorum depu-
 ratorum accipienda est, quanta zuchari. Ideo illi errāt,
 qui uolunt hic acipi tres libras succorum, quia & ibi
 tres libræ succorum accipiuntur. nam illic tres libræ zu-
 chari sumuntur: ideo & tres libræ succorum accipiun-
 tur. Verū cum hic quatuor libræ zuchari recipiantur,
 etiam quatuor libræ succorum recipi debent. Hi autem
 errant qui uolunt quatuor libras utrorumq; accipere,
 nam pro quolibet succo tātum duas libras sumere oportet,
 ut duæ libræ succi apij, et duæ libræ succi endiuie su-
 mantur: quatuor enim libræ uniuscuiusq; zucharum ni-
 mis superant: quod Mesue in suis compositionibus face-
 re non consuevit. S E. Certè hæc est conueniens regula.
 Accipiam igitur depuratum succum, & simul cum zu-
 charo clarificato decoctionem paulatim addes ebullire
 faciam. B R A. Semper ita agendū est præsertim ubi per
 decoctionem fiunt, & non præcedit infusio. Sed aliud
 quoque me angit, folium hanc compositionem ingredi,
 tamen non habetur, uos autem, illius loco quid ponitis?
 S E N. Ego semper usus sum duplum spicæ pro folio po-
 nere. B R A. Utinam ueram nardum haberes, sed duo à
 Paulo Aegineta pro malabatro, id est folio in eius de-
 fectu sumi possunt. Vnum est, Indica nardus à uobis spi-
 ca nuncupata: sed nardus nostra ex India non affertur.
 Aliud est: cassia, quam nos canellam uocamus. in hac ma-
 gis certi sumus: ideo pro malabathro canellam iniicias.
 Cum autem Venetijs pro malabathro garyophyllorum
 folia uendant, non uereor folij loco garyophyllorum fo-

Folij loco
 quid sumen-
 dum sit.

lia sumere, quoniam & hæc folia in hac compositione ad omnes intentiones ad quas ualet efficaciam habent. Nec etiam mihi displicet, quod eius loco macis ponatur, & hoc est Arabum inuentum. Nempe Auicenna secundo libro. cap. CCLIX. cum folium deficit, macis sumi iubet. Dicas autem pro Bedeguar & Suchaha quid accipis? SEN. Tibi. ingenue uerū fatebor, pharmacopolas adeo uarios uidemus, ut horū loco nihil injiciā. BRA. Omit- tis igitur? SEN. Omitto uolens, ne aliquid accipiā quod compositionem peruertat, & ab eius uniuersali inten- tione discedat. BRA. Res equidem est, quæ diu pharma- copolas agitauit. Nam superioribus annis fructum syl- uestris rose, id est echinum illum qui in rosetis concre- scit. sumere consueuerunt, & nunc etiam aliqui seruant. Alij carduum ipsum accipiunt, alij rubum. Sed nūc car- duum uulgō benedictum nuncupatum maior pars acci- pit. SEN. Tu autem quid sumendum iudicas? BRA. Si in primis quid sit Bedeguar apud antiquos discutiamus, eius loco quid sumendum sit uidebis. SEN. Hoc luben- tissime audiam. BRA. Serapio XCIX. capite libri de Simplicium medicamentorum facultatibus, de Bedeguar tractauit, Dioscoridemq; ita dicentem adducit: Nasci- tur in montibus Zagial, & habet folia similia chamæ- leontæ albæ, nisi quia sunt strictiora et albiora, et super ea est simile boræ, & sunt spinosa, & habet stipitem longum duobus brachijs, in grossitudine digiti pollicis, uel plus: color eius est uergens ad albedinem, & super summitates eius sunt capitella spinosa similia ericio ma- rino, nisi quia sunt minora & oblonga, & flos eius est

coloris purpurei, & semen eius est simile grano charta
mi, nisi quia est rotundius. Haecenus Serapio. Audias mo-
do Dioscoridem de alba spina differentem, non dico au-
tom de spina alba, ut recentes faciunt, sed de alba spina. Alba spina.
Nam et Manardus deceptus est, λογκοκανθῶν Diosco-
ridis esse putans, cum sit ακανθῶν λευκῆ, cum enim di-
cimus, λεγκοκανθῶν, fruticem intelligimus aculeatum,
cuius copiam in nostris sepibus, & foueis habemus, flo-
res albos, odoratos parientem, aut genus cardui aculea-
tum & quadratum, quod non est Bedeguar. Cum uero
de acantha leuce, id est spina alba loquitur, est bedeguar
Serapionis. Quod manifeste apparet, si Dioscoridem
Serapioni compares. Serapionis uerba audiui: nunc
Dioscoridi eadem dicenti attendas. Nascitur, inquit, in
montibus, syluosisq; locis, folia habens chamaeleotis albi
similia, uerum angustiora candidioraq; subhirsuta, spi-
nis infesta, caulem binos cubitos excedentem, pollicari
crassitudine, uel ampliore, subalbidum, & inanem: ca-
cumini echinus insidet, à marino differens magnitudi-
ne, sed oblongus flore purpureo continente semen, qua-
le cnici, rotundius. SEN. Nunc idem praecise esse apud
Serapionem Bedeguar, quod apud Dioscoridem spina
alba, facile deprehendi: quid autem sit, ignoro. B R A.
In Mutinensibus montibus, Regiensibus, & Bononien-
sibus uiret, & in aliquo loco Ferrariensis agri asperio-
re, ego tibi oculis ostendam. S E N. Gaudebo pluri-
mum, & tibi ingentes gratias habebō. Audiui in Hetru-
ria rusticos ad coagulandum lac, eius flore uti. B R A S.
Hoc quidem non uidi, quamuis per Hetruriam equita-

uerim & multa obseruauerim, sed bene audiui, & ciu
 flores ad me mittentur hac æstate. Vidi tamen floribus
 uerbasci idem effici in eadem Hetruria. SE. Ad suchaha
 transeamus. BRA. Suchaha Serapionis spinam Arabi-
 cam Dioscoridis esse putatur: plura tamen à Serapione
 de spina Arabica secundum Dioscoridē scribūtur, quā
 ab ipso Dioscoride dicantur, fortē Serapio in suo Dio-
 scoridis lib. tot habebat, quæ ab aliquo interprete scri-
 pta erant: quod autem à Serapione plura descripta sint,
 quā à Dioscoride dicantur, manifestum fiet, si Sera-
 pionem audies secundum Dioscoridem ita scribentem:
 Natura huius herbæ secundum quod existimo est prope
 naturam Bedeguar, & est stiptica, & semen eius est for-
 tius satis, & confert relaxationi uulvæ, & fluxibilitati
 ani, & conglutinat ulcera, quoniam stipticitas eius est
 pauca sine superfluitate, & radix eius cōfert cursui hu-
 miditatum antiquarum matricis, & fluxui nimio men-
 struorum, & spūto sanguinis à pectore, & alijs fluxibus
 humiditatum corporis. Hæc Serapio secundum Diosco-
 ridem. Sed tu modo Dioscoridem audias ita dicentem,
 Spinæ albæ natura uidetur esse, hoc est id quod Serapio
 dicit, est prope naturam Bedeguard. Sequitur Diosco-
 rides, nam & ipsi spissat, stringitq; guttantia, mensium
 abundātiis, sanguinis excreatus, & alias fluxiones etiā
 num radice ualens. Nasceitur in asperis. SE. Idem re ipsa
 cum Serapione dicit, Serapio magis ampliat, uel ser-
 mo Arabicus non est ita breuis. Habes autem aliud testi-
 monium quod hæc sit, si ea legas quæ idē Serapio secun-
 dum Galenum de suchacha scribit, Inquit enim: Hæc her-
 ba est

ba est similis plātæ Bedeguard, nisi quia uirtus eius desiccatur & stipticat plus eo, & fructus & radix eius est fortior res quæ sit in ea, & ideo radix eius confert nimio fluxui menstruorum, & confert in omnibus ægritudinibus, quibus cōfert Bedeguard, & fructus eius et radix confert apostemationi uulvæ et apostematibus ani, & radix eius incarnat ulcera, quia in ipsa est uirtus cōsolidatiua cum temperamento. Hæc Serapio de suchaha secundum Galenum. Nunc Galenum audies de ἀναστὰς Aegyptia eadem tertio lib. de simplicium medicamentorum facultatibus præcise dicentē, in hunc modum exorsus: Acantha Aegyptia, quidam Arabicā uocant, similis autem est albæ spinæ nostrati, uerum facultate ualidior adstringente pariter, & desiccante. itaq; profluvium muliebri radix eius iuuat, & alia quibus auxilio est, quæ apud nos nascitur spina: sed efficacius tamen omnia adiuuant, tum radix, tum fructus, sic uero & columellæ prodest, & ijs quæ in sede inflata sunt, tum ulcera ad cicatricem ducit, mediocrem habens, et nō molestam adstrictionem. S E. Idem præcise de suchaha dicit, quod Galenus de spina Arabica, uno dempto. B R A. Quale hoc est? S E. Cum Galenus scripsit prodesse columellæ, Serapio refert prodesse uulvæ. B R A. Depravatus est Serapionis contextus, à librario parum perito, nempe legi debet uulvæ, quia hi Barbari uulvam appellant, quam Latini columellam dicunt. S E. Ita certe legendum puto B R A. Auderem ego infinitos Arabum errores emendare, & conciliare, Græcis autoribus cōferendo. S E. Nunc scio Arabum suchaha esse Arabi-

K

eam spinam antiquorum. Cuperem autem ut mihi illam ostenderes, et quid accipiendum sit edoceres. B R A. Multi decipiuntur, qui hanc spinam arbusculam in Arabia esse putant qua fiat Acatia, sed longe decipiuntur, quia herba est, aspectus similis nostræ albe spinæ, tantum uero differt quia in Arabia nascitur, ut propter solū efficaciores uires habeat: sed quia haberi non potest, uel saltem facile, propterea pro suchaha Bedeguar sumere collaudarem, quia has duas herbas idem esse arbitror, et tantū solo, quo nascuntur, differāt: hoc enim apud nos, id apud Arabes nascitur. S E. Igitur eam spinam albam accipiam pro suchaha, & bedeguar, quam mihi ostendes. B R A. Si ita feceris, non errabis. Sed unum est quod me uehementer angit, nam huius syrupi intentionē considerās, quæ est aperire, reserare, et potius soluere quam stringere, & deinde uires harum herbarū perpendens, quæ sunt prædictis oppositæ, nēpe, adstringere, obstruere, & fluctiones remouere, statim suchaha, & Bedeguar in susceptionem mihi uenire, quod in hoc syrupo poni non debeant, qui est aperitiuus, & fluidum facere debet. S E N. Fortē ob uentriculum ponuntur, cui stiptica conueniunt, quando eius formam amiserit. B R A. Et in hoc opus est obstructions aperire. Ideo uaria Mesue uolumina euoluere cœpi, ut experirer an in omnibus ita scriptum inueniretur. Omnia quæ incidi, hæc duo habebant, Bedeguar suchaha, quæ tamen in hac compositione mihi suspecta sunt. Ideo ne in hoc syrupo essent contrapugnātia absq; utilitate uel illorū, loco nihil ponerem, aut aperientia acciperē, nisi quis dicat poni ad ro-

horandū quod, uanum est. illosq; non arguo qui Car-
 dum benedictum, uulgo appellatum pro his ponunt.
 SEN. Quid igitur in tanto discrimine facere oportet?
 BRA. Quod lubuerit facito: si autem pro me, id est pro
 meis aegris parabis, loco horum duorū suchaha scilicet
 & bedeguar, sabinam & polypodium inijcito. SEN.
 In tui gratiam ita paratum habebō. BRA. Habeto. Alij
 suo modo confectum uelint: scito etiam cum Raues ab-
 solute scriptum inuenies, Rhabarbarum semper intelli-
 gere oportet. SEN. Nunc pro hoc syrupo mihi in men-
 tem uenit, quosdam esse, qui à syrupo bisantino succo-
 rum proportionem accipiunt. BRA. Quantam acci-
 piunt? SEN. Sicut in syrupo bisantino sunt quatuor li-
 bræ succorum & zuchari libræ duæ & semis, ideo pro
 omni zuchari libra, debet poni succi depurati unc. xix.
 3. j. scrup. j. gra xv j. BRA. Est nimia succorum quā-
 titas: potius sume tu ex illo de fumo terræ, qui fit ex de-
 coctione & succis, sicut etiam iste fit: Syrupus autem bi-
 santinus fit solum ex succis, ideo inter istum, & Bis-
 antinum nulla est proportio, sed magna est inter istum &
 illum de fumo terræ. SEN. Hic discursus mihi summē
 placuit. BRA. Imò hoc erat summē animaduertendum,
 quia in hoc adest decoctio & succus, ideo ab uno regu-
 la sumenda est, qui decoctionem & sucum recipiat, &
 non ex uno, qui solū decoctionem recipiat, uel solos suc-
 cos. Tu autē omnes syropos contempleris, cognosces nul-
 lum esse huic magis proportionatum illo de fumo terræ.
 Dic autē quis ille fuit, qui hanc proportionē ex syrupo
 bisantino accepit? SEN. Vnus est ex nostris satrapis à

cuius nomine abstinere decreui. BRA. Viuit' ne? SEN. Diu est quod desideratur. BRA. Igitur neminem offendes, quia hominum uerbis, mortuorum manes non leduntur. SEN. Est libellus Lumen Apothecariorum inscriptus. BRA. Certe uir ille uituperandus nō est, quia sua etate in adiuuanda hac arte pro facultate laborauit, & ingenium suum (ut illa etas patiebatur) exercuit. Illos enim obtorta conscientia affectos puto, qui illos calumniantur, qui mortales adiuuare conati sunt, uel feliciter, uel infeliciter successerit: si quidem feliciter iuuerint, laude digni sunt: si infeliciter, corrigendi sunt, & errores detegendi, non tamen conuicijs irritandi. SEN. Et hoc semper probi uiri officium esse existimaui, neminem ledere. BRA. Hoc non solum uir probus agere debet, sed etiam eius animus ita inclinatus & affectus sit: Nunc syropos diolos perpendamus.

S E N E X .

Syrupus de
liquiritia.

Qui succedit, syrupus de liquiritia appellatur. BRA. Magnus est eius usus in pleuritide, in antiqua tussi, ad mundificandum pectus et pulmonem, sed eius conficiendi modum examinemus, enarra simplicitia, & eorum quantitatem, ut ab autore scribuntur. SEN. Ita Mesue ad uerbum ferē dicit:

Recipe liquiritiæ	unc.	ij.
Capillorum Veneris	unc.	j.
Hyssopi sicce	unc.	se:

Super hæc proijce aquæ libras quatuor, & dimittatur per diem & noctem, id est uigintiquatuor horas, deinde coquantur usque ad mediam partem, postea super

hæc proijce

Mellis

Zuchari

Penidiarum

}

añ.

3.

viiij.

Aque rosatæ

unc.

vj.

Fiat syrupus, id est bulliāt ad cocturam syrupi, & quando opus est administretur. B.R.A. In huius syrupi compositione nihil ambigui accidit, nisi cūm dicit siccā hys sopum, noli intelligere extremē siccā, sed quæ in superficie humiditatem amiserit: nec opus est secundum maiorem & minorem decoctionem simplicia iniicere, quia prius infunduntur. SEN. In uno solum recentes ambiguitatem faciunt, cum hic syrupus aperire, & dilatare debeat cur aquam rosaceam recipiat: unde & ego & multi alij pharmacopolæ, medicorum etiam suasu aquā rosaceā omittamus. B.R.A. Re uera omittenda nō erat, quia partes pectoris relaxatas roborat, & uim expultricem fortiolem reddit: quod siccitate, & stipticitate quadam fit, quæ tamen modica si ratione aliarum rerū ingredientium. Ideo aquam rosaceam semper iniicias: nec debet medicus uereri in morbis pectoris modicē adstringentibus, uti præsertim cum aperientibus superantur. Ideo & illi summē errāt, qui in morbis pectoris rhabarbarum exhibere nolūt, & qui ob aquam rosaceā compositionem Manus Christi appellatam prohibēt, & plura similia, in quibus inspiciendum non est, quia potius prosunt, quā obesse possint. Imo, si omnia simplicia, & omnia cōposita consideremus, nihil est adeo perfectum, quin aliqua ex parte notari possit.

K iii

Syrupus de
hyssopo.

His omiſſis ad ſyrupum de hyſſopo deſcendamus.
 BRA. In Meſue etiam hic ſequitur, et non præ
 ter rationem: nam ad morbos pectoris, ad tuſſim, ad pleu
 ritim, ad dolores corporis, ad aſthma efficacior eſt,
 quàm is de glycyrrhiza prædictus. Tu autem eius com
 poſitionem edifferas. SEN. Hæc eſt apud Meſuen.

Recipe hyſſopi ſiccæ

Radicum apij

Fœniculi

Liquiritiæ

Hordei mundi

Seminum malvæ

Dragaganti

Seminum cydoniorum

Capillorum Veneris

Iuiubæ

Sebeſtem

Paſſularum enucleatarum

Ficum ſiccarum

Daſtylorum pinguium

Penidiarum albarum

Fiat ſyrupus.

}	añ.	3.	x.

	unc.	ſe.
--	------	-----

}	añ.	3.	ij.

3.	vj.
----	-----

}	añ.	un.	xxx.

3.	xij.
----	------

}	añ.	un.	x

lib.	ij.
------	-----

BRA. Simplicia quæ hunc ſyrupum ingrediuntur, in
 noſtro ſimplicium examine perpenſa ſunt, & ſuperius
 diximus quid per ſiccam hyſſopū intelligere oporteat:
 nec opus eſt dubitare, quid per alba penidia intelligen
 dum ſit, nempe illa intelligimus, quæ ex zucharo albo
 facta ſunt. Quod uero dubium ingerit eſt, quia ſi huius

Syrupi simplicia misceantur, emplastrum fiet: nam Me-
sue non dicit uel in aqua bulliendo, uel in alio liquore.
SEN. Subintelligere opus est, quia in pluribus alijs sy-
rupis aquæ quantitatem posuit, in qua fit decoctio: ideo
non est opus ut semper ponat, sed diligens lector, &
pharmacopola plerunque ex alijs syrupis elicere debet.
BRAS. Optime sentis, sed quantam aquæ quantitatem
summis, ut hæc simplicia ebulliant? SEN. Per pondus
certam mensuram non habeo, sed simplicia in uas pono,
& tantum aquæ quantitatem iniicio, quod simplicia te-
gantur, & aqua pollicari quantitate supereminet. Ita-
que per aliquot horas relinquo, postea ad consumptio-
nem medietatis ebullire facio, deinde excolata decoctio-
ne penidia addo, & ad formam syrupi reduco. BRAS.
Non modo tu, sed & ceteri pharmacopole ita operan-
tur, sed duplex error hic est: primo, quia non semper
idem syrupus erit quia decoctio quandoq; maior, quan-
doq; minor euadit. secundo, quia eodem tempore omnia
in decoctionem ponuntur, tamen sunt aliqua, quæ maio-
rem decoctionem, aliqua minorem patiuntur. Nec opus
est fugias primo infundi, quia infundi non debent quā-
do ab autore non specificatur infusio. SEN. Ab omni-
bus ita fieri uidimus. BRA. Et omnes sine regula agunt.
SEN. Hoc, est ne sufficiens causa ut syrupum immutet?
BRA. Tantū immutare potest, quod uires æquæ perfe-
ctæ non sunt in uno qui magis decoctus sit, et in uno qui
minus. SEN. Da tu regulam in qua nunquam errare
possim. BRA. In omnibus syrupis certa regula assigna-
ri non potest, sed in unoquoque syrupo sua exhibetur:

quonia (ut in syrupo de stachade scriptum reliquimus)
 simplicia, quæ ingrediuntur, ea sunt, quæ magis et mi-
 nus aquæ recipiunt: si arida uel uirida sint, si mucosa uel
 non, si mollia uel dura. Ideo in omni syrupo sua aquæ
 portio statuta esse debet. S E N. Quantam in hoc syru-
 po iniicies? B R A. Nunc tibi ostendam, si hanc compo-
 sitionem consideres, in ea paucissima sunt, quæ multum
 aquæ imbibere possint: ideo multa aquæ quantitate non
 indiget: imò si experiaris, octo libras aquæ satis esse de-
 prehendes, & decoqui quousque tres libræ relinquan-
 tur, postea exprimantur, & cū penidijs adde formā sy-
 rupi iterum bulliāt. S E N. Sed quem ordinem in deco-
 quendo seruare oportet? B R A. Primo passule, zizi-
 pha, sebesten, ficus, dactyli, radices apij, & fœniculi in-
 grediantur: deinde hordeum, semen maluæ, semina cydo-
 niorum: deniq; tragacanthum, hyssopus, & capilli ueneæ
 ris. S E N. Nullus est inter nos, qui hoc modo paret.
 B R A. Ideo nullus est qui recte operetur. Notaq; hunc
 syrupum dactylos, & cidoniorum semina ingredi, quæ
 aliquam adstrictionem illi præstant sed leuissimā: pro-
 pterea adstringente aliquo uti licet, ubi etiam apertione
 indigemus ad confortandum & roborandū. S E. Quur
 istud nunc iterum repetis? B R A. Quia in magnorum
 uirorum mentibus insertum est, ut nec compositio Ma-
 nus Christi dicta, in dispositionibus pectoris ob aquam
 rosaceam, quæ ingreditur, exhibeatur. S E N. Tamen
 superius in syrupo de Eupatorio, qui plurimum aperit,
 iubebas suchaba, & Bedeguar, abijcenda quia adstrin-
 gentia sunt. B R A. Id faciebam, non quia adstringentia,

sed quia nimis adstringentia: imò ad reprimendam uim fortium medicaminum adstringentia miscemus, sed non uehementer adstringentia: qualia illa sunt, quæ syrupum de Eupatorio ingrediuntur, in quo nihil est quod uehementem uim habeat. SE. Hoc mihi satis est. B R A. Scito præterea multos de hyssopo syropos à Mesue poni, ubi de tussi pertractat, qui omnes ab hoc distincti sunt. Tu solum istò uti debes, cuius per totam Italianam publicus usus est. S E N E X.

Rari sunt, qui syrupum de præsiō Ferrariæ præsiō ^{Syrupus de præsiō.} rēt: tamē quia ab aliquibus fit, et in usu est apud illos, ideo ipsum adducere non grauabimur. B R A. Miror quod omnes non parent: nam cū syrupus de hyssopo non sanat, opus est ad syrupum de præsiō desletere: nam antiquæ tussi, & ægitudinibus longioribus pectoris plurimum succurrit, & materiam crassam & glutinosam habētibus, & antiquis uiris asthma patientibus, præsertim à pituitoso humore, crasso, putrido, & difficulter solubili. SE. Ad eadem igitur ualet ad que syrupum de hyssopo ualere dicebas? B R A. Ad eadem omnino sed efficacius. S E N. Est ergo in pectoralibus syrupis aliquis ordo. B R A. Imò perfectissimo ordine incedunt: quamuis plures (non quidem medicorum, sed qui me- ^{Syruporum pectoralium ordo,} dentur. quippe differunt Medicus, & qui sine arte artem exerceat) id ignorent. Cum enim materia uel calida, uel ex calido & frigido mixta est, quia in principio calida materia magis agit, propterea à syrupo uiolato incipiendum est, Cum ægritudo procedit, ad syrupum de capillis ueneris transeo. SEN. Ego hunc syrupum nun-

quam uidi uel audiui. BRA. Nunc audiuiſti, et deinceps uidebis. Sirupus eſt, quem parari facio, inter uiolatum, et illum de glycyrrhiza medius, cuius de ſcriptionē poſt hunc de praſio proſequamur, à ſyrupo de capillis ueneris, ad ſyrupū de glycyrrhiza peruenio. Interim ſubtilis, & calida materia euaneſcit, frigida & craſſa remanet, propterea ad ſyrupum de hyſſopo deſlecto, qui niſi profuerit, ad illum de praſio tanquam ad ſacram anchoram conſugimus, qui niſi ſanet, is qui agrotat, ſerè deſperatus eſt, uel ad decoctū, & trochiſcos ueniendum. Nunc autem ſyrupi de praſio compositionem enarra. SEN. Hæc eſt quæ ſequitur:

Recipe praſij	unc.	ij.
Hyſſopi		
Capillorum Veneris	añ. 3.	vj.
Liquiritiæ	unc.	ij.
Calamenthi		
Aniſi		
Radicū apli	añ. 3.	v.
Fœniculi		
Seminum maluæ		
Fœnu græci	añ. 3.	ij.
Ireos		
Seminum lini		
Cidoniorum	añ. 3.	ij.
Paſſularum enucleatarū	unc.	v.
Ficus ſiccas pingues	un.	xv.
Penidiarum		
Mellis boni deſpumati	añ. li.	ij.

BRA. Hæc tantū ab autore dicuntur, & nihil de componendi modo addidit? SEN. Nihil propterea & nos aque quantitatem accipimus, ut nobis uidebitur. BRA. In hoc syrupo decem aque libre sumi debent, quæ ad consumptionem medietatis bulliant, propter mel et penidia, quæ ingrediuntur, nempe maiorem decoctionis quantitatem exigunt, quā præcedens syrupus de hyssopo fecerit, quoniam in illo solum duæ penidiarum libræ erant: hic autem præter penidia, duæ mellis libræ ingrediuntur. Non desunt autem qui uelint hic hyssopum uiridem sumi: nos autem siccam sumendam putamus, non tamen extreme siccam, sed quæ in superficie humiditatem amiserit: & ita de alijs. Huncq; syrupum aliorum more composito, ut primo ea ingrediantur quæ maiorem decoctionem patiuntur, ut passulæ, ficus, radices: postea quæ minorem, ut semina: denique quæ minimam, ut capilli ueneris, SEN. Hoc igitur semper obseruabo. BRA. Nisi errare uolueris, modo non sit opus simplicia prius infodere, quia cū in fusio decoctione præcedit, tum cordo ponendarum rerum non habetur. SEN. Cuperem nunc ut syrupum illum de capillis ueneris mihi referres, quo uteris tu nam & ego deinceps illum parabo. BRA. Hic est subscriptus:

Recipe glycyrrhizæ munde	unc. ij.	Syrupus de capillis ueneris.
Capillorum ueneris	unc. v.	
Supra inijcias aquæ fontis	lib. iij.	

Et dimittas per diē & noctem, postea coquantur ad consumptionem medietatis, deinde percoletur, & huic decoctioni addantur.

Zuchari clarificati

Penidiarum

Aquæ capillorū Veneris

añ. unc. viij.

Misce & ad formā syrupi decoque, ad usūq; sruetur.

S E N E X.

Syrupus de
calamētho.

Syrupus de calamentho sponte in mea scheda occurrit. BRA. Cū duo sint apud Mesuen de calamētho syrupi, quem in tua officina paratum seruas? SEN. Primum apud Mesuē, cuius descriptio hæc est, quæ subsequitur:

Recipe calamenthi domestici

Sylvestris

Chersim

Dauci

Squinanti

añ. unc. ij.

añ. 3. v.

Passularum enucleatarum

lib. se.

Mellis

lib. ij.

Fiat syrupus.

In hoc quoq; aquarum regulam non habemus, sed ut nobis uidetur, aquam ponimus. BRA. In hoc syrupo sex aquæ libræ recipiantur, quæ bulliāt primo passulas, deinde alia secundum præscriptum ordinem ponendo, usq; ad consumptionem medietatis: deniq; addito melle fiat syrupus secundum artem: qui syrupus ad lienosos plurimum ualebit, quibus durus est lien & penè irresolubilis, & his qui frigida uiscera habent, & asthmate laborant, præsertim in senibus, & in habentibus antiquas tusses: si quis enim uel pectus, uel uentriculum, uel intestina crassa, tenaci, & irresolubili materia plena ha-

beat, hoc syrupo sanatur. Vnum tantum est, quod te perturbare posset, scilicet quid sit domesticum calamenthum. In examine simplicium de calamenthō differuimus per domesticum uerò, mentā intellige. SEN: Quam mentham? BRA. Nostratem uulgarem.

S E N E X.

Syrupus de Endiuiā nos uocat. BRA. In hoc syrupo ^{Syrupus de endiuiā.} pharmacopolæ plurimū differunt: aliquos enim Ferrariæ, et in omni ferè Italica urbe inuenio, qui syrupū de endiuiā Gentilis solum parant, et semper illum parant, à quocunq; et quodocunq; syrupus de endiuiā indicetur. Alij syrupum de endiuiā Nicoli paratū seruāt: alij syrupū de endiuiā ex solo succo et zucharo, Quem habes tu paratum? SEN: Ego consuetus sum (et ita præceptor meus utebatur) syrupum de endiuiā Gentilis parare, cuius descriptio hæc est quæ sequitur:

Recipe succi Endiuiæ
Hepaticæ } añ. lib. ij.

Clarificentur predicti succi ad ignem, ut expedit.

Rosarum
Violarum
Lenticulæ aquæ
Florum nenufaris
Politrici } añ. unc. se.

Capillorum Veneris
Hordei mundi
Seminū cōmuniū maiorū frigidorū } añ. unc. j.

Fiat syrupus cum zucharo quantum sufficit, secundum artem, et aromatizetur, cum

Sandalis albis

Rubris

Berberis

Seminum cidoniorum

Ligni aloës

Cinamomi

Corticum citri

añ. scrop. ꝑ.

Et usui referuetur. B R A. Michi summè displicet quod hunc syrupum habeas, aut unquā paraueris. In eo enim nullum ordinem inuenio, imò confusioem quandam, & ita syrupum de hepatica appellari posse, sicuti de endiuia: quando autem apud te pro mei ægris syrupum de endiuia indicebam, simplicem syrupum querebam, non tam amplam cōpositionem, in qua calida frigidis mixta sunt. Nos Gentili suum syrupū dimittamus, qui eo utatur quando lubet, eo enim nunquam utemur. Alij etiam Ferrariæ sunt qui ailā descriptionē sequuntur. S E N. Quam? A R A. Subsequentem, quam faciunt, & nesciūt à quo autore sumatur:

Recipe succi endiuie llb. lx.

Purificetur, deinde in ipso bulliant

Rosarum

Sandalorum citrinorum

añ. unc. v.

Spodij

Berberis

añ. 3. xx.

Asparagorum

3. x.

Zuchari

lib. xx.

Aceti granatorum

lib. i. j. unc. iij.

Misce & fiat syrupus secundum artē. S E N. Dicūt ex

Gentile sumi. B R A. A quocunq; sumatur, mihi non placet: nam cum indico syrupum de endiuiā, simplicem semper intelligo. S E N. Tu specifica. B R A S. Non est opus cum aliquo addito indicare: sed satis est simpliciter aut syrupum de endiuiā, aut de succo endiuiæ predicere. Et tunc simplex intelligendus est, cuius descriptio hæc est:

Recipe succi endiuiæ depurati lib. viij.

Zuchari albi lib. v. sc.

Syrupus de
endiuiā sim-
plex.

Misce et bulliāt ad formam syrupi, sed opus est zucharum prius clarificare, et cum decoquitur, succum addere. S E N. Hic est, quē preparari uis? B R A. Hic equidem. nā si in laterali morbo syrupum de endiuiā indico, hic conuenit, alij non syrupo autem de endiuiā medici in initio morbi lateralis plerunq; utuntur cum uerò indicunt, pharmacopolæ quos habent, exhibent. Vnde si composito habent, illos propinandos dant: si simplicem, simplicem: sed hic cōuenit, ille cōtrarius est. S E N. Quos igitur ex his parabo? B R A. Simplicem ex solo succo, et zucharo parato: et compositum non quidem illum Gentilis, qui hepaticam recipit, sed alium quem tu Gentili attribuiſi: et cum medici syrupum de endiuiā indicunt, simplicem istum exhibeto, nisi addiderint compositum. Cum uerò indicunt syrupū de endiuiā compositū, alium da: sed illuc peruenimus, quod medici quid indicent parum curant, et quid à phamacopolis fiat: sed tantum compositionum nomina sciunt, ex his uerò, quæ ingrediuntur, nihil nouere.

S E N E X.

Syrupus de cichorea expurgandus accedit. B R A S. Quem de cichorea paras? S E N. illū Nicoli Flo-

Syrupus de
endiuiā cō-
positus.

Syrupus Je-
cichorea Ni-
coli Florēti-
ni.

rentini, cuius descriptio hæc est, ex tertio libro huius auctoris sumpta, in capite de oppilatione hepatis:

Recipe endiuia domestica

Syluestris

Cichorea

Taraxacon

Cucurbitæ

Hepatica

Scariola

Fumi terræ

Lupinorum

Hordei non excoati

Alkakengi

Liquiritia

Capillorum Veneris

Coterah

Polytrici

Adianti

Cuscutæ

Radicum fœniculi

Apij

Asparagi

añ. m. ij.

añ. m. j.

añ. unc. iij.

añ. 3. vj.

añ. unc. ij.

Bulliant in sufficienti quantitate aquæ, & colentur, & cum zucharo albo solido fiat syrupus, & pro unaquaq; eius libra, ponantur ad coquendum 3. iij. rheubarbari electi, & scrop. iij. spicæ ligatæ in petia rara, quæ sæpe exprimat, donec syrupus sit perfecte decoctus. Dosis est. unc. iij. cum aqua euulsionis seminum communium frigidorum. Hæc Nicolaus. BRA. Certe hæc potius mihi

mihi uidetur confusio, quam cōpositio: nam cōpositio-
 nes ordinem aliquem habent, & per cōponendi regulas
 disponuntur: hæc autem non ita est. Ideo eam omittē,
 uel pro illis medicis pararem, qui simplicia ignorantes,
 & regulas cōponendorum pharmacorum, ad has recen-
 tium cōpositiones tanquam ad sacram anchorā confu-
 giunt. Nnuquā uidebis me tali cōpositione uti in hepate,
 quomodocunq; obstructo. SEN. In alijs Italiae urbibus
 syrupo de cichorea Gulielmi Placentini utuntur, quem
 magis probas tu? BRA. Nullū probo: nempe et hic con-
 fusio quædā est: imò de recentibus quibusdam miror, qui
 præmittunt syrupum de cichorea Gulielmi ob hanc cau-
 sam, q̃a plura simplicia recipit: unde tota eorū ratio est
 multitudo simplicium, ac si plura simplicia recipere hos
 syrupo magis egregius, faciat. Nam si hoc uerum essent,
 possemus quatuor syropos solū parare, qui omnia com-
 plecterentur: unum ex omnibus calidis, aliū ex frigidis,
 tertium ex humidis, quartū ex omnibus siccis. Sed uanū
 est sine ratione multa simplicia aggregare. SE. Nisi pi-
 geat, sirupum istum Placentini de cichorea enarra, quia
 à multis Italiae populis fit. BRA. Hic est subscriptus:

Syrupus de
 cichorea
 Gulielmi
 Placentini.

Recipe foliorum cichoreæ

m.

j.

Foliorum boraginis

Lactucæ

Violarum

Scariolæ

Liguæ bouis, id est bugolossæ

an.

m.

se.

Acetose

Batissæ

L

Rhabarbari

3. ij.

Herbæ pistentur, et in libris tribus aquæ coquatur, donec tertia pars consumpta fuerit, et coletur: et addantur in illa aqua libræ duæ zuchari, et cū dissolutū fuerit zucharū ad ignem cum Rhabarbaro pulverizato et ligato in una petia, et sepe exprimatur manu petia rhabarbari, et tandiu permittatur decoqui, quod in syrupi formā transierit, tumq; ab igne deponere et reserua. Hæc Placentinus. SEN. Memini me quandoq; hunc syrupum parasse. BRA. Paraueris, et paraturus sis, quādo libuerit: mihi hæc inordinate compositiones nō placent, præsertim cū multa sint in illis affectibus, ad quæ ualēt, multa simpliciora et perfectiora. Tu igitur pro alijs medicis paratos habeto, pro me autē nunquā. SEN. Saltem

Taraxacō. edoceas quid per Taraxacon intelligendū sit. BRA. In hac re tibi libenter satisfaciam. Dioscorides de seri tractat, de qua abūde nos in examine simplicium egimus, Serapio de Dundebe cap. CXLIII. scripsit, idē significante quod seris: dicitq; Taraxacō esse syluestre Dundebe id est serū syluestre: est autē apud Dioscoridē sylvestris seris picris, id est amara, quā cichoreum appellari dicit. Vnde illa herba, quā uulgò radechio syluatico nūcupamus, est seris sylvestris, et cichoreū Dioscoridis, et Serapionis taraxacon, dicāt quodcūq; recētes: nā in inueniēda hac herba plurimū hallucinātur. Res igitur ita se habet, Radix sylvestris amara, qua in acetarijs quādoq; utimur, est Serapionis, et Mauritanorū taraxacon, et seris sylvestris, atq; cichoreum Dioscoridis. Sed ad alios syropos transeamus, ne in his recentium amissis compo-

sitionibus tempus amittatur. SENEX.

Ergo syrupū myrtinū huc uocemus. BRA. Non ^{Syrupus myrtinus.} possum non irasci, & non ualde excandescere, fecere & nostri pharmacopole in hoc syrupo partes. Sūt enim qui compositum quendam myrtinum parent, & qui simplicem Mesue ex succo granorum myrti faciant. Tu quem facis? SEN. Ego semper compositum feci, & ab alijs fieri uidi. BRA. Edissere hunc tuum compositum, quem paras. SEN. Est hic qui subsequitur:

Recipe myrtilorum

3. xx.

Rosarum rubearum

Sandalorum rubeorum

Alborum

Sumach

} añ. 3. xv.

Balaustiarum

Berberis

Mespilorum

Aquæ fontium

3. 50.
lib. viij.

Bulliant omnia ad consumptionē medietatis, postea co-
letur, & in colatura adde

Vini granatorum

Succi cydoniorum

Zuchari clarificati

} añ. unc. vi.
lib. iij.

Misce, & decoquas ad modum syrupi. BRA. A quo au-
tore hunc syrupum accepisti? SEN. Est magistralis, à
quo sumatur ignoro. BRA. Tamen non displicet hic sy-
rupus, si omnes Ferrarienses pharmacopole hunc para-
rent: sed aliqui sunt qui huius loco, composito quodam
utuntur, quem absolute syrupum myrtinum appellant:

L ii

cum & ipse compositus sit, imò & si ab hoc differat, differentia modica est, & in eundem finem tendit. SEN. Ni pigeat, hūc quem, alij faciunt abs te scire percipio. BRA. Non piget, illum audias:

Recipe granorum myrti

Cardium cydoniorum

Sumach

Acatie

Rosarum

Spodij

Hyppoquistidos

Masticis

an. unc. j.

an. unc. ij.

3. sc.

Bulliant hæc omnia in lib. iij. aquæ ad consumptionē tertiæ partis: deinde colentur, & colaturæ addatur zuchari clarificati lib. iij. & fiat syrupus. SEN. Eadē est in hoc, & in eo quem facio, intētio: sed mea cōpositio mihi magis placet. BRA. Nec mihi displicet, propterea loco syrupi myrtini cōpositi, tuū parato. Qui uerò & hunc faciunt, perperā non agunt: nam & hic est magis cōstrictius quā tuus. Vellem ego ut simplicē myrtinum, qui hoc perfectior est, haberes, & quem Mesue parandū docet. SE. Fieri nō potest: nempe myrtilorū succo caremus. BRA. Hūc succū haberi facilius est, quā rhabarbarū, aut aliquod aliud ex his quæ extra Italiā petuntur: imò ī propinquissima parte huius nostræ alme Ferrariæ, et myrtus, et myrti fructus haberi possunt. Ne igitur hāc excusationē, habeas sed illū parato, ut Mesue syrupū de acetositate citri parare docuit. SEN. Quomodo? BRA. En succi myrtilorū lib. xij. decoque in uase uitreato lēto

igne ad cōsumptionem tertiæ partis: deinde coletur, & dimittatur, donec clarificetur, & accipe ex eo quod clarum est lib. vij. & funde super illud zuchari clarificati lib. v. & decoquatur donec inspissetur ad formā syrupi: uel si æstas fuerit, in sole ponatur donec eius aquosa pars euanescat. Hic uere est simplex & perfectus myrtinus syrupus, quē et Serapio describit: quāuis duas alias descriptiones, præter hanc edocuerit, qui ad uentris fluxus tam recentes quā antiquos plurimū ualēt: et in affectibus pectoris cōuenit ubi cōtrapugnātia fuerit: quia ad sit fractura uenæ in pectore, & etiā exitu materiæ putride in uentriculo & in pectore existēte indigeat: tunc hic syrupus myrtinus simplex plurimum ualet, alij uerō cōpositi nihil imò ad antiquā tuſſim conuenit. cōpositi uerō ad fluxus uentris magis proficiūt, quā hic simplex: uentriculum roborat, & omnia intrinseca uiscera. Hūc igitur omnino parabis, & potius cōpositos omittas. Tamē si cōpositos habere uolueris præter simplicem, ab re non erit. SEN. In hoc tibi obtemperabo, nā continuē in mea officina & simplex & cōpositus seruibuntur, & nisi medicus, cum indixerit specificabit, simplicem exhibebo: si uero cōpositum addiderit, cōpositū dabimus. Hunc syrupum antiquum appellasti, reperitur ne apud Græcos? BRA. Imò apud Paulum Aeginetā lib. VII. cap. XV. reperitur, & Myrtetum appellat, sed ipse ex melle facit, quia zucharum nesciebat: sed ipsa compositio parum differt. SEN. Ne pigeat Pauli cōpositionem subscribere. BRA. Non pigebit. Inquit Paulus Myrtetum, hoc est ex myrtis cōpositionē facies, si succi myrtorū

rum sextatarios treis, mellis sextarium unum semper de-
spumando ad consumptionem tertiæ partis decoxeris.

SEN. Parua differentia est. Sed plurimum gaudeo, anti-
quos hoc syrupo usos esse, & myrtetū appellasse. BRA.

Potissime in aluo fluente utebantur. SEN. igitur &
hunc deinceps paratum habebō, & doleo, quod in nostra
hac urbe aliqui pararint, ego autem omiserim. BRA.

Satis est nunc uices rependere. SENE X.

Syrupus de
matricaria.

Hoc igitur omisso syrupus de matricaria acce-
dat, BRA. Nullum autorem fide dignū legi, qui
hūc syrupū tractaret, sed compositiones quasdam inueni,
& illas quidem uarias, quæ de matricaria compositio-
nes uocabantur. Nec nostri pharmacopole uno syrupo
utuntur, sed quisque ferè compositionem ab alio diuer-
sam habet. Vt autem à te incipiam quam compositionem
sequeris? ut alijs comparando differentiam uideamus.
SEN. Hæc est, quam subscribam:

Recipe matricariæ

Betonice

Mellissæ

Radicum apij

Acori

Petroselinj

Foeniculi

Assari

Rubæ tinctorum

Cyperj

Chalamenti

Sileris montani

añ.

unc.

ij.

añ.

unc.

se.

Passularum } an: unc. ij.

Anisforum }

Garyophyllorum }

Spinæ albæ } an. unc. se.

Bulliant in sufficienti quantitate aquæ ad consumptionem medietatis: postea coletur, & colaturæ addantur zuchari libræ tres, & fiat syrupus secundum artem. BRAS. Cur spinam albam ponis, quæ constrictiva est? SEN. Nescio, sed in mea compositione ita scriptum reperi. BRAS. Melius parant, qui loco spinæ albæ calamum aromaticum legunt, nisi pro spina alba cardum benedictum acceperint. SEN. Illum semper accipio. BRASA. Alij pharmacopolæ compositiones alias sequuntur. SENEX. Quas? Abs te audire cupio. BRAS. Prædicam libenter, & eo libentius, ut pharmacopolarum unius tantum urbis diuersitatem uideas, quam tamen diuersitatem in omni ferè Italiæ urbe inuenies. Sunt enim pharmacopolæ, qui subsequentem compositionem sequuntur, & eam in suis officinis paratam seruant: & semper cum syrupus de matricaria indicitur, hanc exhibent:

Recipe artemisiæ

Calamenthi }

Folij }

Saturegiæ }

Origani }

Thymi }

Tamarisci }

Stæchados }

m. ij.

an.

m. ij.

L iiii

Chamomilla

Meliloti

Sampsuci

Anthos

Blattæ bizantiæ

Calami aromatici

Spicæ celticæ

Chamædryos

Matricariæ minoris

Betonicæ

Abrotani

Acori

Præsiij

Foliorum rubæ maioris

Sileris montani

Assari

Squinanti

Anisi

Marathri

Ameos

Apij

ān.

unc.

j.

ān. 3. iij.

3. j.

ān. m. se.

ān. unc. j

ān. 3. vj.

ān. 3. vj.

Bulliant in sufficienti quantitate aquæ secundum artem
 postea addunt mellis quantum sufficit & syrupum fa-
 ciunt. SEN. Et ego hunc syrupum in mea officina ser-
 uo, sed est syrupus de Artemisia, non autem de Matricaria. BRA. Quid putas esse Matricariā? SEN. Her-
 bam ab Artemisia distinctam. BRAS. Deciperis, nam
 Matricaria Artemisias species est, ut in examine simpli-
 cium habuisti. Tua autem compositio, quam de Matris

caria uocas, mihi suspecta est, cum ob simplicia, quæ sine regula ingrediuntur, tum quia pondera in diuersis sine simplicibus sub diuersis ana positis eadem sunt. Primorum enim simplicium unciam unam ponis, Secundorum unciam semis, Tertiorum unciam unam, Quartorum unciam semis quod mihi compositionem suspectam facit, ne in ipsa error sit. SEN. In illa etiam compositione, quæ ego de Artemisia appellauimus, posuisti assari, squinantia ana 3. vi. deinde anisi, marathri, amcos, apij ana 3. vi. BRA. Omnia illa continuatim legenda sunt, tamen per hoc compositionem non excuso, quia ponit chamomille, meliloti, sampscuci, anthos, ana unc. i. deinde acori, prassij, foliorum rubæ, sileris montani ana unc. i. In quibus locis legendum est ana 3. i. quia uncia nimia quantitas esset. Sed & spicam celticam per se ponit, quæ tamen una solum drachma est. SEN. Igitur & hanc compositionem suspectam habes? BRA. Habeo. nihil enim aliud est, quam multorum simplicium aperientium sine ordine collectio. SE. Illi igitur qui hunc syrupum pro syrupo de matricaria faciunt, si à medico syrupus de matricaria indicetur, hunc exhibent? Et si ille de artemisia indicetur, etiam eundem exhibent? BRA. Ita faciunt. SE. Ego utrosque distinctos seruo. BRA. Tamen ad eundem finem ualent, & nisi confusiones potius quam compositiones essent, non multum curarem, quando tibi indico, utrum horum acciperes. SEN. Sunt ne alij, qui syropos alios de matricaria faciunt? BRAS. Non ne superius dixi alias compositiones esse apud alios? Seruāt et Ferrariæ aliam compositionem nonnulli. SEN. Quam? BRA. Est lon-

giſſima quedam & confuſa receptio, quam afferre piget. SEN. In gratiam meam aducito. B R A. Faciam, poſtquam adeò tibi gratum eſſe uideo. Ea. hæc eſt:

Recipe artemiſiæ

Capillorum Veneris

Sabinæ

Chamædryos

Chamæpityos

Origani

Ozymi

Sampſuci

Calamenthi

Scolopendriæ

Betonicæ

Scabioſæ

Hypericon

Ciperi

Squinanti

Lupuli

Polypodij

Gentianæ

Rubeæ tinctorum

Spicæ

Aſſari

Thymi

Epitimi

Chamomille

Rofarum

Violarum

añ.

m.

ſ.

añ.

unc.

ſ.

Sandalorum rubeorum

Seminū cōmuniū frigidorū maiorū } añ. unc. se:

Seminis Apij

Fœniculi

Petroselini

Amcos

Carui

Iuniperi

Milij solis

Seminū Rutæ

añ.

3.

ij.

Hæc omnia bulliant in sufficienti quantitate aquæ ad cōsumptionem medietatis, sed prius in ea infusa hæc per decem horas maneant cinamomi 3. j. se. serapini, ammoniaci ana 3. se. dicta gumi ligentur in petia, & simul bulliant ad consumptionem medietatis: deinde colentur & colaturæ addatur mellis purificati lib. vi. et fiat syrupus, debito modo coquendo. SEN. Hic syrupus adhuc magis confusus uidetur, quàm prescripti. B R A S. Confusissimus est, & simul calida frigidis miscet sine aliquo componendi ordine. SEN. Igitur parandus non est. B R A. Non modo non pararem, sed omnibus suaderem ut paratum non haberent: imò nec duos prædictos pararem. SE. Ego parabo, quoad collegium medicorū congregatione facta composita omnia emendabūt. B R A. Hoc non ab re erit: nepe opus est omnibus Ferrariensibus medicis in concionem uocatis quasdam pharmacopolarum cōpositiones corrigere, alias immutare, alias penitus demere, & in eo potissimum conari, ne unus pharmacopola compositionē unam habeat, alter aliam.

sed compositiones eadem esse debent, ne medici rerum ignari indcentes decipiantur. Hoc igitur de matricaria omisso syrupo, ad alios utiliores accedamus: nihil enim in componendi ordine tractabo, quoniam syrupus est qui absq; compositionum regulis paratur. SENE X.

Syrups my
rachinusa

DE Myrachino igitur dicamus. BRAS. Nomen ipsum rem barbaram esse ostendit, et cōpositio à compositionum regulis abhorret, quæ (si recte memini) ex Gentile accipitur. Melius autem erit eam proponere, ut error cognoscatur: nam simplicium pondus apud varios Gentilis codices, uarium inuenitur. Compositionem igitur edisseras. SEN. Hæc est.

Recipe polipodij quercini 3. xx.

Buglossæ
Melissæ } añ.

unc. i.

Cyperi

Corticum radicum caparorum } añ. unc. i.

Acori

Assari

Senæ

Epithymi

Semina endiuia

Lactucæ

Scariolæ

añ.

unc.

ij.

añ.

unc.

ij.

Piscentur omnia grosso modo, præter senam, & epithy-
mum, omnia alia bulliant in lib. quatuor aquæ usque ad
consumptionem medietatis. In fine decoctionis adde se-
nam & epithymum, & remoueat ab igne: & dimittas
infrigidari: postea manibus exprimatur, & coletur, &

addantur mellis rosati cum folijs libræ duæ, & fiat syru-
pus secundum artem. BRA. Miror quod hic folia po-
nantur, nam bene potabilis non erit. SEN. Non acci-
pimus folia, sed mel rosatum ex folijs factum percola-
mus. BRA. Ob hoc te admonui, aliquos esse, qui, cum
dicitur mel rosatum colatum, semper mel rosatum cum
folijs intelligunt, sed postea expressum. Nunc ad syru-
pum ipsum descendamus. Aliquæ compositiones sunt,
quæ habent polypodij unc. v i. sed illas magis laudo, quæ
habent polypodij 3 xx. In aliquibus etiam compositio-
nibus ubi dicitur buglosse & melissæ ana unc. i. habe-
tur ana. m. i. quod etiam magis quadrat: nam simplicia
quæ sequuntur, etiam sub una uncia ponderantur. Mihi
autem magis placet una compositio, quæ dicit, buglos-
sæ, melissæ ana unc. i. postea cyperi, corticum, radicum
caparorum, acori, assari ana. unc. se. SEN, illi recte fe-
cerunt qui cōpositiones carmine tradiderunt, tunc enim
pondera variari non possunt. BRA. Ideo Galenus An-
dromachum laudavit, qui Theriacam compositionem
carmine scripsit. Vnum tamen in hoc syrupo te edoce-
re uolo: quamuis dicat omnia simul bulliri, præter epi-
thymum, & senam, scito tamen alia esse in hac compositi-
sione, quæ tantam ebullitionem non expetât: propterea
ea in decoquendo ordinem serua, quem superius in alijs
syrupis ostendimus. Tamen ultimo pone senam & epi-
thymum. Primo autem radices, postea semina, deinde
flores inijcito. SEN. Semper illum ordinem seruabo,
modo simplicia prius iufundere non sit opus. BRA. Vi-
demur in hoc recenti syrupo nimis immorari.

Syrupus
nenufarinus
compositus.

Syruporum igitur nenufarinum contēplemur. BRA. Et hic quoque syrupus retentior est, quippe à Frācisco Pedemontano fit: quippe illum in capitulo de cura male complexionis hepatis simplicis & compositæ in hunc modum, qui subsequitur, describit:

Recipe florum nenufaris	unc.	ij.
Vngula caballina equatica		
Psyllij integri	añ.	unc. j.
Acetosæ		
Seminum communium	3.	ij.
Seminum frigidorum	unc.	se.
Radicum fœniculi	unc.	j.
Bulliant in aqua hordei, & addantur		
Zuchari	lib.	j.
Aceti albi		
Succi granorum	añ. unc.	ij.
Et aromatizetur cum		
Sandalorum	añ.	3. j.
Spodij		

Syrupus
nenufarinus
simplex.

Et addatur parum spicæ, ne frigiditate oppilationem inducat. SEN. Hunc nenufarinum syrupum nunquam paravi, sed alium simplicissimū facio. BRA. Quem? SEN. Libras duas florum nenufaris una decoctione decoquo: postea exprimo, & in expressione addo zuchari libras duas, & decoquo ad cocturam syrupi. BRA. Hic magis placet: quia semper simpliciores syropos fieri uoleo: rim: quippe facile est duos, aut tres simul iungere, & intentiones immutare: nullus est certus autor, qui hos

Syrupos inuenerit. SEN. Propterea nos, magistrales ap-
pellamus. BRA. Vtrosq; parare poteris pro his medi-
cis qui compositio uti uolunt, tamen apud nos eius usus
rarus est.

S E N E X.

Miuua cydoniorum in hunc ordinem posita est. Miua cydo-
niorum.
BRA. Et ipsam inter syrupos numerasti? SE.
Numero. nam addita aqua, ut syrupus, potabilis fit: &
non modo eius usus est ad roborandum uentriculum, he-
par, & omnia uiscera, & ad uomitum sistendum, & flu-
xui uentris aduersatur, imò etiam cōcoquit materias, &
preparat uias: & Auicenna hanc compositionē syrupū
de cotoneis appellat, quamuis Mesue syrupū de cotoneis
primo prosequatur, deinceps de miua sermonem habeat.
Tamen communis est per totam Italiam usus, ut ea pro
syrupo de cotoneis utantur: & re uera mira compositio
est ad roboranda membra. Et nisi Gulielmi autoritatem
refugeres, tibi dicere eum autorem nō appellare miuam,
sed syrupū de cotoneis. Præterea tibi Almanforis nonum
librum adducere in libro diuisionum, in cap. de medici-
nis solutiuis uentris, ubi inquit: Confectio miuæ constri-
ctiuæ, quæ est syrupus de cotoneis. BRA. uideris ex
pharmacopola factus dialecticus, ubi probare miuam sy-
rupum esse conaris uel bibi, ut syrupi bibuntur. Hoc au-
tem non inficior, sed id tantum me mouebat, quod hoc
uocabulum miua apud Mauritanos succum fructuum
significat adeò coctum, ut in formam sap.æ, uel mellis
deuenerit. In reliquis tecum sum, miuam esse potabilem,
esse concoquentem malos succos, imò syrupum uerè es-
se, quia ex succo fit. Sed ne pigeat compositionem quam

facis, aperire, & componendi modum. SEN. Mesuen
penitus sequor, propterea in hunc modum paro:

Recipe succi cydoniorum acetosorum lib. xx.

Vini boni antiqui lib. x.

Misceo, & cum facilitate coquo, donec eius tertia pars
consumpta sit, & continuè spumam aufero: deinde per-
colo, & residere permitto donec clarescat: postea ad-
do lib. sex boni mellis depurati: iterumq; bullio spumam
semper auferens, & Alefanginas species in lineo pan-
no uinctas habeo, quas in prædictum liquorem suspen-
do, sepe stringens atq; modice fricans, ut specierum uis
facile exire possit, & miuam transire. Cùm in spissiore
formam redacta est, & iam facta sit miua, ipsam aro-
matizo, tertiam partem drahmæ musci addens, & duas

Alefangine 3. galliæ. BRAS. Quæ sunt istæ Alefanginæ species?
species SEN. Hæ, quas hic subscribam:

Recipe cinamomi

Heil

añ. 3. iij.

Garyophyllorum

3. ij.

Zinziberis

añ. 3. i. sc.

Mastichis

Croci

3. ij.

Ligni aloës

añ. 3. i. sc.

Macis

Omnia præter crocum terantur contritione crassa, &
in lineum pannum colliguntur. BRA. Tot res ponis in
tua miua? SEN. Tot. BRA. Nunquam ea utar in pro-
fluvio alui à calida materia dependente. Illi autem phar-
macopole m. hi magis placent, qui simplicissimā parant,
ex

ex cydoniorum succo, uino, & melle, uel zucharo: quia multi ex zucharo faciunt, et nō ex melle, quamuis antiqui Græci Miuam ex melle conficerent, quia zucharum ignorabant. S E N. Antiquiores igitur Miuam nouere? B R A. Nouere quidem, et ab ipsis Mauritani accepere: sed alio nomine eam uocant, & alia proportionē conficiunt. Nempe Paulus lib. V 11. cap. X V. hydromalum ^{Hydromalum.} fieri docet in hunc ferè modum:

Accipe succi malorum cydoniorum mundorum

contusorum sextarios duos.

Mellis sextarios tres.

Aquæ sextarios sex.

Coquito despumans usq; ad tertias. Vides Paulum uini loco, quod Mesue ponit, aquam posuisse. Alio etiā modo parabant (ut Paulus refert,) nempe accipiebant malorum cydoniorum concisorum purorum lib. V. in aqua fontis sextaris decē elixabant, donec omnia essent unum corpus: postea refrigerabant, & colabant: expresso autem cremore, mala proijciebant, et aquā metientes, mellis quantitatem dimidiam aquæ admiscebāt, & rursus coquebant, assidue despumando, donec octaua pars euanescat decoquendo. S E N. Tibi fortè placeret ut in hunc modum pararem? B R A. Et mihi placeret, et alijs multis bonis uiris ut miuam his simplicioribus modis conficeres. Si autem pro alijs cōpositam illā, quæ magis calida, quam temperata est, parare uolueris, facito: nam ubi possum antiquos imitari, semper imitor. S E N. Quid significat id uocabulum Alefangine? B R A. Vocabulū est Mauritanum, & etiā corruptū, quo ipsi pulueres odo-

Alefangine
quid signi-
ficat,

M

ratos intelligūt, quibus cibaria condiuntur: ut sunt apud nos species ex pipere, cinamomo, gariophyllis, gingibere, atq; similibus. Tamē ad pulueres etiā usurpant, qui uel actu uel uirtute cōpositiones ingrediūtur. Hic puluis, quē Mesue in miuā ponit, certe adoratus ualde est, et miuæ tribuit, ut possit tāquam intinctus comedi. SEN. Equidem uerum est, nam reuera est optimus intinctus. B R A. Ego quandoque miuam exhibeo his qui habent uentriculum debiliorem cum carnibus, sicut alij solent intinctus uti, quos Sapores uocāt, nec respuunt ægri, et illis plurimum prodest. Sunt ne hi pulueres prædicti, illi qui Alefanginas pilulas ingrediuntur? S E N. Sunt pro parte, sed multa alia aromata, et uentriculum roborantia pilulas ingrediuntur, ut uidere licebit, cum de pilulis agemus. Libenter autem scirem quid sit Heil: nam recentes inquit esse speciem cardamomi quam non habemus, cuius loco cardamomum maius accipimus. B R A. Imò heil cardamomum maius uerè est, si Serpionē capite L X I I I I. de simplicium facultatibus considerabis, ubi inquit: Sacolla, id est cardamomum, & cardamomum maius est heil. est autem apud Arabes uerum cardamomum maius, id quod pharmacopolæ minus appellant, quia est granum magnum plura parua grana continens. Propterea bene dicit Serapio secundum Isaac hebem Abraham, quòd habet cortices & capita sicuti rosa, & sunt grana magna sicut nabach, aut parua maiora, et intra ipsum sunt granulla parua angulosa boni odoris, pingua puluerulenta. SEN. Certe hæc grana angulosa nostrum cardamomum minus sunt. B R A.

Sunt (ut dicitis) tamen est cardamomum maius Serapionis, quia ipse denominat à grano magno, in quo alia grana continentur. Scito autem aliquos pharmacopolas secundum Mesuen, miuam parare, quam ipse simplicem appellat, & non primam, sine speciebus, cuius compositio recipit succi cydoniorum lib. centum, & ponitur in uas lapideum mundum, & cum facilitate bulliunt, semper spumam auferendo, usq; ad consumptionem medietatis, deinde colant, & per tres horas residere dimitunt: postea addunt uini antiqui lib. lx. postea supra prunas coquunt, quousq; syrupi spissitudinem habeat: addenda autem est conueniens quantitas mellis: nonnulli ex nostris pharmacopolis hanc miuam ex zucharo, nō autem ex melle faciunt: alij ex melle: alij præscriptā pro simplici faciunt, & non addunt pulueres, & ex zucharo faciunt, alij ex melle, alij faciunt (ut tu) cum speciebus: ut in hac compositione tanta diuersitas sit, ut nullus ferē eodem modo paret: tamē Medici nec sciunt, nec animaduertunt, uel animaduvertere curant. Vnum uerò hoc loco annotabis, quod dicit has Alefanginas species esse trituras grossas modo, ob eam rationem, quia cum in syropos uires specierum aromaticarum ponuntur, non ita facile resoluuntur. Hoc documentum & hic accipio, et ex compositione melicrati, ut si cōfectiones aromatizari debēt, pulueres necessario subtilissimi sint, propterea in Alefanginis pilulis pulueres subtilissimos faciet. Fiāt autem à Serapione nonnulli syrupi de cydonijs, & ab Auicenna, qui ab is multum differunt, ideo omittantur: suaderemq; ut Pauli Aeginetæ compositionem sequer

remur: quam pro aegris meis para. pro illis autem medicis, qui barbaros sequi uolunt, ne dicam mendicis, tuam miuam para. SEN. Ego illam Pauli pro omnibus para bo: nullus enim ex his inuenitur qui compositiones scire uoluerint, sed tantum compositionum nomina addiscunt indicuntq; , quid indicent ignorantes. Ne autem in hac miua diu immoremur, ad alios syrupos flectamus.

SENEX.

Oxymel
simplex:

OXymel simplex & compositum sequuntur. BRA. Apud uos multa esse puto, sub ac uoce oxy, quæ acetum recipiunt. SEN. Multa quidem sunt, quæ in nostra arte acetum recipiunt, sed tantum quatuor sunt, quæ ab ὄξος uoce Græca, id est aceto, denominationem, sumunt, & ab ea incipiunt. BRA. Hæc enumera, ni pigeat. SEN. Oxymel simplex, oxymel compositum, oxyzachara, oxymel squilliticum. BRA. Ab oxymelle simplici incipere oportet: nam potus antiquissimus est, quo Hippocrates & Galenus utebantur, pro expurgando splene, & hepate, ut Galenus testatur, pro incidendis materiis crassis, & glutinosis & quæ multum inhaerent: nempe subtiliat, aperit, incidit, abstergit, & in aegritudinibus longioribus plurimum ualet: estq; antiquus syrupus. SE. Hi syrupi mihi summe placet, quia aliquid antiquitatis sapiunt: nam facile est illos emendare, si error inciderit, cum Græci autores nunc passim habeantur. BRA. Hippocrates lib. III. de ratione uictus in morbis acutis, egregie de oxymelle pertractat, inquiens in illis morbis scilicet acutis potissime utilem esse: nam sputum educit, & spiritum faciliorem reddit. Notatq; Hippo-

crates & ualde acidum, & nō ualde acidum fieri posse.
 Si ualde acidum sit, adstringit sputa, & uiscosiora red-
 dit, & submergit: ideo hoc exhiberi non laudat: si autem
 exhibueris, tepidū sit, & paulatim tribuas. Si uerō adeo
 acidum non fuerit, os & fauces humectat, sputum euo-
 cat, sitim compescit, prae cordijs, uisceribus, ceterisq; id
 genus partibus amicum est: quia mellis noxas prohibet:
 nam quod in melle biliosum est, reprimit, & flatus dis-
 cutit, & urinam ciet. Post haec ab Hippocrate eius noxae
 ponuntur. Notaq; hoc in loco Hippocratem, oxymeli
 ante sorbitiones, ieiuno, & noctu potandum dare, quae
 communis est hora sumendi syruos. Tamē & post sor-
 bitiones propinat, sed lōge spatio, ut sorbitio iam cocta
 sit. SEN. Quid intelligis per sobritionem apud Hippo-
 cratem? BRA. Nihil aliud quā cibum, quem in morbo
 acuto dabat, qui erat uel ptisana, uel cremor, uel aliquid
 simile, quod per modum potus sumebatur: quamuis Ga-
 lenus ipse tempus assignet, uelitq; inter potum oxymel-
 lis, & sorbitionem duas horas interponi satis esse. Sed
 & multa alia ab Hippocrate notantur, inter quae hoc
 praesertim animaduersione dignum est, quandoq; in toto
 morbo nos uti oxymel opus esse, ideo inquit, tunc cum
 pauco aceto parandum esse, quia cum multo aceto plu-
 riss offensiones facere potest. Quanta autem aceti quan-
 titas esse debeat, ab Hippocrate regula habetur, Tantū
 aceti recipere debet, ut gustanti duntaxat sensum mo-
 ueat. Vnū etiam addam ex Hippocrate, eodem loco, his
 scilicet magis conferre, quibus amara bilis potius quā
 atra exuperat, quia acetum atram bilem parit. Notatq;

Stangebim
Squigebim.

Acetum
mulsum.

oxymeli mulieribus potius quàm uiris obesse. Rationem reddit, quia uterum dolore cruciat. SEN. Reperitur ne apud Græcos modus conficiendi hunc syrupum? BRA. Imò reperitur: sed tu in primis quem modum sequaris edoceas. SEN. Nos Mesue sequimur, qui in hunc modum componit: appellat autem Secaniabim, uel Stangebim secundum alios, uel Squigebim, sed decipiuntur. BRA. Quicquid sit de illis barbaris nominibus nō curemus: sat est, illa nomina apud Mauritanos syrupum acetosum significare. SEN. Mesue accipit mellis boni partes duas, aceti boni partem unam, aquæ fontium clare et dulcis partes quatuor. Primo autem aquam et mel accipimus, & purificamus semper expumando: postea acetum superadditur, & ita ebulliendo expumamus, et hoc oxymel simplex nūcupatur. BRA. Et etiam ab aliquibus Græcis oxymeli simplex dicitur: quamuis absoluto uocabulo, cum oxymeli dicunt, hunc intelligant ad differentiam oxymellis Scillitici & Iuliani: Latini appellant acetum mulsum. Paulus capite XI lib. VII. de hoc oxymeli tractat, cui cognomentum est simplex. Compositio nem facit ex acerrimi aceti candidi xesta una, aquæ xestis duabus, mellis xesta una: hæc simul decoquit, semper despumando ad crassitudinem mellis. Inter hos differentia est, quia Paulus magis aceti ponit, quàm Mesue. Sunt enim apud Paulum æquales partes melis et aceti, & duplum aquæ, sed Mesue duplum aquæ ad mel ponit, & aceti minus quàm mellis. SEN. Quomodo deinceps parabo? BRA. Ego Paulum imittendum suaderem. Tamen Dioscorides libro IIII. alio modo conficit nempe recte

pit aceti sextarios quinq; marini salis pōdo unum, mel-
 lis pondo, decem, aquæ heminas totidem. Mixtaq; simul
 omnia coquito, usque dum decies inferbuerit: tum re-
 frigerata omnia in dolia diffundito. Sed hancmet com-
 positionem Plinius libro XIII. capite XVII scribit,
 sed ipse genus aquæ ponit, Quod enim Dioscorides ge-
 nerali uocabulo dicit, aquæ heminas decē, Plinius dicit
 aquæ pluuiæ. In reliquis parua differentia est. Hæc sunt
 Plinij uerba loco præcitato ne desideres: Oxymeli hoc
 uocarunt, melis decē libris Aceti ueteris, heminis quin-
 que, Salis marini libra, aquæ pluuiæ sextarijs quinque
 sufferuefactis decies, mox elutriatis, aquæ ita inuetera-
 tis, sed & hoc, & hydromeli à Themisone summo au-
 tore damnabantur. SEN. Tu ergo ne arguas Recen-
 tiores, nec de ipsis mireris, si diuersas compositiones
 sequuntur: cum & antiqui ipsi (ut in hac uidere licet)
 in eadem re uarias compositiones haberent. BRASA:
 Imò & Plinius alium modum oxymelitis edocet capi-
 te secundo libri uigesimitertij ex sententia Dieuchis,
 uerba eius hæc sunt: Oxymel antiqui (ut Dieuches tra-
 dit) hoc modo temperabant, mellis minas decem, ace-
 ti ueteris heminas quinque, salis marini pondo, thym-
 bræ quadrantem, aquæ marinæ sextarios quinque pa-
 riter coquebant decies deferuescente cortina, atque ita
 diffundebant, inueterabantq;. Sustulit totum id Ascle-
 piades. oarguitq; nam etiam in febribus dabant: pro-
 fuisse tamen fatentur contra serpentes, quos Sepas uo-
 cant, & contra meconium, ac uiscum, & anginas cali-
 dum gargarizatum, & auribus, & oris, gutturisq; de-

Oxymel
Dieuchis.

siderijs. Haftenus Plinius. S E N. Quem ergo, in tanta uarietate sequi oportet? B R A. Certum est apud antiquos de eadem re compositiones uarias fuisse, sed unam pro maiori parte sequebantur. S E N. Eia quam compositionem parabo? B R A. In hac re quid sentiam audies: Antiqui oxymeli uario modo composuere, cum pauciori melle, cum pluri cum acriori, cū minus acri: ut egritudo, quā curabant, exigebat. Quod ex Hippocrate praecitato loco manifestissime colligitur, & ex Galeno IIII. lib. de sanitate tuenda, & ex ipso Mesue, qui inquit, quādoq; augendam aceti dosim, & ex Serapione, et Auicenna, imò & ex tota Arabum schola, a Grecis autoribus accipiente. S E N. Erit ergo incerta componendi regula. B R A. Imò certissima, qua gustum sequebatur Propterea Galenū audias loco praecitato de oxymeli dicentem: Id ita praeparari debet, Cum melli optimo super carbones spumā abstuleris, conijcies in ipsum aceti tantū, unde gustanti nec acidum nimis, nec dulce uidebitur. Adenuō super prunas coques, quoad planē unita eorum qualitates sint, nec appareat gustanti acetū adhuc crudum, hinc ab igni depones. Cūq; uti uoles, aquam ei miscebis, ita nimirum temperans, ut uinū. Ergo qui bibet, si nec de acore eius queritur, nec dulcedine, assidue eo utatur: sin alterutro offenditur, adiecto quod desideratur, rursus id coques. Neq; enim eos probo, qui sub una quapiā mensura id cōficiunt, qui mihi similiter ijs affecti uidetur, qui bibētes omnes similiter aquam uino miscere censent: non aduertentes, quibuscūq; utiq; qui diluitori insueuerūt, caput statim si uel pusillo meracius

hauserint, tentari: quibusdam qui meraciorē delectantur, stomachum, si dilutius biberint, subuerti. Cum igitur in uino tam familiari potione ista incidant, multo sanè magis in oxymelite, utpote quàm uinum tum minus familiaritum magis forti, ipsa sequi par est. Satiùs ergo sit ex sumentis gustu, non nostro, iudicium de modo facere: id esse sumentis naturæ conuenientissimum oxymeli ratos, quod utiq; est iucundissimum, proindeq; etiam utile: contra aduersissimum esse quod iniucundū. Galenus hæc tenet. Ex quibus percipere potes, ex gustu etiam alieno oxymel parare. SE. Ergo nullā certam oxymelitis compositionē habebimus, quā seruare possimus. BRA. Idem Galenus (prædictis uerbis non obstantibus) quasdam compositiones docet, quæ pluribus conueniunt, sed hæ sunt primæ mixtionēs, quia deinde secundū uarios gustus immutare oportet. Ideo inquit: Ipsam tamen primam ipsorum mixtionem, quò plurimis coueniat, talē esse oportet: Vni aceti parti, mellis, a quo detracta sit spuma, duplum est miscendum: deinde ambo in leni igni coquenda, donec eorum qualitates in unum coierint: ita enim nec acetum amplius crudum apparebit. Cum aqua uerò statim ita facies oxymeli: Melli quadruplum optimæ aquæ miscebis: dein coques modico igni, quoad spumare desinatur. Ac malum quidem mel multam egerit spumam: quo etiam diutius coqui debet. Optimū uerò ut breuissimo tempore coquitur, ita minimum spumæ euomit: unde nec pari ei coctione est opus: plurimū certè quartam partē eius quod ab initio est inditum, amittit: post uerò dimidio aceti adiecto, rursus coquendum, donec qualitatū

omnino sit utilitas, nec acetum crudū etiā appareat. Post
 hæc aliam compositionem ponit Galenus, inquiens: Con-
 ficitur sane oxymeli tiam tribus statim ab initio mixtis,
 ad hunc modum: Aceti uni parti additur mellis duplum,
 & aquæ quadruplum: atque hæc ad tertiam partem co-
 quantur, uel etiā quartā spuma interim detracta. Quod
 si ualentius id facere studes, tantūdem iniicies aceti, quā-
 tum mellis. S E N. Hic est modus, quem Mesue docuit.
 B R A. Certe is est, & etiā ille Pauli: nam si mel, & ace-
 tum æqualia sint, est modus Pauli. Si autē acetum sit mi-
 nus, est modus Galeni, & Mesue. S E N. Igitur hūc Me-
 sue modū parabimus? B R A. Hūc Mesue conficito, quia
 est Galeni modus. Sed bonus medicus addere acetum,
 quādo opus est, debet. At quia multi sunt, qui aquam &
 mel accipiunt, & usq; ad cōsumptionem ferè aquæ sem-
 per expumando ebullire Faciunt, antequam ponant ace-
 tum: propterea magis laudo, ut in primis, secūdum Ga-
 leni normam, mel despumetur: postea aqua addatur, &
 bulliant semper despumando, quousq; sint duæ lib. Aquæ
 consumptæ, uel aliquid magis: postea addito aceto iterum
 bulliant, non: ut dicit Galenus ad tertiam partem, uel ad
 quartam: sed quousq; syrupi formam habuerit, ut seruari
 possit. S E N. Non uis ergo ut antiquos penitus sequea-
 mur? B R A. Vbi melius inuentum sit, semper melius se-
 quor. Vides autē antiquos in hac re inuicē esse diuersos:
 sed melior forma, & ad conseruandum aptior, & quæ
 pluribus profit, hæc est, quam Galenus edocuit, & quam
 Mesue, Serapio, & Auicenna secuti sunt: nec etiam illa
 Pauli parum congruit. Modus autem conficiendi, quem

diximus, scilicet ad cocturam syrupi, magis cōueniens est
quā ille Galeni uel Pauli. SEN. Arabes igitur ita iur-
gijs afficiendi non sunt. BRA. Imò in condiendis rebus,
et in uarijs compositionibus maxime pręstant: nec un-
quā illuc duci potui, ut de ipsis maledicerem: cū in
multis et ipsi nostram artem iuuerint. illos tantum re-
darguo, qui in gratiam Arabum, eos despicunt, qui bo-
nas literas sectantur. Nunc ad oxymeli compositum ue-
niemus, si in primis me admonueris, an ex zucharo uel
melle, hunc syrupum prępares. SEN. Semper ex melle,
et hunc, et oxymel compositum conficimus: tamen non
desunt, qui ex zucharo parent. BRA. Scio, et Hermo-
laus Barbarus uoluit hoc appellari Oxyzuchar, quāuis
alia res sit uocata oxyzachara, de qua posterius dice-
mus. Nunc de oxymelle composito agendū est, cuius de-
scriptionem enarra. SEN. Ego Mesuen sequor: nam alij
multi sunt, qui illum non sequuntur. BRA. Id scio. Tu
descriptionem quam sequeris, proponas. SEN. Hęc est:

Rcipe corticum radicū Apij

Fœniculi

Seminis Anisi

Apij

Fœniculi

> añ. unc. ij.

} añ. unc. i.

Oxymel
compositū.

Mundentur cortices, et terantur, et proijciantur su-
per eas in uase lapideo positas aceti boni antiqui et al-
bi lib. x. aquę lib. xx. et dimittatur per diem et noctē:
deinde coquatur, donec eius tertia pars cōsumatur: post
ea coletur, et proijciatur super ipsum mel, quod sit me-
dieta eius, et coquatur cum facilitate. Hęc Mesue, quem

sequor. BRA. Tamen multi sunt, qui alio modo parant, nempe quinq; radices accipiunt, & hoc modo ordinant:

Recipe Corticum Radicum apij

Fœniculi

Petroselini

Brusci

Asparagi

Seminum Apij

Fœniculi

añ. unc. ij.

añ. unc. j.

Prædictæ radices cum seminibus in lib. xij. aquæ et li. i. aceti decoquantur, quousq; ad medietatem resoluantur, aut paulò plus: deinde cum melle, quantum sufficit ad syrupi formam ebulliat: sed hic syrupus cum eo de quinque radicibus cum aceto plurimùm conuenit. si ex Zucharo factus esset: si autem absq; aceto fiat, cum illo de quinque radicibus sine aceto conuenit. SEN. Audiui quosdã, qui seminum loco unc. i. se. radicem raphani addidere. BRA. Equidem nonnulli sunt, qui ita parant, sed potius in gratiam quorundam medicorum, quàm quod ita communiter parari possit, aut debeat. Alij etiã sunt, qui semina penitus derelinquunt. SEN. Reperitur hic apud antiquos hic syrupus? BRA. Non, quod sciuerim: quamuis apud antiquos sub oximellis nomine multæ compositiones inueniantur, sicut est oxymel Iuliani, in quem plura ingrediuntur: cuius meminit Galenus ad Glauconem in cura podagræ à bilioso humore factæ, & Paulus lib. III. cap. XIII. Aderat & oxymel splenicum ad spleneticos optimum, & oxymel pro calculosis, quorum compositionum. Paulus lib. VII. cap. XI. meminit. Nos autẽ

Oxymel
Iuliani.

Oxymel
splenicum.

Oxymel
pro calculosis.

hec duo solū prædicta in usu habemus. Optarim autem
ut splenicū paratum seruare: nam optima compositio
est ad spleneticos, & clausa uehementer aperit. SEN. Si
compositionem edocueris, in tuam gratiā parabo. BRA.
Hæc est, quam dicam, à Paulo præcitato loco sumpta:

Recipe corticis Radicis capparis

Scolopendrij

Affari

Ireos

Florum iunci rotundi odorati

Florum cyperidis

Anisi

Cymini

Fœniculi

Acori

Fructus erices

Foliorum tamaricis

Salicis

Radicis Apij

Dendro libani

Scillæ

Aceti xesta una

Mellis xestis tribus:

Guttæ Amoniaci Thymiamatis.

Præpara ad modum Scyllitici, & da cochlearia duo.
SEN. Multa simplicia enumerasti, quæ an habeam, &
quid sint ignoro. BRA. Omnia habes partim in exami-
ne enucleata, partim quando parare uolueris, edocebi-
mus. Interim oxymel scylliticum tractemus. Sed hoc cō-
modius fiet, si acetū scylliticū in primis pertractaueri-

} singulorū unc. i.
}
} uniuscuiusq; unc ij:

Acetum
scylliticum.

mus. SEN. Scire autem cupio de oxymelle cōposito, at
quid utile sit. BRA. Ad omnia ad quæ simplex: sed ue-
hemētius ad febres antiquas, bilem crassam, atq; pituitā
attenuat, & omnes obstructions, præsertim uentriculi,
iecoris, & splenis aperit, urinam mouet, calculosis pro-
dest. Quod etiam Arabes fatentur. Sed tuum modū aceti
Scyllitici enarra. SEN. Ego Mesuen præcise imittor:
etenim scyllæ cortices accipio, nec intrinsecas nec extrin-
secas, sed medias inter eas quæ in centro sunt, & quæ in
circunferētia, & acu simul consuo linea, & XL dierū
spatio in umbra siccari permitto, postea ligneo cultro in
frusta cōminuo, & pro omni libra huius cōminutæ scyl-
læ, aceti boni lib. VIII. inijcio, & in uas uitriatum arcti
orificij impono obturoq; & deinde per alios XL. dies
soli expono, postea co. o. itaq; acetum præparatum est.
Antiqui autem parabant ne hoc modo? BRA. Pul. lib.
VII. cap. XI. hoc modo conficit: Accipe scyllæ candidæ
in minutas partes cōcise, & diebus XL. in umbra exica-
tæ & rursum purgatæ, minas sex, aceti boni xestas
xij. operculato uase ponas sub solem per dies LX. qui-
bus transactis scyllam expressam abijce, & acetū exco-
latum in uas reponito. SEN. Inter hoc Pauli & illud
Mesue multa differentia non est. BRA. Non equidem,
Alj etiam conficiendi modi à Paulo edocentur: nempe
aliqui scyllæ minam unam in aceti xestis sex recipiebant.
Alij uiridis scyllæ idem pondus in sex aceti minas con-
dunt, quod tamē ceteris acutius est. SEN. Paulus men-
tionē nō facit quod medij cortices sumi debeant. BRA.
Subintelligere oportet, & à Dioscoride lib. IIII. anis

madueritur, ubi hanc compositionem scribens, inquit:
Scylla, quæ sit alba deligitur, huius crudæ direpis duris
& extrinsecus positis omnibus, tenerâ medietatem per
minutas partes recidunt, et filo suspendunt ex interval-
lo, ne se cōtingant segmenta per dies XL. in umbra, do-
nec assicentur: deinde cum arida erunt, in aceti optimi
xij. sextarios mergunt, ut diebus septem patiaris effo-
sub sole obturatis diligēter uasis: post eum numerū die-
rum scylla eximitur, calcatur, abijciitur, acetū ipsum eli-
quatur, trāsfunditur, reponitur. SEN. Video apud an-
tiquos in tēpore expositionis ad solem differentiā esse.
Cur autē medios cortices, & non extremos accipiunt?
BRA. Hoc nō immeritō faciūt, quia superficiales par-
tes tum nimis siccae sunt, tum ob solis ardorē & actionē
uenenose effecte sunt: partes uerō quæ apud cētrū sunt
humiditate nimia abundant. Vnumq; adde, non esse reci-
piēdos cortices nimis crassos, nec nimis subtiles, sed scyl-
la, quam sumis, mediocrem substantiā habere debet. Ta-
men & Dioscorides aliorū cōpositiones recenset. Nēpe
aliqui pondo scyllæ in sextatrios aceti quinq; demittūt.
Nec deerāt, q̄ acerrimū acetū parerēt, alio modo quā
cōficeret suū acre Paulus: etenim repugnāt tunicis corti-
ces, & exarescere non permittunt, statimq; musteas ac-
recentes alias pari mensura coniiciūt in acetū, & initio
VII. mensis eximunt. SEN. Hoc acerrimū esse debet, ut
ferē, gustu tentari non possit. BRA. Tamen eo antiqui
utebantur. SEN. Gaudeo cū uiderim & antiquos in
suis compositionibus diuersos, ut nullus inueniatur qui
eandem compositionem eodem modo confectam paret.

Recentes igitur reprehendendi non sunt, quoniā & hoc semper fuit antiquorum uitium. BRA. Si tu antiquorū compositiones contemplaberis, statim inuenies diuersitatem esse, quia compositio efficacior, & minus efficax redditur: quas diuersitates medicus cognoscere debet, ne inefficaciori remedio utatur, quando efficaciori indigemus, & e contrario. In recentiorum autem compositionibus diuersitas est in simplicibus, quæ aliā intentionem pharmaco tribuunt, & quæ morbo potius contraria est. Hoc est, quod uarias compositiones damno, non quia non nouerim antiquos etiā pro uarietate ingeniorum & diuersarum ætatum compositiones immutasse: hoc enim in nostra hac facultate usu uenit, ut aliqui in qualibet ætate nascantur, qui sibi arrogēt. Vnde plinius medicinam artem Interpolem appellat: hi (ut uideantur potius quàm sint) omnia immutant, omnia peruertunt, adeo ut multis occasionem dederint hanc artem inconstantissimā appellandi, quum nulla cōstantior, firmior uē sit. SE. Succurrit ne tot affectibus, quot Mesue enumerat hoc acetum? BRA. Imò et pluribus quàm à Mesue dicantur: nā Plinius cap. II. li. XXIII. inueteratū magis probari docet, & prodesse acescentibus cibis, nam gustatum poenā eam discutit: etiam prodesse his qui ieiuni uomunt, nam calum faucium facit, ac stomachi odorem oris tollit, gingiuas astringit, dentes firmat, colorem meliorem præstat: tarditatem quoque aurium gargarizatione purgat, & transitū auditus aperit: oculorum aciem obiter exacuit, comitialibus, melancholicis, uertiginosis, uuluarum stragulationibus, percussis, ac præcipitatis, & ob id sanguine con

ne conglobato, neruis infirmis, renum uitijis perquã uti-
 le cauendum exulceratis. Adde à Dioscoride plura alia
 dici, quàm à Plinio scripta sint: sed in genere uehemen-
 ter incidit. SE. Quum apud autores tot diuersitates in-
 ueniantur, quomodo confecturus sum ego? BRA. Apud
 Latinos diuersitates solum in tempore sunt. SEN Fuc-
 re ne alij antiquiores latini, qui præter Plinium de hoc
 aceto tractarēt? BRA Columel. lib. XIII. cap. XXX
 III. acetum scilliticum, & eius compositionem edo-
 cet, parum à Plinio differens, nisi in numero dierum quo
 insolatur Palladius in Iulio mense capite octauo, de hoc
 aceto agit, & præparandi modum ostendit: qui & ipse
 in diebus insolationis differt. SEN. Plinij locum non in-
 dicasti, quo hoc acetum parare docet. BRA. Et locum
 indicabimus, et uerba asseremus, ut eius more conficere
 possis. Locus est. XX. lib. capite. IX. Vbi de scilla agit
 inquiēs: Scillarũ in medicina alba est quæ masculus, fe-
 mina nigra: scilla quæ candidissima fuerit, utilissima erit
 Huic aridis tunicis direptis, quod reliquũ è uiuo est, con-
 sutum suspenditur lino modicis interuallis. Postea arida
 frustra in cadum aceti, quàm asperrimi pendentia immer-
 guntur, ita ne ulla parte uas contingat. Hoc fit ante sol-
 stitiũ diebus. XLVIII. Gypso deinde oblitus cadus po-
 nitur subtegulis, totius diei solẽ accipientibus. Post eum
 numerum dierum tollitur uas, scilla eximitur acetum
 transfunditur. SE. A¹ Mesue non parum difert, is ta-
 men non est. Hoc etiam loco Plinius eius uires describit,
 inter quas hoc mirum dictu ponit: sed tanta (inquit) uis
 est, ut auidius austum extinctæ animæ momento aliquo

N

speciem præbeat. SE. Mirum dictum hoc est. BRA. Mirum quidem, sed non impossibile: nempe & nostro tempore huius generis ardentes aquæ parantur, aquæ semimortuos per aliquod temporis spatium reuiuiscere faciunt. SEN. Scio, etiam ego tuo nomine parauì. BRA. Alias parasti. Nunc uero unam ab alijs diuersam parare incipies in gratiam illustrissimi et excellentissimi HERCULIS Ducis Ferrariæ quarti, quem nobis Deus optimus diu seruet, de qua mira plerumque uidi, adeo ut tres guttæ quandoque aliquem adeo reuiuiscere fecerint, quod domui suæ opportuna disposuit, testatus est, & trium dierum spatium adhuc superuixit, qui debebat eadem hora mori. Nonnullique Carmelitæ iudicarunt hanc compositionem eam esse, qua Clemens septimus Pontifex maximus uita fere destitutus, per aliquot diues superiuit. Sed Deus optimus, qui gregem suum ab eo pastore liberare uoluit, huius aquæ uires cōfregit. Tamen hæc compositio, quam faciemus, illa adhuc potentior est, quàm pontifex hausisse dicitur. SE. Quidā autor noster, qui Seruator inscribitur, alios quosdā modos acetum scilliticum parandi docet: at ego quē imitari debeam, ignoro. BRA. Quum antiqui inter se isidentes sint, & potissimum in tempore quo insolatur: propterea à tua consuetudine te dimouere nescirem, ni Mesuē sequaris, qui à Græcis, & Latinis parum euariat, et in tempore insolandi XL. dierum spatium accipit, quod tempus, apud medicos in pluribus criticum est. Scias autem quemadmodum mulieres nostræ singulis annis oleum rosaceum parant, ut eo uasitotum annum utantur quando opus erit, ita antiquior

tempore quisq; acetum scilliticum pro usu domus conficiebat, nec paulatim exhibere uerebantur quousque ad cyathum unum & duos sumerēt. Sed de hoc aceto satis.

SEN. Igitur de oxymelle scillitico loquamur. BRA. Loquamur postquā Græci, Latini, & Arabes de aceto scillitico inter se differunt. Sed quo modo hoc mel scilliticum paras? SEN. Mesuen sequor, nempe accipio mellis despumati libras tres aceti scillitici libras duas, simul coquo cum facilitate semper despumando, quo ad perfectam syrupi formam habuerit. Quo cōfecto, ad medicos usus seruo, quādo materiae ualde frigidae, sunt ualde glutinosae, & tenaces, & quæ in locis sunt à quibus difficulter euelluntur: ualet etiam ad uentriculi, capitis, & uiscerū ægitudines, ad uesicæ mollificationem, & ad eruptionem acetosam. BRA. Quomodo sine aqua conficere potes? SEN. Ego aquam non addo. BRA. Ego autem addendam puto: ut postea semper despumando coquatur: & hoc est, quod Mesue dicit, & perficitur decoctio eius, ut diximus in speciebus secaniabin. Ibi autem aquam ponit. Ideo iudico, quod aquæ libras IIII. inijcere debeas. Nam sicut in secaniabin de radicibus aqua est duplum aceti, ita hic aqua duplum aceti esse debet, etiam aqua in simplici secaniabin acetum in maiori copia superat. Sed quod dixi satis est. Semper autē ob perfectiorem cocturam aquam inijcerem, & ob eam causam quam dicit Mesue in oximelle simplici. S E. Deinceps semper ita agam. Antiquiores autem de hoc Oxymelle scillitico tractarunt he? BRA. De hoc nunquam, sed Paulus Aegineta libro. VII. capite XI. alterius oxyme

Oxymel
scilliticum
cōpositum

litos scillitici meminit, quod in tua officina confectum
uoluerim: appellabiturq; oxymeli scilliticum compositū
SEN. Eius compositionem, ni pigeat, edoce. BRA. Hæc
est, quam dicam:

Recipe Interaneorum mollium Scyllæ lib. ij
Aceti acrioris albi. xestās xv.

Piperis

Petroselini Macedonici añ. unc. ij.

Dauci Cretici

Ameos

Anisi

Nardi Gallicæ

Libystici

Affari

añ. semissem.

Cardamomi

Spicæ nardi

Anomi

Rha Pontici

Fœniculi

Seminis cymini

Laserpitij

Zinziberis

añ. unc. j.

Pyrethri

Hyssopi cretici

Costi

Pulegij

Menthæ uiridis, fasciculnm unum.

Rutæ uiridis tenerioris caules quinq;

Mellis Attici xestam unam.

Hepsematis, id est sapæ, xestas duas.

Apij uiridis fasciculum unum.

Interanea Scilla candida concisa conijce in acetum, & per dies septem sub ardentissimo canis æstu macerari finito, deinde scillam subleuans, arida quidem iam concisa, uiridia uero integra aceto inferre, & post septē dies rursum omnia extrahēs, aceto immitte mel cum hepsenate: quibus decoctis usq; ad crassitudinem in uasculo uitreo reconde. Hæc est Pauli compositio, qua (inquit) uel ante prandium propinationis loco uti debemus, uel post cibum ueluti in salsamento. SEN. Hæc certe magna compositio est. Mesue & ipse secundum Democritum scilliticum oxymel parare docet, sed cum isto nihil habet, omnino sum ipsum paraturus, sed opus erit, quod simplicia quædam edoceas. BRA. Libenter fiet. SEN. Nunc de Oxyzachara sermo fiat. BRA. Hermolaus Barbarus Oxyzachara, Oxyfacha-
mel simplex, si cum zucharo fiat, & nō cum melle oxy-
sachar uocari inquit: & re uera, id est suum proprium nomen: sed alia compositio est quam uos Pharmacopolæ pro Oxyfachar paratis, corrupto uocabulo Oxyzachara dicitis. SEN. Est compositio Nicolai, quæ recipit tres res, acetum, succum granatorum & zucharum, BRA. Ego quandoq; ex solo aceto parari iubeo, quandoq; ex solo granatorum succo, quandoque ex uino Omphacio, quandoq; ex limonum, uel narantiorum uocatorum succo, ut sumentis conuenit. Nicolaus per hunc ordinem suum Oxyfachar fieri iubet, ut recipiantur zuchari libra una succi malorum granatorum unc. viij. aceti unc. iiij. ponatur ad ignem in uase stanno circumlito, & bulliant semper

N iii

spatula agitando, donec ad quantitatem zuchari uel ferre deueniat. BRA. Est potus suavis, qui februm tertianarum inflammationes sedat, qui bile in uentriculo purgat, qui etiā plurimum aperit. Et Oxysachar loco oxymellis tutius uti poteris: quoniam ratione mellis ita nocere non potest, ut oxymel facit. Quippe certus sum si Hippocrates & Galenus zucharum nouissent, Oxysachar componendum uoluissent, minori dispendio, quam oxymel. SE. Gaudeo quoties apud nos aliqua esse inuenio, quae antiquioribus illis recondita, & occulta fuere. BRA. Certum est omnia non nouisse antiquos, in multis tamen diligentiam hebuere. In uno autem in Oxysacharte attentum faciam quod zucharū non clarifices. SEN. Ita semper paro. BRA. Bene est.

S E N E X .

Mel uiolatum.

MEl uiolatum considerandum praetermisceramus. BRA. De illo agendum erat, quando de syrupo uiolato & infusione uiolarum loquebamur. Ut autem de ipso perfecte loquamur, quibus utaris edoceas. SEN. Ego in mea officina mel uiolatum, & Zucharum uiolatum habeo. Zucharum uiolatum eodem modo paro, quo rosatum, unicuique librae Zuchari unc. iij. uiolarum, id est florum uiolarum exhibens. Etiam mel uiolatum ex infusione eodem modo conficio, sicut mel rosatum ex infusione rosarum, quia ex infusione uiolarum & melle, mel uiolatum paro. BRA. De uiolato zucharo errare non potes, quia a Mesue perfectam normam habes, & ab eodem de uiolato melle etiam regulam habes, quia uel fit colatum, uel non colatum. Si quidem colatum fiat

Mesue regulā tribuit: duarum uiolarum partes sint, & sex mellis, ut etiam in Zucharo facis. Tamē huius mellis rarus usus est. Si uero colatū facias, unus est modus cum infusione uiolarū, de quo superius egisti. Alius est modus ex puro uiolarū succo. Tertius est modus, qui mihi summe placet, à Nicolao factus, ut in x. lib. albißimi & purißimi mellis despumati (secundū Nicolauū, secundum nos autē mel ad aurū inclinet) ponatur succi recentiu uiolarum lib. i. cum igni apposita sunt, adde uiolarū recentiu cultro incisarū libras iij. & bulliant semper miscendo, ad consumptionē succi. SE. Quandoq; solebam hoc modo parare. BRA. Sicitati pectoris, & lenta febre affectis plurimum conuenit. S E N E X.

PAucissima inter Syrupos considerata uidetur Si quid, sit Diamorum est. BRA. An inter Syrupos Diamorū numerari debeat, nec ne, in dubio est, tum quia Mesue inter genera Loch (ut eius uocabulo utar) numerauit, tum quia syrupi more non bibitur. Sed de hac re digladiari non liceat, modò compositionem ipsam cognoscamus. Quod genus Diamorū paras? S E N. Quod omnes alij, illud scilicet quod à Nicolao edocetur, qui in hunc modum conficit:

Diamorū
simplex.

Recipe mororum celsi	lib.	se.
Morum bati	lib.	i.
Mellis	lib.	se.
Sapæ	unc.	ij.

Ita etiam conficio: Sumo succum mororum cum melle & sapæ in uase æreo stanno circumlito, & suauiter decoquo: cum autē an coctum sit cognoscere uolo, guttam

N iiii

supra marmor pono: & si inhereat, coctum est: adeo autem inhereat, ut si digito tangam, resiliat, tunc coctum est: hoc uiso percolo, & in uase stanno circūlito usui reseruo. BRA. Vfus eius magnus est in palati excoriationibus, quando uua deciderit, & materia aliqua impletur, ubi in gula ardor persentitur, aut feruor quidā ingens. In principio etiam synanches plurimum ualeat. Sed Mesue aliam compositionem habet, quam Diamorum appellat, in ea distinctiōem ubi de Loch tractat, quā etiam plures faciunt, & quam ad omnes gutturis & uuae apostemata ualere dicit, & ad omnem prefocationem:

Recipe succi mororum dulcium

Mororum desceni

Rob

Mellis

an. lib. i. se.

lib. i.

Coquantur cum facilitate usque ad mellis spissitudinem, & serua Apellaturq; simplex Diamorum. Sunt autem qui cum maior necessitas ingruit, addunt

Aluminis

Myrrhe

Croci

Succi agrestæ

an. partes æquales:

SENEX. Ego nunquam hæc uel addidi, uel addere uidi. BRA. Ego autem in Diamoro quandoq; & hæc & alia (ut opus est) addo. Sed unū admoneo, Mesue huic compositioni hæc addidisse, quæ à Galeno additur VI. lib. de compositione medicamentorū secundum loca, qui liber à barbaris Miamir nuncupatur: & quamuis eadē præcisæ à Galeno in hanc compositionem non iniiciantur, tamen

eandem intentionem sequitur. Eo enim loco duas Diamori compositiones describit, quarum altera Andromachi, altera ipsius Galeni est galenus docet nos puro succo uti debere phlegmone incipiente, & ego eo utor, quā recentia mora in sua arbore pendent: alio enim in tempore cum defunt mora, eorū succus melle mixtus seruatur: tamen sine melle uehementius repellit. Quod in phlegmonum principijs queritur, post principium, quia simul et repellere, & resolvere indigemus, tunc cum melle conuenit. Tamen Galenus in principio simul cum succo, quādoq; Rhum, id est sumachiū dictum miscebat, quandoq; omphacium: quibus deficientibus rosarum flores sumebat, aut siccās rosas, aut balaustium, aut gallam, aut thus, aut hypocistida, aut succum lentisci, aut (ut breuibus expediat) aliquod adstringens, quod uim repellendi habeat: Et hæc est in principio omnium phlegmonum intentio repellere: post principium ad concoquendum myrrha & crocus adduntur: postquam coctio facta sit, iniiciendum est aliquod discutiens, ut nitrum, aphronitrum, sulphur, uel origanum, uel pulegium, uel thymum, uel aliquid simile. SEN. Quomodo parabat Galenus suum Diamorū? BRA. Hoc modo:

Recipe Mellis	lib.	j.
Succi Mororum rubi	lib.	v.
Croci		
Myrrhæ	3 ^{ss}	i. se.
Omphacij	3.	i.

Hic modus Diamori à Pau. Aegineta li. VII. ca. XIII ^{Diamorū}
 Dia norū, compositū appellatur, quod à Galeni Diamo cōpositum

ro in aliquibus et in simplicium poderibus differt. Est autem Pauli Diamori compositi descriptio ea quæ subsequitur:

Recipe mororum succi cotylas sex, coquas ad strigmenti balneorum crassitudinem.

Croci contriti denarium i.

Myrrhæ denarios ij.

Omphacij denarium i.

Schisti lapidis triobolum

Mellis Cotylam unam.

Decoquito quousque crassitudinem induat. SEN. Si Paulus Diamorum compositum hoc appellat, necesse est, quod simplex prius edocuerit. BRA. Imò id egit. nam eodem loco duo Diamori simplicis genera ponit: Alterum ex mororum succi sextarijs tribus, quibus antea decoctis ad consumptionem tertiæ partis, iniice mellis sextarium unum, & denuo ad mellis spissitudinem decoquito. Alterum ex succo mororum batinorum, id est ex rubis nascentium facit, quod primo ad stringentius est. propterea & Galenus uel ex moris celsi, uel rubi conficit. Sed ex rubi moris magis laudat. SEN. In tam ampla autorum discordia quid agendum mihi est? BRA. Laudarem ego, ut duo hæc diamori simplicis genera quæ à Paulo fiunt, seruares: nam post primum, secundo uteremur. Si deinde uehementiori percussione indigeremus, repellentia, ut Galenus facit, addemus: quando resolutione opus erit, resoluentia iniiciemus. Hi autem autores sapam non ponunt, quæ in hac compositione mihi summe displicet, quamuis & à Serapione, & à multis alijs addatur. SE. Cum etiã Hali. X, lib. eius practicæ aliam

compositionem huius Diamori sequatur, & aliā Mesue
 in capite de Squinantia, quam ego imitari debeo? BRA.
 Si duas Pauli simplices compositiones habere non uis,
 simplex Diamorū ex moris celsi, uel moris batini con-
 ficito, quod solum habeas: medici uero pro agrorum ne-
 cessitate, secundum uaria morborum tempora addent. Si
 autem (ut officina tua copiosior sit) Diamorum compo-
 situm habere studeas, illud ex Galeno præadductum, ma-
 gis quā id ex Paulo parato. SEN. Cum Nicolai Dia-
 morum sapam recipiat, est ne idem modus apud omnes
 tum antiquiores tum recētes, parandi sapā? BRA. Rem
 discutiendā moues, quæ magni momenti est in nostra ar-
 te. Sed posteaquā in hanc arenā descendimus, omnia cum
 recentium, tum antiquorum uolumina euoluemus, quoad
 tibi pro parte satisfactū esse cognoscamus, & hoc tanto
 libentius agemus, quia sapa unam est ex his, quæ simpli-
 cium examine tua incuria omissa sunt. Ab arabibus au-
 tem initium sumamus. Cum in Arabum, & Mauritano-
 rum compositionibus Rob, uel Robub simplici uocabu-
 lo inueneris, sapam intelligere oportet: & hoc perpetuò.
 nam id uocabulum, succū significat: sapa uerò per excel-
 lentiam succus appellatur, quia una excellens res est, quæ
 succū delectabilissimū facit. SE. Vinum igitur erit Ro-
 bub. BRA. Duo exiguntur, ut aliquod sit Robub. Vñ,
 quod sit succus. aliud quod sit inspissatus ad formā mel-
 lis. In alijs succis ad sapam ipsam exemplum sumimus,
 quando de eorum inspissatione tractamus, fiat ad for-
 mam Rob, uel Robub, id est ad formā sapæ. Omnis ergo Sapa
 inspissatus succus Robub dicitur, sed per excellentiam

Rob.
Robub.

sapa simplici uocabulo Robub uocatur. Vt autem uerè sit Robub, opus est in primis, quod succus defæcatus sit, deinde per solis aut ignis calorem tantum inspissetur, ut sine corruptione longo tempore seruari possit. Vnde Ferrarienses mulieres per duos et tres annos sapã integrã seruant. Antiqui duo genera sapæ, imò tria habebãt, per uarias cocturas distincta. Vnum genus erat, quod ebulliendo, ad tertiam partem resoluebant: aliud ad dimidiũ.

Hepsēma, primum à Grecis σήμας, ἢ ἑψμα, id est Sircum, uel hepsēma, Latini sapam uocant. Secundum Defrutum dicitur. hoc Plinius lib. X I I I I. cap. I X. docet, inquiens: nam Sircum, quod alij hepsēma, nostri sapam appellāt, ingenij non naturæ opus est, musto usq; ad tertiam partem mēsuræ decocto. Quod ubi factum ad dimidium est, defrutum uocamus. Omnia in adulterium mellis excogitata. Et lib. XXIII. cap. II. inquit: Vino cognata res sapā est, uino decocto, donec tertia pars supersit: ex albo hoc melius. S E. I gitur ex tribus partibus duas resoluebant in sapā? B R A. Ita est. S E N. Ego autē Pliniũ itelligēbam quod tantũ tertia pars resolueretur, & duæ relinquerētur. B R A. Ille non est Plinij sensus, quod ostenditur cum ex hoc cap. II. lib. XXIII. ubi inquit, decocto donec tertia pars supersit, Siquidem superest tertia pars, indicium est quod aliæ duæ partes euanescere. Imò et illud ex illo loco noni capitis lib. X I I I I. colligi potest, ubi inquit, Musto usq; ad tertiã partē mēsuræ decocto. Sed quia hæc uerba non magis id significant, quàm quod sola tertia pars resoluator, propterea id quod sequitur ostendit, quod duæ partes resolui debent, & una

superesse. Sequitur autem, Quod ubi factum ad dimidiū
 est, defrutum uocamus, ac si dicat, Sapa est quoties adeo
 resoluitur ut tertia pars super sit: at in hac resolutione
 quando ad dimidium peruenitur, defrutum uocamus: cum
 uero usq; ad resolutionem duarum partium trāsitus sit,
 est sapa, uel Hepsēma, ab Hippocrate Hepsēton uoca- ^{Hepsēton}
 tur. Nonius autem dicit suo tempore sapam uocatā esse ^{Mellacium}
 Mellacium, fortē quia mel recipiebat, ut nōnullæ ex no-
 stris mulieribus faciunt: uel quia loco mellis utebantur.
 cuius dulcedinem repræsentat. Est & tertiū genus, quod ^{Calenum}
 fit ex resolutione unius partis ex tribus, & Calenū ap-
 pellabatur. SEN. Quod nostre mulieres singulis annis
 parant, quo nodo appellari debet, aut in quo genere po-
 nendum est? BRA. Non est defrutum, neq; sapa, neq; Ca-
 lenum, quia ex quinque partibus quatuor resoluunt: fortē
 quia uina nostra Ferrariensia adeo potentia nō sunt, ex
 quinque enim situlis adeo bulliunt, ut una tantū relinqua-
 tur. Quæ autem meliorem & suauiore sapam parare
 uolunt, uuas bene maturas deligunt, & pinsunt: aliter non
 est suavis sapa, & quæ facile putrescit: Vt autem quidā
 acor ē sapa adimatur, mulieres nostræ cydonia iniiciunt,
 ut simul bulliant. Si cydonijs carerent, poma alterius ge-
 neris, modo dulcia sint, accipiunt. Decipiuntur autē re-
 centes, qui uolunt hoc tertium genus sapæ dici carenum,
 quia tertia parte careat. Imò illius sententiæ fuit Isido-
 rus. At res aliter est: nam calenū dicitur à Caleno oppi-
 do, & Caleno monte, qui distat XIII. millibus passuum
 plus minus à capua capite & primaria olim Campaniæ
 urbe. Nunc oppidis Ferrariæ propinquis uix similis est.

Distatq; Calenus mons à Sessa nunc urbe, non Sinuessā,
 quatuor millibus passuum plus, minus. In Caleno autem
 monte nunc nec oppidi uestigia extant. Hac hyeme ea lo-
 ca uisitauimus, quoniā ab antiquis celebrata sunt, cum
 illustrissimus Princeps et patronus meus HERCVLES
 Estensis Dux Ferrariæ quartus Neapolim ad CARO-
 LV M. V. Iperatorem proficiscerentur. Ad Calenum
 montem equitauimus, uina Calena bibimus, quæ suauissi-
 ma sunt. Propterea Horatius uolēs Mœcenatem allice-
 re ex uino, ut secum in cœna sit libro primo Carminum
 Ode II. inquit Prælo domitam Caleno Tu bibes uuam.
 et Iuuenalis: Molle calenū porrectura uiro. SEN. Vua-
 rum igitur genera magis & minus sapam coqui faciunt?
 BRA. Ita est, quia calena uina ut sapæ perfectionem et
 formam enasciscerentur, solum indigebant resolutione
 unius partis ex tribus. Nostra autem uina indigent reso-
 lutione quatuor partium ex quinque. Imo & ex Caleno
 monte phalerna uina, nigra, dulcia et spumantia ueniunt.
 Nunc is locus idem nomen seruat: nam incolæ appellant
 li faluomi. SEN. Posset ne haberi uniuersalis regula si-
 ne hac mensura? BRA. Posset, & hæc sit: quodcunq;
 genus uue, aut musti acceperis, adeò bulliat, ut mellis
 formam acquirat. SEN. Si Græci in diamoro sapam nō
 ponunt, miror quod Arabes & recentes iniecerint: ne-
 scioq; unde ortum habuerit. Idq; dubiū mihi uidetur de
 re ipsa nunquid sapa in his gutturis affectibus, in quibus
 Diamorum conuenit, præsertim in principio sapa con-
 ueniat. BRA. Rem arduam moues, in qua non ita facile
 respondere possumus. Nempe Græci autores nonnulli in

gargarismatibus & oris collutionibus, & ad inflamatas
gingiuas sapa utitur. Aëtius enim cap. XX. lib. VIII.
de inflammatis gingiuis tractans, primò asininum lac in
ore detinendum esse præmonuerat: postea addit, & hoc
quod ex uino ad tertiam usq; mensuræ partem decocto
apparatur, quod sapā dicimus, itemq; Hepsēma. & ca-
pite LI. eiusdem VIII. lib. idem Aëtius ubi ea ponit, quæ
his qui in arterijs patiuntur conueniunt, & de arteria-
rum pharmacis loquitur, inter alia sapam exhibet, quæ
Sireum quoque, & Hepsēma appellatur: à uino autem
abstinendum monet. & capite LII. ubi de asperitate &
suppressa uoce tractat, quando è pectore educere opus
est, mel & sapam addit. Paulus etiam Aegineta, ubi de
raucedinis, arteriarum'ue curatione loquitur, sireo, id
est sapa utitur. Trallianus etiā lib. II. cap. IIII. de de-
stillatione tenuis materiæ à capite in asperam arteriam
loquens, ex defruto & sapa compositiones facit, ubi
de Diacodione sermonem fecerat: ex his fortè & simili-
bus Arabes, recentes in principio phlegmonum gut-
turis, sapa utuntur, & eo præsertim quia Dioscorides
lib. V. ubi de uino passo, et protropo disputat, inquit: Itē
quod mulso decocto fit, & Sireum, ab alijs hepsēma, &
sapa dicitur. Si nigra euadant, pingua, copiosi q; ali-
menti erunt. Si alba, tenuiora. Si heluola, uariata q;, me-
diam uim utriusq; naturæ ferent: omnibus tamen uis ad-
stringendi, continendi q; adiuncta. Arteriæ languidos
ictus recreat. Ex his habes secundum Dioscoridem, sa-
pam uim restringendi habere, & ex consequenti repercu-
tiendi: propterea ad inflammationes gutturis in principio

ualere sumi potest. Sed his omnibus Hippocrates oppositus esse uidetur, qui in II. lib. de ratione uictus inquit: Defrutū calefacit, madescit & subducit: calefacit, quod uinosum est: madescit, quoniam nutrit: subducit quod dulce est. Vnde secundum Hippocratem colligere potes, in harum inflammationum initijs sapa exhiberi non posse: propterea (salua semper Dioscoridis pace) in principio inflammationum asperæ arteriæ, aut partium oris, ego nunquam uterer sapa. SEN. Quid dixit Dioscorides? BRA. Esse adstringentis naturæ. Quod si sit, in principijs conuenit. Nempe ab omnibus antiquioribus medicis, & ab ipsa ratione animaduertitur in principijs repellentibus nos uti debere: postea resoluentibus, deniq; mitigantibus: quod bis aut ter à Paulo Aegineta libro tertio cap. XXVI. edocetur, et ab Aëtio locis præcitatis: quos si contemplemur, in principijs sapa non utitur: ab Alexandro Tralliano libro secundo capite IIII. à Galeno in sexto de compositione medicamentorum per loca. SEN. Sapa quando fieri debet? BRA. Quando uuae sunt exquisitè maturæ: quāuis Plinius libro XIII. capite XXI. dicat, ipsa quoq; defruta, ac sapa, cū sit cœlum sine luna, hoc est in sideris eius coitu, neque alio die coqui iubēt. Præterea plumbeis uasis non æreis, nucibus iuglandibus additis: eas enim summm excipere. Nostræ autē mulieres poma cydonia, aut alia, si hæc desint, iniiciūt. Idem Plinius lib. XVIII. cap. XXXI. de tēporibus uindemiæ loquens, inquit, hoc scilicet tempus, & defrutum coquendi, silente luna noctu, aut si interdiu, plena. Quæ à Ferrariensibus mulieribus nunquā obseruantur.

tur. SEN. Igitur sine sapa Diamorum parabo? BRA S.

Sine sapa: quippe Græci autores sine sappa cōficiunt, & Alexander Trallianus lib. 1. cap. XLI. ubi angine præsi-
dia scribit, diamori simplicis & compositi confectioes
edocet. SEN. Quæ sunt hæc? BRA. Pro simplici diamo-
ro conficiendo recipito succi mororum sextarios quinque,
decoquito donec mellis liquidi crassitudinem contrahat:
deinde mellis sextariū unum adijcito, & iterum coquito
donec mellis densitatem obtineat. SEN. Quomodo facit
suum compositum Alexander? BRA. Nunc dicemus.

Diamorum
compositū
Alexātri.

Recipe succi mororum

Sextarium unum,

Croci

Myrrhæ

Denarium pondo duūm.

Omphacij tosti & in puluerem redacti denarij pona-
do unius.

Aluminis

Denarium pondo duūm.

Mellis

Sextarium dimidiatum.

Succus mororum per horam arefcat: inde igni admotus
parum spissior reddatur: mel autem iniectum ad tertias
decoquito, & ubi gelascere cœperit, pulueres quoque in-
ijce: et sicubi incidat usus, utere. SEN. Tamem hoc com-
posito in principio uti non debemus. BRA. Non equi-
dem: imò ipsemet Trallianus ubi simplex diamorum de-
scribit, hoc obseruandum monet, ut ἐν τῇ ἀρχῇ, id est
in principio adhibeantur quæ reprimendi uim habent,
ἐν τῇ ἀρχῇ, id est in summo uigore quæ digerendi,
ἐν τῇ παρακμῇ, id est in declinatione, quæ, leniendi
phlegmonē, mitigandiq; facultate prædita sunt. Imò Pau-
lus Aegineta præcitat is locis mel in principio miscendū

○

esse non uult, sed in augmento solum. Addimus autē nos
 mel, ut diu seruetur: aliter breui corrumpetur & diu
 seruari non posset. S E N. Cū in simplicium examine
 mora pretermiserimus, ab re non erit, ea hoc loco tra-
 ctare. B R A. Id libenter faciam à recentibus initium su-
 mens: nam ex his in antiquam harum rerum cognitionē
 uenimus. Apud nos duo mororum genera reperiuntur
 ex coloribus distincta, album, & nigrum. De albo moro
 nihil apud Theophrastum, Dioscoridem, Plinium, Ca-
 tonem, Palladium Columellam, aut alium ex antiquiori-
 bus, qui de re rustica aut plantis locuti sunt. S E N o rē
 miram, quam audio. Igitur antiqui album morum igno-
 rarunt? B R A. Ita uidetur. S E N. Tamen sericum ha-
 bebant. B R A. Habebant & bombyces, sed nigro moro
 utebantur, & suos bōbyces isto pascebant: & si hi uer-
 mes nigro moro uescantur, sericū pulchris, splendidiusq;
 fit. S E N. Fieri potest quod antiquorum aliquis de albo
 moro locutus non sit? Res est, quæ mihi ferē impossi-
 bilis dictu uidetur. B R A. Nullus, præter Ouidium album
 morum uel à longe descripsit. S E N. Non possum non
 ualde mirari de antiquioribus, & præsertim de Plinio
 omnium sagacissimo. B R A. Fortē Plin. album morum
 præterijt, quoniam à Theophrasto eius mentio nulla fit,
 quem in plātarum historia adeò imitatur, ut eius simia
 uerē dici possit. S E N. Nec illud dici potest, hos uiros
 ideo album morum omisisse, quia arbor notissima esset,
 quoniam de ualde notioribus historiam scripsere, & de
 uulioribus: & huius arboris folium ad pascendos uermes
 mollius est, quàm mori nigræ folium, et nunc tota Italia

folijs huius albæ mori utitur. Sed quo loco, & ad quod
propositum de alba moro sermonem habet Ovidius?
BRA. Est in IIII. li. Metamor. ubi Thyestes et Pyrami
insolentes amores describit. Quippe locum quendam
statuerunt, in quem ambo comuenirent: locus autem erat
notissima morus, sub qua alter alterum expectare debe-
bat. Ne autem carmina queras, hæc sunt quæ dicam:

Ne uesit errandum lato spatiantibus aruo,
Conueniant ad busta Nini, lateantq; sub umbra
Arboris, arbor ibi niueis uberrima pomis
Ardua morus erat gelido contermina fonti.

Imò Ouidij sententia uidetur, quod omnia mora prius
alba fuerint: deinde ob Pyrami & Thyestes sanguinem,
nigra effecta sint. Ideò deinceps cum seipsum perimit
Pyramus, in hunc modum canit:

Quoq; erat accintus, demisit in ilia ferrum,
Nec mora feruenti moriens è uulnere traxit,
Et iacuit resupinus humo, cruor emicat altè,
Non aliter quàm cuius uitiato fistula plumbo
Scinditur, & tenui stridente foramine, longas
Eiaculatur aquas, atq; ictibus aëra rumpit.
Arborei fœtus aspergine cædis, in atram
Vertuntur faciem, madefacta q; sanguine radix
Purpureo tinxit pendentia mora colore.

SEN. Hæc mihi uidentur anilia fabulamēta, quæ hyeme
apud ignem puerulis recitantur. BRA. Fabulamenta ui-
dentur, sed quæ subtegmine philosophiæ mysteria te-
gunt & quæ possunt saltem testimonium reddere apud
Romanos mora alba extitisse. Nam deinceps cū Thy-
=

be se perimit, deos rogat ut arbor suæ cedis testis sit: et sicuti Pyrami sanguine tincta erat, etiam sui ipsius sanguine tingatur: propterea canit Ovidius:

Vota tamen tetigere Deos tetigere parentes,
Nam color in pomo est ubi permaturuit ater.

SEN. His nugis omiſſis, ad rē nostrā redeamus. B R A :

Mora nigra Apud antiquiores autores alba mora non extant, sed nigra solū, quæ sycaminea appellabantur, & sycomora, id est Aegyptia ficus, et mora rubi. Sycomorū nō habemus

Sycamorea, **Sycomora,** SE. Arbor illa procera, quæ nūc Ferrariæ paſſim uiſet quam uulguſ sycomorū appellat, nō est ergo sycomerus? B R A. Non equidē: est tamen sycomorus procera arbor sed ficui similis, quæ fructum moro maiorem, et ficui minorem gignit, dulcem, suauē, & qui granula non habeat ut morum. SEN. Igitur sycomoro caremus. B R A. Ca-

Mora celsi, remus, ideo prætermittatur: extant apud nos mora nigra, quæ uulgo celsi mora uocantur, putant recentes ob arboris celsitudine celsi mora nuncupata esse, sed apud antiquos absoluto uocabulo mora dicuntur, et cum mora dicuntur, hæc intelligunt, quæ etiam appellant sycamina: quamuis hæc nomina Attica non sint, ut Galenus libro secundo de alimentorum facultatibus docet. Sed (ut inquit) quibus placet Atticissimus, his non placet medicæ artis ueritas. Ab Arabibus hæc mora, quæ à recentibus celsi mora dicuntur, Tut uocantur, ut ex Serapione capite CXXXII. de simplicium medicamentorum facultatibus colliger, licet: eo autem loco Galenum adducit. Sunt igitur hæc mora, quæ supra arbores proceras nascuntur, & quibus in mense Maij & Iunij uescimur,

& quæ aduersari stomacho, & facile corumpi Diosco-
 rides & Galenus dicunt, ea quæ ab antiquis absoluto vo-
 cabulo mora dicuntur. Sunt præterea mora bati, quibus ^{Morabati}
 Galenus & Paulus ad componendum Diamorum liben-
 tius utuntur. In rubo nascuntur multum differente Cal-
 lo. ab Hippocrate maratha nuncupantur. Sed Hermo-^{Marathas}
 laus Hippocratem emendat, ut legendum non sit $\mu\alpha\rho\alpha$
 $\delta\alpha\alpha\theta\beta\alpha\tau\alpha$, id est maratha à bato sed $\mu\omega\varsigma\alpha\tau\alpha\alpha\delta$
 $\beta\alpha\tau\alpha$, id est mora à bato, id est rubo. Nos autem tria
 mororum genera in humilibus plantis nascentia cogno-
 scimus. Vnum supra rubum. aliud supra idæum rubum. ^{Mora canis}
 Tertium quod uulgo mora campagnuola appellamus, ^{pagnuola.}
 inter campos nascitur & inter arua, humilis arbuscula,
 spinosa, folia tamē rubi & eiusdem generis morum duo-
 rum, trium, quatuor, aut ad summum quinque acinorum ^{Rubus}
 fert. SEN. Possunt hæc ad certa genera & commu-^{Scutis}
 niora nomina duci? BRA. Duo sunt Latina nomina,
 quibus hæc omnia significatur, rubus & sentis. Plinius
 hoc nomen rubus scribit, & eo utitur. Columella hoc
 nomine sentis utitur: ut apud Latinos hæc duo nomina ^{Rubus canis}
 generalia sint, rubus & sentis: sed apud Græcos gene-^{nus.}
 rale nomen est $\beta\alpha\tau\alpha\varsigma$. Propterea cum apud Galenum, ^{Rubus Idæ}
 aut alium autorem Græcum legimus $\mu\omega\varsigma\alpha\tau\alpha\beta\alpha\tau\alpha$, ^{us.}
 hæc intelligimus. Sed nostris his uocabulis differentiæ ad ^{Rubus}
 dunt, quod & Græci prius fecere. Nam apud Latinos ^{terrestris}
 differentiæ sunt, rubus caninus, rubus idæus, rubus ter-^{Sentis canis}
 restris, uel sentis canis, uel caninus. sentis humilis uel ter-^{nus.}
 restris, sentis idæus. Græci autem habent $\kappa\upsilon\nu\sigma\beta\alpha\tau\alpha\nu$, ^{Sentis Idæ}
 $\iota\delta\alpha\upsilon\mu$, $\chi\alpha\mu\epsilon\beta\alpha\tau\alpha\nu$. SEN. Nondum edocuiſti, ^{us.}
^{Cynosbaton}
^{Baton}
^{Idæum}
^{Chamæbaton}

quid essent hæc mora apud nos. BRA. Nunc id agemus? Mora quæ in spinis sunt supra rubos in senticetis, & pro tuendis nostris arui: à beluis & hominibus, absolute mora rubi dicuntur, uel mora sentis, uel mora sentis canis, uel mora bati, uel batina. SEN. Hæc cognosco: & his utor, indiamoro. BRA. Dioscorides dicit nuncupari

Mora uaticana. ab Arabibus Suleich dicuntur, ut Serapio testis est, capite CXXIIII. sui libri de simplicium medicamentorum facultatibus, præsertim si ipsum Galeno conferas, eo loco quo de rubo sermonem habet. Adest et apud nos in foueis quæ agros determinat, & alie nos greges arcent, genus quoddam rubi breues spinas habens & tenellas, ipsaq; arbuscula tenella est, & flexi-

Rubus Idæus.

bilis, hoc genus rubus idæus nuncupatur. SEN. Putabam in Ida monte solum nasci. BRA. Nō dicitur Idæus quia solum in Ida monte nascatur, sed ob magnā copiam, quæ ibi uiret: tamen et in Ferrariensibus senticetis Idæi rubi pullulant. SEN. Nos moris Idæi rubi, & rubi canis indiscriminatim utimur. Dic autem quæ sunt apud antiquos illa mora parua ualde nigra, quæ in aruis nascuntur, & multum adstringentia sunt? BRA. A Græcis arbuscula illa χαμαίβητος Chamæbatos, id est humilis rubus, uel terrestris rubus, uel sentis humilis nuncupatur. hoc est genus illud rubi quod facit mora apud nos campagnola appellata, quæ nigra sunt parua, & ad summum quinque granula coaceruata habent, de quo rubo Theophrastus tertio de plantarum historia meminit, cum inquit: ἐστὶ δὲ καὶ τῶ βαίτε πλείω γένη, μνηστὶς δὲ ἐχούσας φλογαί, ὅτι ὁ μὲν ὀρθοφύης καὶ

ὑψὸς ἔχωρ, ὁ δὲ ὑπὸ τῇ γῆς ἰὺ δυνδῖς' καὶ τῶν δυνδῶν.
καὶ ὅταν σωαί πῆ τῇ γῆ, εἰς ὅσον πάλιν, ὅν δὴ
καλῶσι πνὲς χαμαίβατον. ὁ δὲ κυνόςβατον τὸν καρ-
πὸν ὑπερυθρον ἔχει, καὶ πᾶσι πλῆσιον τῷ τοῖς εἰοῖς
φύλλω. ὅτι δὲ δένδρος καὶ θάμνος μετὰ ξύ καὶ πα-
ρόμοιον ταῖς εἰοῖς. τὸ δὲ φύλλον ἀγνῶσθαι. *Quem*

si interpretari uelimus hæc dicit: Amplius autē et ru-
bi plura genera maximam habentia differentiam, quod
hic quidem rectus, & in altitudinem se habet, ille autem
in terram & deorsum inclinans: & statim cū terram
attingit, iterū radicem facit, quem nōnulli chamæbaton,
id est humilem rubum appellant. Ille autem, quem cyno-
sbaton, id est canis rubum uocant, fructum habet ruben-
tem similem illi punice, id est similem cytino punice. Est
autem medius inter fruticem et arborem, & punice si-
milis, folio amerine. Hæc Theophrastus. SEN. Mihi ui-
detur Theophrastum uoluisse nostrum rubum caninum
in altum erigi. BRA. Id quidem absolute non dicit: sed
ad alterum cōparatione facta, qui humilis & terrestris
adpellatur, ideo dixit ipsum esse medium inter fruticem
et arborem. SEN. Ex Theophrasto solum duo rubi ge-
nera sumi uidentur, caninus & terrestris: tamē adest &
rubus absolute. BRA. Apud Dioscoridem tria genera
Bati, id est rubi, uel sentis tantum inueniuntur: Cynosba-
tos, de quo in primo libro, quem Serapio capite CXXV:
Set appellat, & Batos absolute, & Batos Idæus: de qui-
bus quarto libro tractat. Sed batos absolute, id est rubus
& rubus Idæus nō differunt, nisi spinis et loci abundā-

tia. Ideo apud Dioscoridem solū duo rubi genera inue-
 niuntur, Cynosbatos, et Batos. Vnde & Galenus de duo-
 bus solum tractat, de Bato VI. lib. de simplicium medi-
 camentorum facultatibus, et de Cynosbato VII. lib. Pau-
 lus & Aëtius eundem ordinem servant: nam de Bato et
 Cynosbato duobus locis tractant, et de rubo. Ideo nus-
 quam, tanquā de eo qui non est distinctus à rubo nisi per
 teneritudinem, spinas. Imò & Plin solum de Cyno-
 sbato et rubo differit, quāvis lib. XXIIII. cap. XIIII.
 dicat Cynosbaton habere folium uestigio hominis simile,
 & Idæum rubum tantum in Ida nasci, cum tamen apud
 nos sit, & eo loco multa rubi genera enumeret, quæ re-
 uera à Theophrasto, Dioscoride, Gal. & alijs distinctæ
 plantarum species ponantur. SEN. Ignoro adhuc, quid
 per hunc tuū inordinatū discursum inferre uelis. B R A.
 Hoc inferre intendebā, Theophrastū, Dioscor. & alios
 Græcos sibi ipsis consentire, & esse tantum duo rubi ge-
 nera, scilicet rubus absolute, uel rubus terrestris, uel ru-
 bus humilis, et Cynosbatos, id est rubus caninus, quæ
 duo genera tantum enumerātur: nam rubus Idæus saltem
 uiribus à rubo humili non differt: nec de illo Galenus,
 Paulus, aut Aëtius tanquam de re distincta tractāt. Nec
 impedit, quod Theophrastus uidetur sentire tria esse ru-
 bi genera, humilem, magnum, id est cani rubum, & me-
 diū: quia ad duo reducūtur. Imò et Galenus in II. lib. de
 Aliment. facult. solū de duplici rubi fructu differit. Pri-
 mo de rubo, postea de rubo canino. De rubo inquit: Ru-
 bi fructum nostrates homines à bato, batinum uocant.
 & deniq; addit: Omnia porrò quæ ex mori succo medica-

tamenta componuntur, ex huius liquore parata efficacior em uirtutem acquirunt: postea de rubo canis tractat, inquit: Canis rubi fructus longe adstringentior rubi fructu existit, ideoque uentri supprimendo accommodatior. Rustici frequenter hunc existimant tenui alimonia, uocantque Cynosbaton, id est canis rubum. Ut ergo in hac re finem faciamus, et denique receptui canamus, scito id genus sentis aut rubi, quod chamæbatos, id est humilis rubus à Theophrasto uocatur, à Dioscoride, Galeno, Paulo, Aëtio absolute Baton dici, à Plinio rubum, à Columella sentem. Est autem id quod Mora campestris à nobis uocata gignit, quæ inter campos nascuntur, et cum uindemia maturescunt, nigraque sunt dulcia, et ad summum V. aut VI granula habentia. SEN. illa sunt, quibus pro Bati moris in Diamoro conficiendo utimur. BRA. illa conueniunt, et sumi debent. Illud autem quod à Theophrasto dicitur Cynosbatos, id est rubus canis uel sentis canis, est ille met rubus, de quo Dioscor. Galenus, Paulus, et Aëtius agunt, et est ille qui apud nos dicitur Roueda, qui in Ferrariensibus foueis passim inuenitur, ad arcendas belluas, et furaces homines à campis, facitque mora ad oliuæ magnitudinem. In Ferrariensi solo infiniti huius generis rubi inueniuntur. SEN. Non uimus, sed quid est rubus Idæus? BRA. Considera Ferrariensis agri senticeta, rubos inuenies qui paruas spinas habeant, raras, et qui magis tenelli sint, et eorum mora magis rubra sunt. SEN. Frequenter uidimus similes rubos, imò et sine spinis inuenimus. BRAS: Hic est Idæus rubus, qui in multis Italiae partibus, præferat

tim per Apenninum sine spinis uiret. Rustici Mediolanenses huius rubi Idæi moris libenter uescuntur, nec spinas habet. ita in montibus Mediolano propinquo-ribus nascitur. Hæc mora ab incolis Namponi proprio gentis uocabulo appellantur. Hæc de Moris tibi dicenda uidebantur: nisi in mentem uenisset Seruium per fraga, Mora quæ in herbis nascuntur interpretari, in Damoctæ et Corydonis altercatione, cum poëta canit:

Qui legitis flores, et humi nascentia fraga.

Mora de
sceni.

Siquidem terrestria mora intelligit Seruius, certè deceptus est. At si intelligit uera fraga quæ in Triphylo nascuntur, ipse autem appellet mora in herbis nascentia ob similitudinem, quam fraga cum moris habet, seruiio adstipulamur: nempe multa sunt, quæ cum moris affinitatē habent, et ex substantia granulosa et acinosa cōposita sunt. SEN. Quæ sunt apud Auicennam Mora de sceni quæ ipse amara esse fatetur? BRA. Ea ne intelligis, de quibus tractat lib. II cap. CCCCII? SEN. Ea intelligo. BRA. Aliàs quid essent dubitavi, ob id quod dicit, Amarum autem, quod nominatur Morum de sceni: nulla autem mora amara inuenimus, ideo putabam in Auicennæ patria mora aliqua amara esse: sed postea animaduertimus, nihil aliud esse morum de Sceni, quàm id quod nos uocamus Morum celsi. Morum autem, quod ipse appellat Alfirsedu, et quod dicit secundū Semicam ficus curare, est Sycomorus, quem Latini Aegyptiam ficum uocant. Propterea Auicenna dicit magis loquendum esse de moro de sceni, quàm de Alfirsedu. Vnde proprietates, quas ponit de moro de sceni, omnes sunt proprietates

mori celsi, uel morti absolutè Dioscoridis. SEN. Aliqui per mora de sceni, bati mora intelligunt, alij mora cynosbati. BRA. Hi mirè decipiuntur, quia de rubo capit. CCCCLXXIX. & simul de rubo, et canis rubo pertractat. Ideo apud ipsum nihil aliud intelligo, quàm quod Alfersedu sycomorus sit, & morum de sceni, Dioscoridis morum sit, quod uos celsi morum uocatis. Nec moueor, quod legatur esse amarum, quia interpretes errauit, & debuit interpretari acidum. Id apparet ex hoc quod de eius Rob tractare uolens dicit esse acetosum &c. SEN. Non possum non credere quod dicis, quoad ab alio melius edocear. Sed unum est in quo de Plin. miror, qui dicat Cynosbaton habere foliū uestigio hominis simile. BRA. Aliàs & ego admiratus sum: sed postea admirari desij, multa folia considerās, quæ similitudinem solæ, habere uidentur. Theophrastus dicit habere folia αυτῶν Hermolaus Barbarus legendum putat ἵχθυος id est humani uestigij forma, quia & hoc modo uisus est Plin. interpretatus esse Theophrastum, & eam lectionē habuisse. SEN, Miror etiam cur libro XXIIII. capite XIIII. Plinius dicat cynosbaton fere uuam nigrā, in cuius acino neruum habet, unde Neuros pastos dicitur. Neuros pastos. BRA. In hac re si per neruū lanam intelligat Plinius, uerum dicit, aut duritiem quandam in medio. Si quid aliud, quid sit nescimus, nisi cum Hermolao dicamus deceptum esse plinium in Cynosbato, quia Smilax aspera, id est hederaciliffa, uuas modo labruscæ habet, tamen ut Dioscorides inquit, ab aliquibus cynosbatos dicitur, ut in hoc uocabulo cynosbatos decipiatur. Sed potius arbitror per

neruum lanam, aut duritiem quādam: per uuam, Morum
 ipsum Plinium intelligere: nam Smilax uuam nigrā non
 habet, sed rubram, & pulchro rubore insignitam. SEN.
 Plinius etiam uelle uidetur apud Græcos Rhamnum ru-
 bi speciem esse. BRAS. Ita sentit Plinius, tamen nullum
 autorem uidi (quod sciam) qui rhamnum, aut lytium spe-
 ciem bati poneret: fortē quia propinquē nascuntur, ideo
 Rhamnus. Plinius ad rubi genus deduxit. Nunc breuibus receptui
 canamus, quum ab autoribus mora batina absolutē dicun-
 tur, mora intelligas, quæ uulgò campagnola appellamus.
 SEN. Semper illa accipio. BRA. Tamē alij sunt, qui illa
 non accipiunt, sed ea quæ dumetis supra cynos batos, id
 est rubos caninos nascuntur. SEN. Quæ est horum dif-
 ferentia? BRA. Quia rubi canini morum magis adstrin-
 git quam humilis rubi. Scitoq; alba mora per insitionem
 fieri supra populum albam: ideo nouum inuentum esse.
 Quare non mirum, si de illo antiquiores non meminere:

S E N E X.

Rob. nuc. V Frcor ne Rob nucum, quod Diamorum sequeba-
 tur, de tam longa mora conqueratur. Ideo his
 Diacarydis omissis, ipsum contemplemur, quod Diacarydion à Græ-
 cis dicitur. BRA. Διακάρυον, non Diacarydion dici
 debet. In hac autem compositione quem sequeris? SEN.
 Mesuen sequor, quamuis & Hali, & Serapio, in specie-
 bus Rob, eandem compositionē faciant. BRA. Quomo-
 do autem paras? SEN. Hoc modo secundum Mesuen:
 Recipe succi exteriorum corticum nucum in diebus
 canicularibus lib. iiij. decoque ipsum decoctione una: de-
 inde adde mellis lib. ij. & decoque, donec incrassetur, &

fiat sicut mel. Hæc est prima compositio, quæ à Mesue conficitur. BRA. Alias nunc prosequaris. SEN. Mesue in hoc Rob nucum quatuor intentiones ponit. Prima est, si hoc medicamen pueris exhibeatur, aut mulieribus, aut humidis natura, nihil aliud addit, quàm quod simpliciter dictum est. Secunda intentio, quando morbus est in principio, opus est stiptica immiscere ut sunt rosæ & balau stia. Tertia intentio, quando morbus est in statu, opus est crocum & myrrham cōmiscere. Quarta intentio, quando morbus in declinatione est, baurach, & sal ammoniacus addenda sunt, In his intentionibus Græcos imitatur. Hæc enim compositio illis exhibetur, quibus à capite ad pectus & cannā pulmonis materia acuta & subtilis defluit, quæ quandoq; eadē die suffocat, aut abscessum facit, qui breui perimit. Propter hoc Græci duas compositiones parant. Alteram Dianucis simplicis. Alterā Dianucis compositi. Videoq; Mesuē hanc suam compositionem ab Alexandro Tralliano accepisse. In mellis autem quantitate differunt, quia ex nucibus compositionem facit, sicut etiam Diamorum fecerat: tamen coquendi modo considerato, in eandem ferē quantitatem ueniūt, quia in mense Augusti nuces accipit, & exteriores cortices detrahit, quæ in mortario contundit & exprimit, magmate proiecto succum mediocriter decoquit, & pauxillum mellis addit, ut in compositione Diamorū, & deniq; ad mellis cōsistentiam elixat. In Diamoro autē accipit succi mororum sextarios V. et ad mellis liquidi cōsistentiam coquatur: postea sextarium j. mellis addit, & ad spissitudinē mellis coquit. Ita in compositione & nu-

Dianucis
simplex.
Dianucis
cōpositum.

cibus fiat, sumantur V sextaria succi putaminis: exterioris nucis, & bulliant ad spissitudinem mellis liquidi: postea addatur sextarium j. mellis, & ad consistentiam mellis deducatur. Postea Trallianus ea addit, quæ nos putamus Mesuen ad uerbum accepisse. Inquit enim infantibus & mulieribus & in principiis sine aliquo addito esse exhibendum. In summo autem uigore addendam esse myrrham. In morbi uero declinatione, sulphura & nitrum addit. Mesue tamen differt, quia in principio rosas, & balaustra commiscet: Alexandro autem nihil. Paulus autem duplex Diacaryon facit, simplex & compositum. Simplex idem fere est cum illo Alexandri & Mesue: nempe recipit succi cotusi corticis nucum uiridium cotylas quinque, mellis cotylam unam, & coquatur ad diametrum, id est ad conueniens corpus, quod est ad spissitudinem mellis.

SEN. Compositum nunc tractemus. B R A. Compositum quidem docet Paulus, & de composito seorsum scribit, quod nihil aliud est quam simplex, cui ea quæ à Mesue accepta sunt addit, et compositum uocat. Nempe, inquit Paulus, ab initio quidem statim, & in uigore, in oris inflammationibus miscere oportet croci & aluminis uniuscuiusque denarium s. myrrhæ denarios ij. In declinatione autem propter dissipationem nitri denarium j. sulphuris tantundem prædictorum quantum cum succi. tum mellis.

SE. Mihi non placet in principio crocum commiscere.

B R A. Nec mihi. propterea arbitratus sum Paulum hoc modo intelligendum esse: Ab initio quidem statim opus est uti simplici Dianuce, postea sequatur: & in uigore miscere oportet croci & aluminis uniuscuiusque denarium j.

Et hoc in principio non ponatur: sed Alexandro con-
 cers in principio simplex detur: alia in alijs temporibus
 addantur, tuncq; à Paulo lib. VII. capite XII. Diaca-
 ryon compositum appellatur. De diacaryo etiam Gale-
 nus diffuse lib. VI. de componendis pharmacis secundum
 loca agit. Imò Galenus huius compositionis inuentor
 fuit. Nullus enim ante ipsum ea usus est. His autem
 omisſis, alios syruſos proſequamur. SEN. Nullus ſyrus
 puſ eſt à prædictis diuerſus, quem in officinis habeamus,
 niſi medicus aliquis particularis unum ſibi finxerit, Et
 proſe parari iubeat. BRA. De his nihil ad nos, quippe
 inſtitutum nobis erat eos ſyrupos tantum proſequi, qui
 Et Ferrariæ, et per totam Italiam in communi uſu ſunt.
 Si quis autem unum ſibi fingat, eo utatur, Et illum, ut
 ſibi uidetur, examinet, ſi componendi canones bene didi-
 cerit. SE. Solebamus Et in officinis Rob de ribes ſeruare. Rob de Ri
 re, nunc autẽ non habemus, nec eo utimur. BRA. Et nul- bes.
 luſ eſt Ferrariæ qui habeat. Venetijs autem multi ſunt
 qui Riben ſervant: tamen apud autores quid ſit incer-
 tum eſt. Nempe apud Theophraſtum, Dioſcoridem, Ga-
 lenum, Oribasium, Paulũ, Aëtium quærens inuenire non
 potui. Minus apud Catonem inueni, Varronẽ, Plinium,
 Palladium, Columellam. Soli Arabes de hoc ſucco, et de
 ipſa herba uel frutice locuti ſunt. Nam Serapius capite
 CCXLI. de Ribes tractans, ſolos Mauritanos refert, et
 nullos Græcos. Aſſuetuſ autem eſt, quũ Græci de aliqua
 re loquuntur, ipſos primò adducere: quum uerò nullum
 Græcum adducit, eſt Arabum inuentum, Et reſ ſua pro-
 pria. Riben autem ſecundum Iſaac ben Abraham de-

scribit, plantam esse quæ habeat capreolos recentes, rubros ad uiriditatem tendentes, & habet folia magna, lata, rotunda, uiridia, & habet grana, quorum sapor est dulcis cum acetositate, & ipsa est frigida et sicca in II. gradu, & signum super hoc est acetositas eius, & stipticitas: omnesque autores, quos Serapio adducit inquit frigidam et siccam esse in II. gradu. Auicenna uero in III. gradu dicit. Venetias quendam succum ferunt, quem dicunt esse Riben, deferunt autem Alexandria Aegypti, inquit te ex Damasco Prius Alexandriam allatum esse, & quod in Syria ingens copia nascatur. Alij ex Corasconi deferri tradiderunt. Vt autem de re ipsa agamus, scito arbusculam quãdam ex uarijs Apennini locis ad nos cõportari, quam riben appellant, & nunc in multis locis Ferrariæ habetur, & in multis hortis uiret: folium uitis habet, sed minus incisum, & paruos racemos facit: qui quando maturantur, rubri fiunt, & saporem acidum habent, adeo ut ego putem in secundo gradu infrigidare & exiccare. Et etiam is succus qui Alexandria Venetias affertur (meo iudicio) in secundo gradu potius quàm in tertio frigidus & siccus est. Ideo Serapioni potius quàm Auicennæ credimus. Quod autem nos riben uocamus, & nunc Ferrariæ, & Murani Venetiarum aliquibus locis, et Patauij, & Bononiæ uiret. Mauritanorum ribes esse non potest: quia inquit suum riben lata folia habere, magna, rotunda, uiridia. Sed folia apud nos uocati ribes, rotunda non sunt, nec multum uiridia, se ad figuram foliorum uitis accedunt. Adde nostrum ribem potius inter uuas numerari debere. Rhasis autem in Almanfore ribem inter fructus

etus

ctus cōputat, & fructū esse iudicauit. At quia Serapio, capreolos recentes rubros ad uiriditatem tendentes habere dicit, & aliqui per capreolos racemos intelligunt, ideo in hoc, cum nostro uocato ribe similitudinem habere uidetur. Sed uideo Serapionē de ribe loqui tanquam de re sibi incerta, & solū aliorum sentētias sequi. Ideo quid sit, ex ipso bene exprimi non potest. Ex alijs uerō autoribus adhuc minus, quia nullus est alius, qui riben pignat. Genuensis solus Arabem quendā autorem citat, qui de ribe hoc modo loquitur: Est planta habens stipitem rubrum, ad uiriditatem decliuem, tenerum, cuius sapor est dulcis acetositate mixtus, folia rotunda, uiridia, et magnā cuius granum petatur de Coraseni, acidī saporis, de quo sit Rob. Hæc ille Arabs, quem Genuensis citauit, cuius nomen est Alhau, ut hinc habeas, & hunc autorem inter fructus cōnumerare. Hoc admonere uolui, quia multi sunt, qui succum ex quadam herba esse dicunt, imò Gulielmus Placentinus riben, acetosam herbā esse iudicauit, in eo deceptus, quia Mesue dicit, quod rob herbe acetosæ est in uirtute eius. SEN. Noster igitur ribes, quem in hortis habemus, Arabum ribes non erit BRA S. Non erit. SEN. Nec ribes apud Grecos, aut Latinos reperitur. BRA. Nec istud (quod scia). SEN. Quid est ergo, quod pro Ribe habemus? BRA. Intel- ligis, ne hunc, quem Alexandria Venetias deferunt, uel illum, qui ex Apennino petitur? SEN. Vtrunq; BRA. De eo Ribe, quem habent Veneti, ex Syra Damascum, Damasco Alexandriam, Alexandria Venetias compor- tatum, nihil aliud tibi, dicā quā quod suprā ex Sera-

pione et Halauī dictū est. De eo uerò qui ex Apēnino af-
fertur, apud antiquos qd sit ignoro, in uiribus tamen cō-
uenire arbitror, quia sapor manifestè ostendit frigidū et
siccum esse, & etiā operationes: quare ad eadē ualet hic
noster Ribes ad quæ Damascenus. Damascenus enim (ut
Auicēna inquit) acetositatis citri, & omphacij uires ha-
bet. Quod et Serapio secundum Aben Mesuai testatur.
Mesue etiā dicit esse in uirtute herbæ acetosæ. Vnde p
Ribe, citri sucro, omphacio, succo herbæ acetosæ, aut no-
stro uocato Ribe, qui in Apennino uiret, uti possumus.
SEN. Ad quæ ualet? BRA. Ad ingentē calorē, & sites
ingentes, ad incendentes febres, ad profluum ex bile:
cardiacis succurrit, uomitū sistit, appetitū excitat, mor-
bilos & uariolos sanat, bilem extinguit, hæmorrhoidas
sedat, et ebrietati cōuenit: ad omnes abscessus pestilētis
morbi ualet, uisum acuit: imò unum est ex his quæ in pe-
stilenti morbo plurimū proficiunt. SEN. Egregius ergo
est hic syrupus. BRA. Est equidem, & adhuc in maiori
pretio sset, nisi citri succum haberemus. Nunc uerò ad
alios syropos flectamus. SEN. De syropis finitum est.
BRA. Tā paucis utimini? SEN. Nō pluribus nisi infu-
sionē senæ inter syropos numerare uelimus. BRAS. Et
cur nō numerabimus? nā cōcoquēdi uires habet, et ego
alio syrupo mixta utor, ut ægro cōuenit, magno eius p-
sidio. Sunt autē in ea cōficiēda Pharmacopolæ dissiden-
tes. Tu comodo paras? SEN. Hoc modo, quē dicemus:

Recipe florum boraginis

Buglossæ

Violarum

} añ. 3. j

Rosarum rubearum) añ.	3.	j.
Aquæ fontis	lib.	j
Mellis rosati colati	unc.	ij.
Senæ	unc.	ij.

Misce & fiat infusio secundum artē. BRA. Nihil aliud addis SEN. Nihil. BRA. Alij. sunt qui ginger miscēt SEN. Et ego id facio in hyeme scrup. gingeris iniicio. BRA. Semper addēdum est: quia ob id additur, ut quædā frigida qualitas à Sena remoueat, quæ uentriculū offendere solet, & flatus excitare, aliàs autem ob amaritudinem quam habet, uentriculo commoda est. Sed à quo autore accepisti. SEN. A nullo, quia magistralis compositio in hac officina à centum, annis citra confecta, doctissimi medicæ artis, professores ita indixere, deinceps patres mei & ego prosecuti sumus. BRASA. Tua autem præcitata compositio ab alijs in pōdere multum differt. Ita enim conficiunt alijs:

Recipe Senæ electæ	unc.	j.
Florum boraginis		
Buglossæ		
Violarum) añ.	3. se.
Rosarum rubearum		
Gingiberis		
Mellis rosati colati	unc.	j.
Aquæ fontis	unc.	v j.

Fiat infusio secundum artem. SEN. Hi mihi uidētur paucissimam aquæ quantitatem accipere, opus enim est duas uncias ad minus resolui, ideo quatuor tantū supererunt BRA. Alij uerò hoc modo parant:

Recipe Senæ optimæ	unc.	℥.
Gingiberis	3.	℥.
Florum uiolarum	}	an.
Buglossæ		
Boraginis		
Rosarum		
	3.	℥.

Deinde hoc modo conficiunt: Senam in x. aquæ fontis
 librās iniiciunt, ebullitione una ebullire faciunt: dein=
 de supra alias res scilicet flores & gingiber, quæ in ui=
 treato uase sint, decoctum illud uersant, & uas adeò ob=
 turant, quod nihil respirare possit. Itaq; per IIII. hora=
 rum spatium dimittunt: deinde percolāt, & in hoc quod
 descendit iniiciunt mellis rosati unc. iiii. SEN. Hi igitur
 mel rosatum in infusione non ponunt. BRA. Non
 ponunt, nec poni debet, sed facta expressione addendum
 est. Inter se præterea differunt, quoniam hi senæ follicu=
 los, illi folia, alij indiscriminatim folliculos & folia re=
 cipiunt, prius tamen pediculis, & paruis festucis ablatis.
 Alij Senam ebullire non faciunt, sed cum aqua ipsa fer=
 uet, in eam senam iniiciunt: deinde hanc aquam simul &
 senam in uitreatum uas iniiciunt, in quo flores & mel
 rosatum posita sint. Alij non semidrachmam Gingibe=
 ris, sed scrupulum imponunt, et per x. horas in infusio=
 ne reliquant. SE. Quid igitur in tanta confusione agi
 oportet? BRA. Hoc, quod nunc explicare conabimur.
 Sicut sena apud antiquos incognita erat, & (ut Auer=
 rois inquit) noua compositio est à recentibus excogita=
 ta quæ in atrabilarijs passionibus, scabie Gallica, lepra,
 psora, & eiusdem generis alij multum profeicit, quæ ab

atra bile dependent: propter hoc flores, quos cordiales appellant addidere. In hac autē infusione ego nunquam prætermittendum putarem polypodium, ad intentionem senæ, & passulas atq; sebestē, ueluti ea quæ aluum emolliunt, quod & in hac infusione requiritur: ubi etiā possum, flores citrorum, aut limonum, aut narantiorum addidit. SEN Ergo & simplicium pondus & parandi modum edoceas. BRA. Hic est.

Recipe Senæ optimæ, simulq; sint folliculi & folia, sed folliculi folia excedant, & sit sena ex oriente potius quàm ex Liguria aut Appulia delata: nam perfectior est orientalis: neq; multum antiqua sit, imò quanto recentior, tanto melior, unc. 1.

Gingiberis Radix una parua, uel ad pondus 3. se.

Florum boraginis. De buglossa curæ nō sit, quia borago est uera buglossa.

Violarum

Rosarum rubearum

Citrorum, uel limonum uel narantiorū, si habeātur.

Polypodij

Passularum

Sebestem

3. ij.

unc. se.

nu. x.

Et si quis domi hanc infusionem conficiat, loco Sebestem, pruna damascena exicata accipiat, & hoc modo fiat: Sumatur libra aquæ fontis feruentissimæ, quæ in uitreatum uas, in quo omnia prædicta in sint, injiciātur: postea uas optime obturetur, & per decem horas dimittatur, deinde exprimatur: sed de melle rosaceo an miseri de-

beat nec'ne, medicus secundū intentionem ægritudinis, uel misceat, uel omittat: nam ad perfectionem infusionis non exigitur. Si autē commiscere uoluerit, sint quatuor unciae mellis rosati. Tamen consuetudo est, semper infusionem alicui syrupo immiscere, ut affectioni alteræ quæ in agro reperitur, conuenit: fortè mel rosatum conueniet, tunc illo uti poteris. Non mihi autem placet, senam in infusione ebullire, quia ex sena superficiales partes solum expetimus. Si quis uerò senam in feruentem aquā iniicere uoluerit, & statim aquam cum sena supra flores immittere, nihil refert, modo sena nō ebulliat. Hæc autem infusio fit, ut horum simplicium uires in aqua recipiantur. Nam infusiones quandoq; fiunt, ut malitia alicuius medicamenti simplicis reprimatur: Quandoq; ut uires alicui medicamento condonentur: Quandoq; ut medicamentum lubricum efficiatur: Quandoq; ut uires simplicium in aquam recipiantur, quod in hac infusione senæ fit. De his uerò infusionum modis antiquiores non tractauerunt: sed Mesue capite III. summæ secundæ in canonibus uniuersalibus has infusiones abundè edocuit. SEN. Quod uncias huius infusionis propinare possumus? BRA. Quandoq; tres, quandoq; quatuor, quādoq; sex exhibeo, ut his cōuenit, qbus ppinatur. Ratio quoq; habēda, est si sola, aut cū alio syrupo mixta bibatur: et an multum, uel parum euacuare conueniat. Sed commune pondus est, quod euacuat simul, & digerit iij. uncias exhibere: nam huic mire proficit cui potui datur. SEN. Tu frequenter ea ueteris, qua de causa? BRA. Quoniam frequentes atrabilarios incido, quibus ipsa cōuenit. SE.

Audiui, quod uenterculum offendat. BRA. Et id Mesue capite XV. de simplicium medicamentorum facultatibus asserit. SEN. Quomodo fieri potest, cum ipse Mesue calidam in principio secundi, & siccam in primo dicat? BRA. Imò & subamara est sena quæ qualitas uentriculo prodesse solet. Sed partes quas dā flatuosas habet, quibus illi obest. hoc autē facile remouetur, quia gingibere addito, partes illæ euanescent. Ideo uel hyems sit, uel æstas gingiber continuè addi debet. Quod autem uenterculum offendat, quisquis in seipso facile experiri poterit, si hanc infusionem semel absq; gingibere bibat: nam statim in eius uentriculo flatus excitabuntur. Iubeo plernuque, ut ipsam infusionem ex iure capi aut pulli cōficiant: & his multum proficit qui sumunt. SEN. Imo hoc uidetur esse Mesue documentum. BRA. Ita certe est propterea & quandoq; iubeo ex sero capræ parari, ut docet Mesue, et tunc mire proficit affectionibus cutaneis ex salsa pituita, et aliqua atræ bilis miscella. Hæc de Sena. Quæ cum inter syruos ultimo loco enumerata sit, oro te (nisi aliquo negotio occuperis) hac nocte mecum dormias, non ut Tityrus Melibœum inuitauit, fronde super uiridi, sed molli super pluma, aut (si mauis) lana. SEN. quædam negotia sunt mihi expedienda. Cras summo mane huc accedā, ut Pilularum compositiones aggrediamur. Nempe mihi institui nunquam desistere, sed tibi perpetuo molestus esse, quoad hæc composita tuo examine pensata sint. Vale nunc, et quæta nocte fruaris. BRA. Et tu quoque.

F I N I S.

P iiii

INDEX RERVM, quæ in hoc libello con- tinentur.

A



Cetum mul	Cardamomum maius	179
sum 192	Calenum	205
Acetū scyl	Calena uina	206
liticū 190	Charmesinus color	45
ακαυδαλον	Chamæbatos	213
κν	Chermes	42
Acantha Aegyptia	Κίτρα	54
Acantha Arabica	Κίσα	ibidem
Aegyptia ficus	Cichoreum	162
Alefanginae species	Coccus	42
Alba spina	Κόκκος βαφικῆ	45
Alefangine quid sit	Coccus infectorius	48
Alfirsedu	Cocci tria genera apud	
αποζέμα	antiquos	48
Aqua pluuiialis	Coccus scolecion	ibidem
Aqua fontis	Coccus ilicis	ibidem
B	Cortex radice an sumē	
Bonbaso	dus sit, an tota radix	99
Βατος	Cotonus	37
Βατος Ideus	Cynosbatos	213
Bedeguar	D	
Eombycina uestis	Defructum	204
Bonbyx	Diamorum simplex	199
Caprea	Diamorū compositū	201

INDEX.

Diamorū compositum Ale-	209	Iuleb uiolatū ex succo uio-	80
xandri	220	larum	ibidem
Diacarydion	ibidem	Iuleb iuiubinum	84
Dyacorion	221	L	
Dianucis simplex	ibid.	ΛσνιcRvδλx	143
Dianuc s compositum	25	Locus Mesue restitutus	92
Dorcas peregrina	162	M	
Dundebe		Malatia pregnantium	54
E	204	Maratha	213
Εψμα	139	Μετρεαυ	38
Eupatorium Mesue		Mel rosatum ex succo ro-	
F	141	sarum	68
Folij loco quid sumēdū	218	Mel rosatum ex infusione	
Fraga		rosarum	ibidem
G	25	Mel rosatum quadruplex	
Gazella	35. & 37	71	
Gospina	ibid.	Mel rosatum colatum	72
Gonsopion	44	non colatum	198
Grana		Mel uiolatū colatū	205
H	178	Mellacium	175
Heil	204	Miua Cydoniorum	25
Hepsema	205	Misch	24
Hepseton	67	Muscus	210
Hydrorosatum	120. et 177	Mora alba	212
Hydromalum	20	Mora nigra	ibidem
Ηδελx		Mora celsi	213
I		Mora bati	214
Iuleb uiolatū ex aqua ui	79	Mora uaticana	
ignis eliquata			

INDEX.

Mora campagnola	213	μερόπων	ibidem
Mora de sceni	218	R	
Mucharus rosarum	67	Radices an cortex, an tota	
Mucharus uolarum	78	sumenda	99
Myrtetum	165	Radechio sylvestris	162
Moschus Venerem excitat		Rhamnus	228
29		Rhodomet	73
N		Rhodostacte	75
Namponi	218	Rhoeti	ibidem
Necydalus	36	Rob	203
Neuropastos	221	Robub	ibidem
O		Rob nucum	220
Omphacomeli	124	Rob de Ribes	223
ωφέλημα	20	Robus	213
Oxymel	94	Rubus caninus	ibidem
Oxymel simplex	180	Rubus Idæus	213. 214
Oxymel dieuchis	183	Rubus terrestris	213
Oxymel compositum	187	S	
Oxymel Iuliani	188	Sacolla	178
Oxymel splenicum ibid.		Suchaha	142
Oxymel pro calculosis ibi.		Sapa	203
Oxymel scylliticum	195	Scolecion	48
Oxymel scylliticum compo		Sechaniabin	182
situm	196	Senæ infusio	226
Oxyzachara	197	Σ αγρός	204
Oxyzachar	ibidem	Seris	162
P		Seris sylvestris	ibidem
Præpotio	18	Sericum	30
Propinatio	ibidem	Serica	82

INDEX.

Seres	31	centium	66
Ser	ibidem	Syrupus rosatus simplex	
Sentis	213	de infusione rosarum sic	
Sentis canina	ibidem	carum	68
Sentis terrestris	ibidem	Syrupus rosatus solutius	
Sentis Idæa	ibidem	69 & 76	
Seta	30	Syrupus alter solutius ro	
Σιγαδὺ	38	satus	70
Syreum	205	Syrupus solutius ex flori-	
Species alefingina	176	bus persicorum	71
Spina alba	143	Syrupus uiolatus compo-	
Squingebin	182	tus	77
Stangebin	ibidem	Syrupus uiolatus ex infu-	
Suleich	114	sione uiolarum	78
Sycaminea	212	Syrupus uiolatus de succo	
Sycomora	ibidem	uiolarum	80
Syrupus de corticibus citri		Syrupus uiolatus ex deco-	
17		ctione uiolarum, ibidem	
Syrupis an antiqui uteren-		Syrupus iuiubinus simplex	
tur	ibidem	84	
Syrupus de acetositate ci-		Syrupus iuiubinus compo-	
tri	52	situs	ibidem
Syrupus de stœchade	56	Syrupus de papauere sim-	
Syrupus rosatus simplex		plex	90
64		Syrupus de papauere com-	
Syrupus rosatus simplex		positus	ibidem
de succo rosarum	65	Syrupus de quinq; radici-	
Syrupus rosatus simplex		bus	93-106
de infusione rosarum re		Syru. acetosus simplex	84

INDEX.

Syrupus acetosus cum ra-	Syrupus de epithymo	133	
dicibus	98	Syrupus de eupatorio	136
Syrupus de duabus radici-	Syrupus de liquiritia	148	
bus cum aceto	ibid.	Syrupus de hyssopo	150
Syrupus de duabus radici-	Syrupus de prassio	153	
bus sine aceto	ibid.	Syruporum pectoraliū or-	
Syrupus de quinq; radici-	do	ibidem	
bus	106.93	Syrupus de capillis Vene-	
Syrupus bisantinus sine ace-	ris	155	
to	110	Syrupus de calamētho	156
Syrupus bisantinus cum ace-	Syrupus de endiuiā Genti-		
to	ibidem	lis	157
Syruporum acetū recipien-	Syrupus de endiuiā sim-		
tium ordo	plex	159	
Syrupus acetosus diarho-	Syrupus de succo endiuiæ		
don	ibidem.		
115	Syrupus de endiuiā compo-		
Syrupus acetosus diachy-	situs	ibidem	
lon	ibidem		
Syrupus acetosus de succis	Syrupus de cichorea Nico-		
herbarum	lai	ibidem	
116	Syrupus de cichorea Gu-		
Syrupus de pomis simplex	lielmi Placentini	161	
117	Syrupus Myrtinus	163	
Syrupus de pomis Sabor	Syrupus myrtinus simplex		
121	ibidem		
Syrupus de agresta	124	Syrupus myrtinus compo-	
Syrupus de fumo terræ	situs	ibidem	
126	Syrupus de matricaria		
Syrupus de absinthio	129	156	
Syrupus de mentha	131		

INDEX.

Syrupus de artemisia	167	T	
Syrupus myrachinus	172	Taraxacon	162
Syrupus nenufarinus cum=	Tut		214
positus	174	Z	
Syrupus nenufarinus sim=	Zucharum uiolatum	198	
plex	ibidem	Zulapon	

FINIS.

Venetijs apud Cominum de Tridino
Montisferrati, Anno

M. D. XLV.

